

Liahona



O le Pogai
Tatou te
Manaomia
ai Iesu
Keriso,

itulau 12

Pe a oo ina Faia ma le Loto Atoa
Auaunaga na Tofia i Ai,
itulau 18

O Auala na Faaali atu ai e Iesu
Keriso le Alofa Mo i Latou e
Lagona le Faaesea, itulau 24

O Auala e Fa e Maua ai le
Meaalofa o le Alofa o le Atua,
itulau 28


UA I AI
IINEI LE
EKALEΣIA

Rio de Janeiro **Pasila**





O Rio de Janeiro ua na o se tasi lea o le tele o nofoaga autu o le malosi mo le Eklesia i Pasila. O le a le pine ae faapaiaina se malumalu i Rio. O nisi nei o mea moni e uiga i le Eklesia i Pasila.



1929 Tagata liliu mai muamua i Pasila

1966 Na uluai faavaeina ai le siteki, i São Paulo

1978 Malumalu o Sao Paulo Pasila, O le uluai malumalu na fausia i Amerika i Sante, ua faapaiaina

2001 Na faamamaluina ai le Aualofa e le malo






Faasoaina
Atu o le
Malamalama
o le Faaola i le
Kerisimasi

8



Auaunaga i Tagata Uma
Elder Richard Neitzel Holzapfel

18



O Le Pogai Tatou te Manaomia ai
Iesu Keriso
Elder D. Todd Christofferson

12



Maua le
Meaalofa
Jakob R. Jones

28

O le Talalelei: O se Taula i se Taimi o Suiga

I le 2020 ua tatou onosaia ai mala faalenatura ma se faama'i pipisi i le lalolagi atoa. Ua tatou sue-sueina le Tusi a Mamona e ala i le Sau, *Mulimuli Mai ia Te A'u* faatasi ma o tatou uso ma tuafafine latalata mai ma e mamao. Ua tatou aufaataси ma le lalolagi atoa i le anapogi ma le faatuatua.

I se lalolagi fesuisuiai, e mafai ona tatou taulaina o tatou agaga i lo tatou Faaola, o Iesu Keriso, ma Lana talalelei toefuataiina. Matou te faamoemoe o le a fesoasoani ia te oe nei tusiga ma isi tusiga o lenei lomiga, e lagona ai le Agaga o le Kerisimasi, o le Agaga lea o le Alii:

- Ua aoao mai e Elder D. Todd Christofferson le pogai tatou te manaomia ai se Faaola (tagai i le itulau e 12).
- I le "Faasoaina Atu o le Malamalama o le Faaola i le Kerisimasi," ua matou fautuaina atu ai ni manatu mo auaunaga i le vaitau o le Kerisimasi (tagai i le itulau e 8).
- Ua tusi e Jakob Jones e uiga i ni meaalofa se fa e mafai ona tatou tuuina atu i le Alii ina ia mafai ona valaaulia ai le meaalofa o le Agaga Paia i o tatou olaga (tagai i le itulau e 28).
- I le amataga o lenei tausaga, na faamaonia ai e le Au Peresitene Sili le lomiga o mekasini fou e tolu a le Eklesia, e amata atu i le masina fou: e tasi mo tagata matutua, tasi mo le autalavou, ma le tasi mo fanau. O nei mekasini o le a maua i le tele o gagana, e aumaia le talalelei i Au Paia o Aso e Gata Ai i le lalolagi atoa. E ala atu i nei mekasini fou, o le a faaauau ai pea ona tatou faalogo i le siufogoa o le Alii e ala i Ana auauna ma fesoottai atu i le tasi ma le isi o ni tagata o se Eklesia o le lalolagi aoao. (Aoao atili i le itulau e 6.)

Ia manuia le Kerisimasi mai le aufaigaluega a le *Liahona*

Anotusi

5 E Mafai Ona e Faamalamalamaina le Lalolagi ☺

6 Tulimatai Atu i Mekasini Fou e Tolu

O suiga mananaia mo le *Liahona* i le tausaga a sau!

8 Mataupu Faavae o le Auaunaga

Faasoaina Atu o le Malamalama o le Faaola i le Kerisimasi
O le vaitau o le Kerisimasi e aumaia ai ia i tatou ni auala tulaga ese
e auauna atu ai.

12 O Le Pogai Tatou te Manaomia ai Iesu Keriso

Saunia e Elder D. Todd Christofferson

Ia tuutuu i lalo le malomaloā i lenei vaitau o le Kerisimasi ae manatunatu
i le Alo o le Atua.

18 Auaunaga i Tagata Uma

Saunia e Elder Richard Neitzel Holzapfel

O auala e auauna atu ai i isi i auala tupu fua ma masani ai.

24 Faatalatalata Atu: Alofa e pei ona sa Faia e le Faaola

Saunia e Becky ma Bennett Borden

E mafai ona tatou aoaoina ni mea se tele mai le faataitaiga a le Faaola
o le fegalegaleai ma isi.

28 Maua le Meaalofa

Saunia e Jakob R. Jones

O auala e fa e lagona ai le alofa o le Atua—le meaalofa moni o le Kerisimasi.

32 O Leo o le Au Paia o Aso e Gata Ai ☺

Fesoasoani i tagata sulufai ma e ē leai ni aiga i Farani; manatuaina o tatalo na
taliina i le falepuipui; filifili e totogi le sefuluai; mauaina o se uunaiga faaleagaga
faanoanoa.

36 Sau, Mulimuli Mai ia te A'u: Tusi a Mamona 📖 ☺

O nei tusiga faalevaiaso e lagolago ai lau suesuega o le Tusi a Mamona
i le masina lenei.

40 E Faapefea ona ou Talanoa i La'u Fanau e uiga i le Talalelei i Auala o Aso Uma?

O talanoaga o le talalelei e le faapea e tatau lava ona matuai faamamalu ai ma
aloia.

☺ Faitauga Vave

📖 Lagolago mo le *Sau, Mulimuli Mai ia te A'u*

I Le Faavaa
Faamemeloga o le Pepe o Iesu,
saunia e Matthias Stomer,
Bridgeman Images.



Vaega

Autalavou Matutua

42

E mafai e ala o faasalalauga
faagafesootai ona faatiga ia i
tatou a o tatou faamasinoina isi
ma le le amiontu pe faatususa
i tatou lava i isi.

Aoao pe mafai
faapefea ona
tatou **faia ala o**
faasalalauga faa-
agafesootai o se
faatosinaga lelei.



Autalavou

50

Sa faanoanoa, ona **faamanuiaina**
lea, i le vaitaimi o le Kerisimasi;
e toatele ni talavou ua faaso atu
ni **meaalofa faaleagaga** na latou
mauaina; o le malamalama faaf-



liga e mafai ona
faalavelaveina
ai i tatou mai le
Malamalama o
Keriso; ma le o
aafiaga o Moro-
nae ua aoaoina
ai i tatou i lesona
o le olaga.

Tamaiti

Uo

Aoao e uiga i
meaalofa ia e
mafai ona tatou
foai atu ma
mauaina.



E NA’O TUSIGA FAATEKINOLOSI O TESEMA



O Faamanuiaga e Tau Le Iloa o le Sefuluai

Saunia e Kimberly Jensen

O le tele o taimi o faamanuiaga o le sefuluai e itiiti ae mamana.

Faafetaua’ia o le Tuuatoatasi e ala i le Fesootai ma Keriso

Saunia e Kylie Parrish

Ua faasoa mai e se talavou matua se malamalamaga loloto i le taulai atu i le Faaola i lenei vaitau e i ai taimi e tuuatoatasi ai.



O E Tauivi e Suesue le Sau, Mulimuli Mai ia Te A’u Na o Oe? O Nisi Nei o Motugaafa mo le Tausaga Fou

Saunia e Annelise Gardiner

Ua faasoa mai e se talavou matua ni manatu i le auala e mafai ai ona tele ni mea e maua mai le Sau, *Mulimuli Mai ia te A’u* pe a o e suesue na o oe.

Faafesootai Mai i Matou

FAAFESOOTAI MAI I MATOU

Auina mai fesili ma manatu faaalia i le liahona@ChurchofJesusChrist.org.

Ia auina mai au tala i le liahona.ChurchofJesusChrist.org pe lafo mai i le: Liahona, flr. 23
50 E. North Temple Street
Salt Lake City, UT 84150-0023, USA

TESEMA 2020 VOL. 44 NU. 12

LIAHONA 16727 890

O le mekasini faavaomalo o Le Ekalesia a Iesu Keriso o le Au Paia o Aso e Gata Ai

O Le Au Peresitene Sili: Russell M. Nelson, Dallin H. Oaks, Henry B. Eyring

O le Korama a Apostolo e

Toasefululua: M. Russell Ballard, Jeffrey R. Holland, Dieter F. Uchtdorf, David A. Bednar, Quentin L. Cook, D. Todd Christofferson, Neil L. Andersen, Ronald A. Rasband, Gary E. Stevenson, Dale G. Renlund, Gerrit W. Gong, Ulisses Soares

Faatonu: Randy D. Funk

Faufautua: Becky Craven, Sharon Eubank, Cristina B. Franco, Walter F. González, Larry S. Kacher, Jan E. Newman, Adrián Ochoa, Michael T. Ringwood, Vern P. Stanfill

Pule Faatonusili: Richard I. Heaton

Faatonusili o Mekasini a le Ekalesia:

Allan R. Loyborg

Pule o Mea Tau Pisini: Garff Cannon

Pule Faatonu: Adam C. Olson

Pule Faatonu Lagolago: Ryan Carr

Faasalalau Lagolago: Enish C. Dávila

Au Tusitusi ma Faatonutonu:

David Dickson, David A. Edwards, Matthew D. Flitton, Garrett H. Garff, Jon Ryan Jensen, Aaron Johnston, Charlotte Larcabal, Michael R. Morris, Eric B. Murdock, Joshua J. Perkey, Jay Pinborough, Richard M. Romney, Mindy Selu, Lori Fuller Sosa, Chakell Wardleigh, Marissa Widdison

Faatonusili o Faatufugaga: Tadd R. Peterson

Mamanu: Jeanette Andrews, Fay P. Andrus, Mandy Bentley, C. Kimball Bott, Thomas Child, Joshua Dennis, David Green, Colleen Hinkley, Eric P. Johnsen, Susan Lofgren, Scott M. Mooy, Aleni Regehr, Mark W. Robison, K. Nicole Walkenhorst

Faatonu o le Puletaofia o Meatotino:

Collette Nebeker Aune

Pule i le Gaosiga: Ammon Harris

Gaosiga: Ira Glen Adair, Julie Burdett, José Chavez, Bryan W. Gygi, Ginny J. Nilson,

Mariissa M. Smith

Tailolomi: Joshua Dennis, Ammon Harris

Faatonusili Lomutisi: Steven T. Lewis

Faatonusili o Faletusi: Nelson Gonzalez
Mo le okaina o mekasini, ali u le store.ChurchofJesusChrist.org po o le Faletusi Tutotonu i Pesega. Telefoni 64127. Totogi o le Mekasini: \$0.55 (Samoa) 1 i le kopii. Totogi mo le Tausaga Atua \$6.60 (Samoa).

Auina atu tusitisiga ma faafesili i luga o le initoneti i le liahona.

ChurchofJesusChrist.org: pe meli mai i le Liahona, flr. 23, 50 E. North Temple, Salt Lake City, UT 84150-0023, USA; po o le i-meli: liahona@ChurchofJesusChrist.org.

Liahona (o lona uiga i le Tusi a Mamona o le “tapasa” po o se “faatonuā”) e lomia i le faa-Alepania, Aminia (Sasae), Pisilama, Palekeria, Kemputia, Sepuano, Saina, Kalaoia, Siekisolvaki, Tenimaka, Take, Igilisi, Esitonita, Fiti, Finelani, Farani, Siamani, Eleni, Hanikeri, Initu, Iselani, Initonlesia, Italia, Japan, Kiripati, Korea, Latvia, Litunia, Malakasa, Masela, Monokolia, Nouei, Polani,


Potukale, Romania, Rusia, Samoa, Saina (ua faafagofieina), Silovenia, Sipaniolo, Suetena, Swahili, Tagaloka, Tahiti, Tai, Toga, Iukureini, Urutu, ma Viatename. (E eseese lava gagana.)

© 2020 Puletaofia e le Intellectual Reserve, Inc. Ua taofia aia tatua uma. Lomia i le lunaite Setete o Amerika.

Faamatatalaga o le Puletaofia: Vagana ua faailoa mai, e mafai e tagata taitoatasi ona kopii anomea mai le *Liahona* mo lo latou lava faaaogaina patino, e le faia ai ni pisinisi (e aofia ai valaauga o le Ekalesia). O lenei aia tatua e mafai ona faaleaoagaina i soo se taimi. E le tatua ona kopii ia ata pe afai o loo faaalia le faasaina i le laina o faaaloalogia faatasi ai ma le faatufugaga, la auina mai fesili e uiga i le puletaofia e le Intellectual Property Office, 50 E. North Temple St., FL 5, Salt Lake City, UT 84150, USA; email: cor-intellectualproperty@ChurchofJesusChrist.org.

Mo le Aufaitau i le lunaite Setete ma Kanata: December 2020 Vol. 44 No. 12. LIAHONA (USPS 311) Samoan (ISSN 1045-0947) is published monthly by The Church of Jesus Christ of Latter-day Saints, 50 E. North Temple St., Salt Lake City, UT 84150. USA subscription price is \$10.00 per year; Canada, \$12.00 plus applicable taxes. Periodicals Postage Paid at Salt Lake City, Utah. Sixty days' notice required for change of address. Include address label from a recent issue; old and new address must be included. Send USA and Canadian subscriptions to Salt Lake Distribution Center at address below. Subscription help line: 1-800-537-5971. Credit card orders (American Express, Discover, MasterCard, Visa) may be taken by phone or at store .ChurchofJesusChrist.org. (Canada Post Information: Publication Agreement #40017431)

POSTMASTER: Send all UAA to CFS (see DMM 507.15.2). **NONPOSTAL AND MILITARY FACILITIES:** Send address changes to Distribution Services, Church Magazines, P.O. Box 26368, Salt Lake City, UT 84126-0368, USA.



E MAFAI ONA E FAAMALAMALAMAINA LE LALOLAGI

Ao e faama-natuina le soifua mai ma le soifu-agia o lesu Keriso i lenei masina, o ni nai manatu nei e fesoasoani ia te oe e aapa atu ai i isi ma faasoa atu le malamalama ua la aumaia i lou olaga.



FAASOA ATU LE VITIO THE CHRIST CHILD

- Faasoa atu le vitio i luga o ala o faasalalauga faaagafesootai.
- Faaali i lou fale faatasi ai ma uo o isi faatuatuaga.
- Faasoa atu i se tagata ese i luga o le pasi.
- Faaaoga i se lesona o le afiafi faaleaiga.

ASIASI I E MAMA'I MA PUAPUAGATIA

- Tuu faatasi pusa o mea e tausi ai le tumama.
- Faaalu se taimi ma i latou o e mama'i.
- Fesili atu pe faapefea ona e fesoasoani atu.
- Foai atu i se faalapotopotoga o auaunaga alofa.

FAFAGA I E FIAAAI

- Volenitia i se umukuka e tufa ai supo.
- Auai i se tufatufaga o meaai.
- Aumai se meaai i se tasi.
- Valaaulia se tasi i le taumafataga o le Kerisimasi.

FAAMAFANAFANA LE UA TUUATOATASI

- Nofo i tafatafa o se tasi ua tuua na o ia.
- Asiasi i se tasi e nofo na o ia.
- Valaaulia i latou o e ua tuua na o i latou i lou aiga.
- Fai se uo fou.



VALAAULIA TAGATA I LE LOTU

- Tatalo ia iloa po o ai e valaaulia.
- Valaaulia isi i le sauniga faapitoa o le Kerisimasi i le aso 20 o Tesema.
- Ia valaaulia faafesagai ma e ala i ala o faasalalauga faaagafesootai.
- Valaaulia ni uo i gaoioiga o le Kerisimasi.



Tulimatai Atu i Mekasini Fou e Tolu


*O suiga i mekasini a le Eklesia
o se faailoga o le tuputupu ae o le
Eklesia i le lalolagi atoa.*

Epei o le tapasa paia o loo faaigoaina ai (tagai Alema 37:38–45), o le mekasini o le *Liahona* ua faamoemoe e faasino atu lana aufaitau i lo tatou Faaola, o Iesu Keriso. O le taimi nei o lea ua amataina se itulau fou o ni suiga fiafia mo lomiga a le Eklesia.

E amata i le masina o loma nei, o le a lolomi ai e le Eklesia ni mekasini fou e tolu, o mekasini mo le lalolagi atoa: o le *Liahona* mo tagata matutua, *Mo le Malosi o le Autalavou* mekasini mo le autalavou, ma le mekasini o le *Uo* mo tamaiti. E faalagolago i le gagana, o le a maua mekasini i masina taitasi pe taivava masina ma maua.

Afai o oe o se tagata o loo maua se lomiga ua totogiina o le mekasini, o le a otometi lava ona faaauauina mo leisi tausaga tusa lava poo le a le umi o totoe i lau lomiga ua totogiina o le mekasini. Afai e mananao lou aiga e maua se lomiga ua totogiina o le *Uo* poo le *Mo le Malosi o le Autalavou*, e mafai ona faia lau lomiga ua totogiina o le mekasini i se faletusi o le eklesia i le lotofale poo le store.ChurchofJesusChrist.org.

O Uarota ma paranesi o le a faamalosia e saunia ni lomiga ua totogiina o le mekasini mo tagata faatoa papatiso ma faapea foi fanau laiti ma autalavou e auai atu i le lotu e aunoa ma o latou matua. Sei tagai ane i foliga o nei mekasini ma mafaufau pe faapefea ona latou faamanuina ia oe, lou aiga, ma uo.



O Le Liahona: Mo Tagata Matutua

Savali mai taitai o le Eklesia
Aafiaga mai tagata faamaoni o le Eklesia
**Tusiga e fesoasoani i le suesueina
o le Sau, Mulimuli Mai la Te A'u**
**Mataupu faavae faigofie o le
talalelei mo tagata fou o le Eklesia**
**O faaopoopoga o loo i ai tala fou
ma vaiga mai la outou eria**





Mo le Malosi o le Autalavou: Mo talavou



Savali mai taitai o le Ekalesia

Lesona faatino o le afiaifi faaleaiga

Tali i fesili mai le autalavou

*Tusiga e uiga i ala o faasalalauga,
tulaga faatonuina, uo, ma
isi autu talafeagai*

*Tagai i le itulau e 50
o lenei lomiga e aoao
atili ai i le mekasini
fou mo le autalavou.*



O Le Uo: Mo Tamaiti


Savali mai taitai o le Ekalesia

Gaoioiga mo tamaiti laiti

O tala na tusia e tamaiti

*Tusiga e fausia ai
malamalamamaaga o le talalelei*

Ata tusi a tamaiti



E mafai ona e totogi se lomiga o le mekasini ua lolomiina pe tuu atu se meaalofa o le totogi o se lomiga i le store. ChurchofJesusChrist.org. E mafai ona e faitauina le mekasini i se mamanu faatekinolosi i le polokalama o le Potutusi o le Talalelei po o le liahona. ChurchofJesusChrist.org.

Mataupu Faavae o le Auaunaga



FAASOAINA ATU O LE MALAMALAMA O LE FAAOLA I LE KERISIMASI

Mafaufau ia i latou e te auauna atu i ai. E mafai faapefea ona e fesoasoani ia i latou ia latalata atili ia Keriso i lenei Kerisimasi?

Ao tatou manatua ai le Faaola o Iesu Keriso i le tausaga atoa, o le Kerisimasi o le vaitau lea tatou te faamanatuina ai le meaalofa silisili ua tuuina mai: “Aua ua faapea lava ona alofa mai o le Atua i le lalolagi, ua ia au mai ai lona Atalii e toatasi” (Ioane 3:16). A o tatou auauna atu i le Kerisimasi, e mafai foi ona tatou avatu meaalofa ia e fesoasoani ai i isi ia faalatalata atili atu i le Faaola. E matagofie le mafaufau ia i tatou lava i lo tatou tuuina atu o se meaalofa e talitutusa ma le meaalofa na tuuina mai e le Tama Faalelagi.

O Loo Ou Teufatuina Pea le Meaalofa

Susan Hardy, Kalefonia, ISA

I na ua 11 ou tausaga, sa tau mai e lo'u faiaoga o le Aoga Sa, o Brother Deets i le matou vasega e faapea, afai o le a matou taulotoina Mataupu Faavae o le Faatuatua ma faamatala atu ia te ia o latou uiga, o le a ia faatauina mai mo i matou a matou lava seti o tusitusiga paia.

O Brother ma Sister Deets o se ulugalii talavou, lea faatoa tau amata. Sa ou le mautinoa pe gafatia e Brother Deets ona



faatau mai se meaalofa mo soo se tasi. Ae sa ou filifili afai na manatu o ia e taua tele le taulotoina o Mataupu Faavae o le Faatuatua, o le a ou talia le lu'i.

Ina ua maua uma la'u 13, sa faagaso lava le taimi ma galo atu ai ia a'u lana folafolaga.

Ona oo lea i le Aso o le Kerisimasi, sa ou mauaina se afifi na i ai i luga lo'u igoa. Sa ou tatalaina ma maua ai se seti o tusitusiga paia mo au lava, ma se kata o le faamalosiauga ia ou faitau soo i ai. Na tupu lena mea i le 1972, ma e oo mai i le asō o loo i ai pea ia te au na tusitusiga paia. E taua tele ia te au.

Sa le o le tau o le meaalofa ae o le agalelei sa ia faaali mai ia te au ma le ositaulaga sa ia naunau e faia mo au, lea na tuua ai au ma se naunautaiga loloto e suesue i le afioga a le Atua. Ou te taumafai e mulimuli i faataitaiga o auaunaga a Brother Deets e ala i le tuuina atu o meaalofa anoa ia i latou o loo siomia au, ma le faamoemoe e mafai ona ou faamanuiaina olaga o isi e pei ona ia faamanuiaina au.

O Se Valaaulia e Faia se Vaega

Richard M. Romney, luta, ISA

Ina ua fai mai i latou na fuafuaina le gaoioiga o le Kerisimasi a le matou uarota ou te asiati atu i se tagata e le toaga i le lotu ma valaaulia o ia e auai i le polokalama, ou te fia ta'u atu sa ou popole. Sa na o le faatasi na ou feiloai ia Darren, ina ua auai mai i se gaoioiga na muamua atu a le uarota. Sa fusi lona muaulu i se fusiulu [a le tagata tietiel] pasika. O lona lauulu sinā uumi sa faaponi, sa i ai sana 'ava e paepae atoa, ma sa soo ona lima i pe'a.

O lea, faatasi ai ma se sui o le komiti, sa ou tu ai i le fai totoa a Darren, ma mafaufau pe o le a sana tala o le a fai mai. Sa fai mai o ia ma te o atu i totonu, ma sa ma tau atu ia te ia le mafuaaga o le ma i ai iina. Sa ia fai mai, "Oi, o le a ou fafia e fai lena mea!"

Sa ia faia se galuega maoae, i le fesoasoani lea ina ia anoa le gaoioiga mo le

FAASOA MAI OU AAFIAGA

Auina mai ia i matou a outou aafiaga o auau-naga po o auaunaga na faia mo outou. Alu i le liahona.ChurchofJesus Christ.org ma kiliki le "Submit an Article or Feedback."



toatele. I se taimi puupuu mulimuli ane, na talosagaina ai ma'ua ma la'u soa o auaunaga ina ia ma asiiasi e le aunoa ia Darren. E foliga mai sa fiafia o ia i taimi uma e vaai mai ia i ma'ua, ma sa i ai ni a matou talanoaga fiafia. Ou te faafetai i le musumusuga e valaaulia o ia e auai i le polokalama o se gaoioiga a le uarota na taitai atu ai i se mafutaga faapelepele.

Auauna Atu i Isi i le Kerisimasi

O nisi nei o mea e mafai ona e faia ina ia mautinoa ai o le a iloa e i latou e te auauna atu i ai o loo e mafaufau atu ia i latou, aemaise lava i le taimi lenei o le tausaga.

- 1. O nisi taimi e faia ai e se vili i le telefoni po o se feau tusitusia ni mea ofooogofia.** O le amataina o se talanoaga faigofie i se "Talofa, o a mai oe?" e mafai ona faia se eseesega.
- 2. Auai faatasi i a latou aso faamanatu pe a talafeagai ai.** O le Kerisimasi e mafai ona avea ma se taimi maoae e aoao ai e uiga i talitonuga tatou te tutusa ai. Pe a e faasoa atu talitonuga ma faalogo atu i isi, ua e tatalaina le faitotoa i se malamalama sili atu.
- 3. Tatalo mo i latou ma ta'u o latou igoa.** Ole atu i le Tama Faalelagi e fesoasoani atu ia e mafaufau i ni auala e aumaia ai i latou ia latalata atili atu i Lona Alo.
- 4. O meaalofa faatauvaa e masani lava ona sili ona manatuaina.** E le faapea e tatau lava ona mataina se meaalofa ina ia fiafia i ai. O le meaalofa o le taimi, o le

meaalofa o le faalogo, o le faasoaina atu o se ata po o se manatuaga—e mafai ona avea uma ma meaalofa o le loto.

- 5. Tuuina atu le meaalofa o le molimau.** Fai atu ia i latou e faasoa mai lo latou alofa i le Faaola ia te oe, ma ofo atu e faasoa atu lou alofa ia te Ia ma i latou.

Faaaogaina o le Faamalamalama le Lalolagi e Auauna Atu Ai

E mafai ona e faaaogaina le faalauloa o le Faamalamalama le Lalolagi e fesoasoani ai ia te oe a o e auauna atu. O ni nai manatu nei e te amata ai. (Su'e nisi mea se tele i le ComeuntoChrist.org.)

- 1. Faasoa atu le vitio The Christ Child.** E mafai ona e tuuina i luga, faasoa atu se sootaga, pe valaaulia isi e matamata faatasi ma oe.
- 2. Valaaulia isi e auai atu i se sauniga o le Kerisimasi.** O nisi tagata e mananao e tapuai ae le iloa le mea e o i ai. Valaaulia i latou e o mai e tapuai faatasi ma oe.
- 3. Uunaia i latou e foai atu i isi.** E mafai ona latou foai atu i Auaunaga Agaalofa a le Ekalesia po o auaunaga alofa i le lotoifale. Afai o loo e nofo i se aai o loo i ai se tasi o Masini Foai a le Ekalesia, e mafai ona tou o ma i latou pe a e alu e foai atu. O masini e maua ai se auala faigofie e auina atu ai se meaalofa lea e mafai ona faamanuiaina ai tagata i le lalolagi atoa.



4. **Lesitala i uunaiga mo auaunaga i aso taitasi.** E mafai ona e fesoasoani i isi e lesitala foi. O uunaiga e mafai ona maua ai ni avanoa tou te auauna faatasi ai.
5. **Faatumulia o latou pale i le filemu.** Faailoa atu ia i latou o loo i ai i faifeautalai se savali faapitoa o le Kerisimasi e mafai ona la faasoa mai, o se savali o le aumaia ai le faamoemoe ma le alofa i o latou loto.
6. **Faailoa atu i latou i le Faamalamalama le Lalolagi.** Faaali atu ia i latou le auala e aoao atili ai i le ComeuntoChrist.org.

Auauna Atu i Tagata Uma o se Faapotopotoga

O manaoga o faapotopotoga taitasi e tulaga ese. O nisi e faamanuiaina mai le faatulagaina o se gaoioiga telē. O isi faapotopotoga e mafai ona faamanuiaina mai se mea faatauvaa ma faigofie. O i latou na aafia i le fuafuaina ma le faatulagaina o gaoioiga e mafaufau ma le agaga tatalo i auala e taulima ai manaoga o loo i ai.

- O tagata o le Ekalesia mai siteki e tolu i Pale, Farani, na fesoasoani e lagolago se patī o le Faamalamalama le Lalolagi lea

na aofia ai se faaliga taleni ma se faaliga la'ei. Sa latou saunia ni mea ia na tuuina atu i tagata sulufai ma tagata o loo aafia i le leai o ni mea e nonofo ai. (Tagai "Faamalamalama i le Lalolagi i Pale," itulau 32.)

- Sa faatautaia e le Siteki Tutotonu a Charlotte Carolina i Matu se fuafuaga o le "Kerisimasi i le salafa o le Lalolagi" mo le afioaga, ma se patī e faamanatu ai Keriso e ala i meaai, faaliga o agaifanua o le Kerisimasi faavaomalo, musika, galuega fesoasoani, ma tala faatino a tamaiti o le fanau mai o Iesu.
- Sa auai tagata o le Siteki a Vero Beach Florida i se faamanatu faalelotoifale o le pogai tatou te faamanatuina ai le Kerisimasi. Sa foai atu ni meataalo i faalapotopotoga o auau-naga alofa. Sa faafafia se aufaipese a tamaiti o le Peraimeri, ma e tele ni ekalesia na i ai ni potu laiti e faailoa ai faamatalaga.
- Na faatinoina e le Siteki a Jacksonville Florida i Sautē le faaliga o le *Faaola o le Lalolagi* mo le nuu. ■




FAALATALALATA ATU I LE FAAOLA

"A tatou aveina faafaa-tusa i tatou i le pale o manu i Peteleema, 'lea na taoto ai le Atua i vao-vao i le po,' o le a mafai ona tatou iloa lelei atu le Faaola o se meaalofa mai se Tama Faalelagi agalelei ma alofa."

Elder Dale G. Renlund o le Korama a Apostolo e Toase-fululua, "Ina la Mafai Ona Ou Aumai o Tagata Uma ia te Au," *Liahona*, Me 2016, 40.





Saunia e
Elder D. Todd
Christofferson

O Le Korama
a Aposetolo e
Toasefululua

O LE POGAI TATOU TE MANAOMIA AI Iesu Keriso

*Tuutuu i lalo le malomaloā i lenei vaitau o le Kerisimasi ae
manatunatu i le ofoofogia ma le mamalu o le Alo o le Atua.*

Efaaopoopo atu i le Kerisimasi e aumaia ai se avanoa e toe manatunatu ai i le soifuaga ma saofaga a le Perofeta o Iosefa Samita, o lona aso soifua o le aso 23 o Tesema. E faigata ona talisapaia atoatoa le mea na ia ausia i le avea ai o se meafaigaluega i aao o le Alii i se siosiomaga o le tetee, sauaga ma I se taimi o le a oo mai, o le a tatou vaai ai i le faamamaluina o le Perofeta o Iosefa o le taitai agavaa o lenei tisipenisione mulimuli ma le silisili—le tisipenisione e tasi sa faamoemoeina e manuia e ui lava o tisipenisione uma ua mavae na iu i le ililiuese.

Ailoga e i ai se tasi i lenei tisipenisione ua iloa lelei le mata'u i le Atua ae le o tagata nai lo o le Perofeta (tagai Mataupu Faavae ma Feagaiga 3:7–8). Sa manaomia e le Alii ni mea faigata tele mai ia Iosefa. Na ia faia, ma ua 'ae'ae ai i tatou uma.

O le faaliliuga ma le lolomiga o le Tusi a Mamona sa o se ausiga lauiloa ma o le faavae lea o le manuia o le galuega a le Alii i le tisipenisione mulimuli lenei. Iesu Keriso i lenei vaitau fou i Lona tagata moni o le Alo e Toatas na Fanaua o le Atua ma le Togiola o tagata uma.

Ae maise lava i le vaitau lenei, tatou te manatua ai le sootaga patino a le Perofeta ma le Faaola ma o le “molimau, mulimuli lenei, i molimau uma, [na ia tuuina mai] e uiga ia [Keriso]: O loo soifua o ia!” (Mataupu Faavae ma Feagaiga 76:22). O le molimau a Iosefa e uiga i le Keriso soifua, ou te manatua ai le saunoaga a Peresitene Gordon B. Hinckley (1910–2008): “O le a leai se Kerisimasi pe ana faapea e leai se Eseta. O le pepe o Iesu o Peteleema o le a pei o se isi lava pepe e aunoa ma le Keriso togiola o Ketesemane ma Kalevaria, ma le manumalo moni o le Toetu.”¹

Aisea Tatou te Manaomia ai Iesu Keriso?

I se taimi e lei mamao atu, sa fesili mai ai ia te a'u se tagata sa auai i le Ekalesia mo le tele o tausaga, "Aisea ou te manaomia ai Iesu Keriso? Ou te tausia poloaiga; O a'u o se tagata lelei. Aisea ou te manaomia ai le Faaola?" E ao ona ou faapea atu, o le le malamalama o lenei tagata o le ekalesia i lenei vaega aupito taua o la tatou aoaoga faavae, lenei elemene faavae o le ata o le faaolataga, sa matuai o'u te'i ai lava.

"Ia, o le mea muamua" sa ou tali atu, "e i ai le mataupu itiiti lenei o le oti. Ou te manatu e te le manao e avea lou oti ma ou tulaga mulimuli, ma a aunoa ma Iesu Keriso o le a leai se toetu."

Sa ou talanoa e uiga i isi mea, e pei o le alagatatau ona i ai i tagata sili ona lelei o le faamagaloga ma le faamamaina lea e na o le alofa tunoa togiola o le Faaola e mafai ai.

Peitai, i se isi tulaga, atonu e faapea ai le fesili, "Pe le mafai ea e le Atua ona faia soo se mea e finagalo ai o Ia ma laveai i tatou ona e alofa o Ia ia i tatou, e aunoa ma le manao-mia o se Faaola?" O le faaupuina faapenei, e i ai ni tagata i le lalolagi i aso nei o loo i ai foi lena fesili. Latou te talitonu i le Atua ma se olaga pe a mavae le oti ae ua manatu e faapea, ona e alofa le Atua ia i tatou, e le afaina tele ai po o a mea tatou te faia pe le faia foi; Na te taulimaina lava ia mea.

O loo i ai ni aa mai anamua o le filosofia lenei. O Neoa, mo se faataitaiga, "sa molimau atu foi o ia i le nuu o le a faaolaina tagata uma i le aso mulimuli; ma e lē tatau ona latou fefefe pe tetete, ae ia ea i luga o latou ulu ma olioli; ona na foafoa e le Alii tagata uma, ma ua togiola foi e ia tagata uma; ma, i le iuga, o le a maua e tagata uma le ola e faavavau" (Alema 1:4).

E te maitauina i le aoaoga faavae a Neoa le talitutusa o le ala e maua ai le faaolataga ma lea na tuu mai e Lusifelo, o se "atalii o le taeao," o le mea moni o le tagata sili ona faatupu faanoanoa o faanoanoa uma lava (Isaia 14:12; tagai foi Mataupu Faavae ma Feagaiga 76:25–27). E pei ona sa fofogaina mai e le Atua, o Lusifelo "o ia lava lea sa i ai mai le amataga, ma sa sau o ia i o'u luma, ma fai mai—Faauta, o a'u lenei, auina atu a'u, o le a avea a'u mo ou atalii, ma o le a ou laveaiina tagata uma, ina ia [leai] se agaga e toatas i se ese, ma e moni lava o le a ou faia lena mea; o le mea lea, ia tuu mai ia te a'u lou mamalu.

"Ae, faauta, o lo'u Atalii Pele, o lē o la'u Pele ma la'u Filifilia mai le amataga, na fai mai ia te a'u—Le Tamā e, ia faia lou finagalo, ma e a oe pea le mamalu e faavavau" (Mose 4:1–2).

Sa le na o se tulaga lea e lagolagoina ai e Iesu le fuafuaga a le Tama ma talosagaina ai e Lusifelo sina fetuutuunaiga laitiiti. O le talosaga a Lusifelo na semanu e faumatia ai le fuafuaga e ala i le aveesea o o tatou avanoa e galulue taitoatas i. O le fuafuaga a Lusifelo na faavaeina i le fai faamalosi, e faia ai isi atalii ma afafine uma o le Atua—o i tatou uma lava—o ana papeti. E pei ona aotele mai e le Tama:

"O le mea lea, ona sa fouvale Satani ia te au, ma saili e faumatia le fitalia a le tagata, lea na tuu atu e A'u, o le Alii le Atua ia te ia, ma le tasi foi, ia Ou avatu ia te ia lo'u lava mana; i le mana o la'u Toatasi na Fanaua, na Ou faia ai ia lafaina o ia i lalo;

"Ma sa avea o ia ma Satani, ioe, o le tiapololava lea, o le tamā o pepelo uma, e faasese ma faatauaso tagata, ma ta'ita'i faatagataotaua i lona loto, le toatele lava lea o i latou o e e le faalogo mai i lo'u leo" (Mose 4:3–4; ua faamamafa le faaopoopo).

I se faatusatusaga, o le faia i le ala a le Tama ua ofo mai ai ia i tatou se aafiaga taua i le olaga nei. E ala i "aafiaga i le olaga nei," o lona uiga o le filifiliina o lo tatou ala, o le "[tofol] i le oona, ina ia [mafai ona tatou] iloa ai e faataua le lelei" (Mose 6:55); o le aoaoina, salamo, ma le tuputupu ae, ma avea ma

I le faaosofaina ai i le alofa, na foaoaina ai e lo tatou Tama Faalelagi le alofa mutimutivale e ala i le ofoina mai o Lona Alo e Toatasi na Fanaua e avea ma togiola mo a tatou agasala.

tagata e mafai ona fai mo i tatou lava nai lo le na o le "faagaoioi" (2 Nifae 2:13); ma mulimuli ane faatoilaloina le leaga ma faatinoina o tatou manao ma tomai e ola ai i se tulafono faaselesitila.

O lenei mea e manaomia ai se malamalama i le lelei ma le leaga i la tatou vaega, faatasi ai ma le gafatia ma se avanoa e filifili ai i le va o mea nei e lua. Ma e manaomia ai le tali atu mo filifiliga na faia—ana le o lea pe ua le o ni filifiliga moni. O le filifiliga, i le isi itu, e manaomia ai le tulafono, po o taunuuga muai iloaina. E tatau ona mafai ona tatou faia se gaoioiga po o se filifiliga faapitoa e mafua ai se taunuuga po o se iuga faapitoa—ma e ala i le filifiliga faafeagai e fatu ai le taunuuga faafeagai. Afai e leai ni taunuuga tumau o amioaga, ona le puleaina lea e se tasi o taunuuga, ma e leai foi se uiga o le filifiliga.

Tulafono ma le Faamasinoga Tonu

O le faaaogaina o le *faamasinoga tonu* e avea o se faauigaga tutusa mo le *tulafono*, na saunoa ai Alema, "O lenei e le mafai ona faumatiaina le galuega a le faamasinotonu [o le faagaoioiga o le tulafono]; a faapea, po ua le toe avea le Atua ma Atua" (Alema 42:13). O Lona malamalama atoatoa ma le faaaogaina o le tulafono—pe i se isi faaupuga, o Lana faamasinoga tonu—lea e tuuina atu ai i le Atua lona mana. Tatou te manaomia le faamasinoga tonu a le Atua, se faatulagaga o tulafono lemasuia ma le mausali lea o loo soifua ma faaaoga e Ia lava, ina ia mafai ona tatou maua ai ma faatino le faitalia.² O lenei faamasinoga tonu o le faavae lea o lo tatou saolotoga e gaoioi ai ma ua na o le pau lea o le tatou ala i le fiafia sili.

Ua fetalai mai le Alii ia i tatou, "O le mea ua pulea i le tulafono ua faasaoina foi i le tulafono ma ua faaatoatoa ma faapaiaina i lea lava tulafono e tasi" (Matapu Faavae ma Feagaiga 88:34). Ae e tatau ona tatou faailoa atu e leai se tasi o i tatou ua "pulea i le tulafono" e le aunoa ma i taimi uma. Ma e le mafai moni ona tatou tilotilo i le tulafono po o le faamasinoga tonu e faasao ma faaatoatoa i tatou pe a tatou solia le tulafono (tagai 2 Nifae 2:5). O



lea la, o le amiontu faapea foi ma le faaosofiaina e le alofa, na foaoaina ai e lo tatou Tama Faalelagi le alofa mutimutivale. Na Ia faia lenei mea e ala i le ofoina mai o Lona Alo e Toatasina na Fanaua e avea ma togiola e totogi ai a tatou agasala, o se Tagata e mafai, i Lana Togiola, ona faamalie ai le faamasinoga tonu mo i tatou, e tauamiontu ai i tatou i le tulafono ina ia mafai ai ona toe lagolagoina ma faasaoina i tatou, ae le o le tausalaina o i tatou. Na faamalamalama mai e Alema:

"Ma o lenei, e le mafai ona faataunuuina le fuafuaga o le alofa mutimutivale vagana ai ua faia se togiola; o lea ua togiola ai e le Atua lava ia mo agasala a le lalolagi, e faataunuu ai le fuafuaga o le alofa mutimutivale, e faamalie ai manaoga o le faamasinotonu, ina ia mafai ona avea le Atua ma Atua ua atoatoa, faamasinotonu, ma se Atua alofa mutimutivale foi. . . .

Peitai e i ai se tulafono ua tuuina mai, ma se faasalaga [ma tauuu] ua faapipiina, ma se salamo ua tuuina mai; le salamo lea, ua aia ai le alofa mutimutivale; a leai, e maua e le faamasinotonu le tagata ma faataunuu le tulafono, ma o le tulafono na te faaooina le faasalaga; afai e le faapea, o le a faumatia galuega a le faamasinotonu, ma o le a le toe avea le Atua ma Atua.

Peitai ua le taofia le avea o le Atua ma Atua, ma e maua e le alofa mutimutivale le aia i le tagata ua salamo, ma e oo mai le alofa mutimutivale ona o le togiola" (Alema 42:15, 22–23).

Poo, seisi faaupuga, o le salamo o se mea tatou te faia e maua ai le meaalofa mutimutivale o le faamagaloga mai se Tama Oi le Lagi

Faamasinotonu ua tuuina mai Ona O le Togiola a Lona Atalii Pele mo a tatou agasala.³

O Le Togiola a Iesu Keriso

Ona o le Togiola a Iesu Keriso, ua mafai ai ona toe faaleleia i tatou mai filifiliga leaga. Ona o le Togiola a Iesu Keriso, ua toe faaleleia ai le aafiaga i o tatou luga o i agasala ma mea sese a isi, ma isi faiga le tonu uma. Ina ia faaatoatoaina, ma ia avea ma e paia, tatou te manaomia ai se Faaola. O lea, o le tali i la tatou fesili o le, “Leai, e le mafai e le Atua ona faia soo se auala e finagalo ai o Ia e laveai ai se tagata. E le mafai ona taflisaunoa o Ia ma avea foi ma se e amiontonu. Ma afai e le amiontonu o Ia, ua le o Ia o le Atua.” O le mea lea, e tatau ai ona faataunuina le faaolataga ma le faaeaga i se ala e tausisia ai ma ogatasi ai ma le tulafono e le masuia, i le faamasinoga tonu.

Ma e faafetaia ai le Atua, mai o se Faaola.”

Ja manatua i le fono tele i le muai olaga, sa lei ofo mai Lusifelo e avea ma o tatou faaola. Sa lei manao o ia e mafatia pe oti, pe faamaligiina sona toto mo i tatou. Sa lei saili o ia e avea ma faatusa o le faamasinoga tonu ae ia avea ma tulafono ia te ia lava.⁴ O lo’u

manatu, i le fai atu ai i le Tama, “Tuu mai ia te au lou mamalu” (Mose 4:1), sa fai mai Lusifelo, “Aumai ia te au le aia tatau e pule ai,” ma le faamoemoe e faaaoga lena mana e taflisaunoa ai. O le tulafono o soo se mea lava o le a fai mai ai o ia. I lena auala, e leai se tasi le gafatia e avea ai ma se tagata iloga tutoatasi. O le a maoae le tulaga o Lusifelo, ma e leai se isi o le a mafai ona alualu i luma.

I le isi itu, na malamalamo Iesu o le a manaomia le le suia o le faamasinoga tonu ma le alofa mutimutivale ina ia agai ai i luma. Ona uso ma tuafafine. Faatasi ai ma le Tama, sa Ia saili atu ia aua nei faamalosia ma pulea faamalosi i tatou, ae ia saoloto ma siitia i

tatou ina ia mafai ai ona tatou i ai “i luga o mea uma” ma “[maua] le mana uma” faatasi ma le Tama (Mataupu Faavae ma Feagaiga 132:20).

E tatau ona tatou olioli ona sa naunau lenei Alo Ulumatua i le agaga e avea ma Alo e Toatasi na Fanaua i la le tino, e puapuagatia le mafaamatatalaina ma maliu matagā e togiola i tatou. Na Ia tuufaatasia atoatoa le faamasinoga tonu ma le alofa mutimutivale. Ua Ia laveai i tatou mai—e le o le i a, ae mai i a—tatou agasala (tagai i le Helamana 5:10–11; tagai foi i le Mataio 1:21).

Ma ua Ia togiolaina foi i tatou mai le Pa’ū, mai le oti faaleagaga ma le faaletino. Ua Ia tatalaina le faitotoa i le tino ola pea



ma le ola e faavavau. O le a le mafai ona fuaina le loloto o Lona alofa. “E moni, ua na tauave o tatou tiga, ma na tauave o tatou faanoanoa: . . .

“. . . A ua manu’o ia ona o a tatou solitulafono, ua momomo o ia ona o a tatou amio leaga; o le aoaiga e filemu ai tatou sa i ona luga lea; o ona faalavalava foi ua malolo ai tatou” (Isaia 53:4–5).

O le Viiga i le Atua

I le tulalata ai i le Kerisimasi, ou te iloa o nisi o loo i ai ni atugaluga ma atonu foi ma ni atatuvalalega e uiga i le lumanaí.

Atonu o tele ni “mea faalavefau” i lou olaga, o taimi e tele e faaaluina i luga o le initoneti e aunoa ma se malolo, e aunoa ma se taimi e filemu ma manatunatu loloto ai ma mafaufau, e aunoa ma se taimi e tilotilo atu ai i totolu ma iloatino po o fea o e i ai ma po o fea e tatau ona e agai i ai. Atonu e faatosinaina oe i faamoemoega le moni, e pei o le “faaatoatoaina e tatau ona vave oo mai” po o le “o le le faalavelaveina o le fafia ma le manuia e tatau ona avea ma mea masani i le olaga.”

Ou te faamoemoe o le a outou faataatitia ese nei uiga sese, tuutuu i lalo le “malomaloā,” ma faalu sina taimi i lenei vaitau o le Kerisiasi, ia le itiiti ifo ma se itula, po o le tele atu foi—e tomanatu ai i “le ofoo fogia ma le mamalu o . . . le Alo o le Atua.”⁵ Ia avea o se itula o le faamautinoaga ma le toefaaafouina mo oe.

I le lumanaiai ai o se vaitau o le Kerisiasi, sa ou tusia ai le savali lenei:

“Pe a tatou talanoa e uiga i le soifua mai o Iesu Keriso, tatou te tomanatu faalelei ai i mea na mulimuli mai ai. O Lona soifua mai sa matuai taua lava ona o mea o le a Ia oo i ai ma puapuagatia ai ina ia mafai ona Ia fesoasoani ia i tatou—na faatumutumuina uma i Lona Faasatauroga ma le Toetu (tagai i le Alema 7:11–12). . . .

“[Ae ou te] manatu foi e talafeagai lelei i lenei taimi o le tausaga e tau lava o le mafaufau e uiga i lena pepe i le faatanoa vao. Aua le lofituina pe faavevesiina i mea o le a oo mai. . . . Faaalu sina taimi filemu, ma le toafilemu e mafaufau loloto ai i le amataga o Lona soifuaga—le faatumutumuga lea o valoaga faalelagi ae o le amataga faalelalagi mo Ia.

“Faaalu se taimi e malolo ai, ia maua le filemu, ma vaai faalemafaufau i lenei tamaititi laitiiti. Aua e te popole tele i mea e oo mai i Lona soifuaga po o lou olaga. Nai lo lena, faalu sina taimi filemu e mafaufau loloto ai i le taimi atonu na sili ona to’amatiae i le talafaa-solopito o le lalolagi—ina ua olioli le lagi uma i le savali ‘O le Viiga i le Atua i mea aupitonaluga, ma le manuia i le lalolagi, o le finagalo alofa i tagata’ (Luka 2:14).⁶ ■



Mai se saunoaga i se faigalotu, “A Message at Christmas,” na tuuina atu i le Junivesite o Polika Iaga i le aso 12 Tesema, 2017.

FAAMATALAGA

1. *Aoaoga a Peresitene o le Ekalesia: Gordon B. Hinckley* (2016), 330.
2. “Ua tuuina atu i malo taitasi se tulafono; ma ua i ai foi i tulafono taitasi ni tuaoi ma ni tuutuuga faapitoa. O tagata uma o e e le ola i ia tuutuuga e le ta’umionotuna-inā” (Mataupu Faavae ma Feagaiga 88:38–39). E tausi ma galue le Atua i le tulafono o le malo aupito maua-luga. O lea, “Ua malamalamo ia i mea uma, ma ua i ai mea uma i ona luma, ma ua siomia o ia i mea uma; ma ua i ai o ia i luga o mea uma, ma i totolu o mea uma, ma i ai e ala atu i mea uma, ma ua faataamilo i mea uma; ma o mea uma ua ala mai ia te ia, ma e a ia, o le Atua lea, e faavavau faavavau lava” (Mataupu Faavae ma Feagaiga 88:41).
3. “Ioe, ma o le tele o taimi e salamo ai lo’u nuu ‘Ou te faamagalo ai i latou ia latou solitulafono faasaga mai ia te a’u” (Mosaea 26:30).
4. O i latou o e mulimuli ia Satani o loo tulitulimatagauina lena lava sini e tasi, ae e pei ona tautino mai e le Alii, “o ia o lē e solia se tulafono, ma lē ola i le tulafono, ae saili e avea ma se tulafono ia te ia lava, ma loto e ola i le agasala, ma ola atoa i le agasala [o lona uiga, o le tulaga o le lē usitaia o tulafono], e le mafai ona faapaiaina i le tulafono, pe i le alofa mutimutivale, faamasinotonu, po o le faamsinoga. O lea, o le a tumau pea i latou i le eleelea” (Mataupu Faavae ma Feagaiga 88:35).
5. *Aoaoga: Gordon B. Hinckley*, 331.
6. D. Todd Christofferson, “Ia Filemu,” *Liahona*, Tes. 2015, 36.





Saunia e Elder
Richard Neitzel
Holzapfel

Fitugafulu Eria,
Eria a luta

Auaunaga I TAGATA UMA

Le avea ai ma se vaega o a tatou taumafaiga e auauna atu i se auala e paia atu ma maualuga atu, ua amata ai e taitai o le Ekalesia ona talanoa e uiga i le galuega faafafeautalai a tagata o le au paia o le auaunaga i tagata uma, “e tusa lava pe le o i ai o latou igoa i lau lisi o uso po o tuafafine o auaunaga.”¹ O lenei auala sili atu ona lelei o se suiga o le mafaufau—o se auala ua faaleleia atili lea e mafai ona suia ai mea uma e uiga i le auala ma le mafuaga tatou te auauna atu ai i isi.

Na matauina e Elder Dieter F. Uchtdorf o le Korama a Aposetolo e Toasefululua e faapea: “Po o a lava auala e foliga mai e tupufua ma masani ai ia te oe, ia faasoaa atu i tagata pe aisea e taua ai Iesu Keriso ma Lana Ekalesia ia te oe. Valaaulia i latou ia ‘*o mai inā matamata*.’ Ona uunaia lea o i latou e *o mai ma fesoasoani*. E anoanoai avanoa mo tagata e fesoasoani ai i totonu o le tatou Eklesia.

“Aua le tatalo mo na o faifeautalai ia mauaina ē filifilia. Tatalo i aso uma ma lou loto atoa ina ia e maua i latou o e o le a *o mai inā matamata, o mai ma fesoasoani*, ma *o mai ma nonofo*.”²

E mafai faapefea e le valaaau a Elder Uchtdorf ina ia auauna atu i ni auala tupufua ma masani ai ona suia ai le faasoaina atu o le talalelei mo oe?



O le auauna atu e faatatau i le avea ma soo e sili ona tuuto ma liua o Iesu Keriso o e tutusa o latou loto ma agaalofa e pei o le Faaola. Ua valaaulia i tatou e le Alii ina ia alualu i luma e auauna atu i isi i ni auala tupufua ma masani ai ona o le alofa. E le faatatau i le *faiā* o se auau-naga. E faatatau i le *avea* o se auauna e pei o Iesu Keriso.

Aoao e Auauna atu i le Tagata (Ua Tofiaina)

O loo tatou aoao pea e avea ma uso ma tuafafine o auau-naga. O se suiga faapenei e mafai ona umi se taimi e alu ai, ma atonu o le a tatou faiā ni mea sese. I lo'u mafaufau, o se tasi o na mea sese o le faateaele lea o tofiga o auau-naga e faapea ua na o se faauooga "faafoliga" pe na "fai faamalosi"—i se ala e le masani ai pe tupufua. Ae ua tuuina mai e le Alii ia i tatou ni tofiga fitoitonu i le avea ai o ni uso ma ni tuafafine o auau-naga. O lenei faiga, ua Ia faamautinoaina ai ia leai se tasi e le faitulua.

Pe a oo mai mala faalenatura i le Iunaite Setete, e faapotopoto faatasi e le Koluse Mumu ma le National Guard a latou volenitia ma tofitofi i latou i ni eria fitoitonu ina ia tele se fesoasoaniga e faia ai. O le mauaina o se tofiga e le tuuitiitia ai le ofofua atu o le mealofa o le taimi ma le alofa o volenitia. E leai se tasi o e na aafia lona ola i se faalavelave e foliga mai ua fesiligia nei tofiga. E lagonaina e i latou na mauaina fesoasoani le lotofafe-tai ua sau se isi e fesoasoani!

E pei o volenitia a le National Guard po o le Koluse Mumu, pe a avea i tatou ma soo o Iesu Keriso e ala i le osia o feagaiga paia, tatou te volenitia e



O auau-naga i tagata uma e manaomia ai se loto naunautai ma mata e vaai atu ai ia i latou o siomia i tatou—o tagata ua tuu e le Alii i o tatou ala.



faapotopoto faatasi i le faatinoina o tofiga patino e fesoasoani ai i isi.

O nei tofiga tatou te maua ai avanoa e aoao ai ma tuputupu ae ai i o tatou tomai e auauna atu ai, e tele lava ina ala mai i o tatou toilalo. Ae e le pine, ona avea lea o auaunaga ma “natura lona lua” ia i tatou—e pei lava ona tatou aoao e savali, tautala, tietie i se uila, tata se mea faifa ili, pe aoao se taaloga.

O Le A le Auaunaga i Tagata Uma i “Auala Fuatiaifo ma Masani”?

O o tatou tofiga o auaunaga taitoatasi e saunia ai i tatou e “auauna atu i tagata uma” i auala tupufua ma masani. O le auauna atu i tagata uma e manaomia ai se loto nau-nautai ma ni mata e vaai ai ia i latou o siomia i tatou—o tagata ua tuu e le Alii i o tatou ala. O le “auaunaga” i lena tulaga e mafai ona faigofie lava e pei o le valaaulaina o i latou—i faiga tupufua ma masani ai—e “o mai e matamata” po o le “o mai e fesoasoani.”

Na tuuina mai e le Faaola le faataitaiga. Ina ua faaali atu Iesu i tagata i le malumalu i Nuumau, sa Ia ta'u atu ia i latou, “Ae o le a ou alu atu nei i le Tamā, ma e faaali atu foi au lava i ituaiga ua leiloloa o Isaraelu” (3 Nifae 17:4).

E pei o i tatou, sa i ai se mea na tatau ona afio i ai le Faaola. Na faaauau pea le tala:

“Ma sa oo ina ua uma ona fetalai atu faapea o Iesu, sa toe silasila solo faataamilo ona fofoga i luga o le motu o tagata, ma silasila atu ua maligi o latou loimata, ma ua latou pulatoa mai ia te ia e peiseai ua latou mananao e ole mai ia te ia ia afio pea o ia faatasi ma i latou mo sina taimi umi teisi atu.

“Ma sa ia fetalai mai ia te i latou: Faauta, *ua tumu lou loto i le agaalofa ia te outou*”
(3 Nifae 17:5–6; faaopoopo le faamamafa).³

E ui lava ina sa i ai se mea na fuafua o Ia e afio i ai, ae sa i ai i le Faaola ni mata e vaai ai ma se loto e lagona ai, o lea na Ia nofo ai e auauna atu i tagata:

“E i ai ea ni isi o ia te outou ua mama’i? Ia aumai i latou iinei. E i ai ea ni isi o outou ua pipili, pe ua tauaso, pe ua setu, pe ua manua, pe ua lepela, pe ua supa, pe ua tutuli, pe ua puapuagatia i soo se ala? Ia aumai i latou iinei ma o le a ou faamaloloina i latou, ona ua ou agaalofa tele ia te outou; ua tumu lou loto i le alofa mutimutivale” (3 Nifae 17:7).

O le iloina o le Faaola e pei ona tatou iloa ai, mo Lona faaavanoa o le taimi e faamalolo ai e mamai a o lei oo i le isi Ana fuafuaga faatulagaina, sa o se mea tupufua lea. Mo i tatou, o le auaunaga i tagata uma i auala masani ma tupufua e mafai ona aofia ai le na o le valaaulia o se tasi e faia se mea ua uma ona e fuafua e fai, po o le o faatasi i se gaoioiga ua uma ona e fuafuaina e auai atu i ai.

Afai o loo e aveina se kosi o le olatutoatasi, valaaulia lou tuaoi e sau i le vasega. Afai e te alu i se gaoioiga a le uarota, valaaulia lau paaga faigaluega e te lua o faatasi. Afai o fai sau suesuega faaleaiga o tusitusiga paia po o se afiafi faaleaiga, ia valaaulia lau uo e auai faatasi ma oe. O le uiga lena o le “o mai e matamata.” Ma i nisi taimi e le mafai ona asiiasi atu ai i le tagata, o le auaunaga e mafai ona faia e ala atu i se tes i le telefoni, imeli, poo se vili i le telefoni.

Faatuatuaina e Auauna Atu

Ina ua vaetofia au e Peresitene M. Russell Ballard e avea ma peresitene fou o le Siteki Muamua o Talavou Nofofua Matutua a Provo Iuta, sa ia tuuina mai se tofiga faigofie ma

patino: "Alu e asiasi i ou taitai ma tagata auai i o latou fale ma fale mautotogi!" Na pau lena; na te lei tuuina mai lava se isi aoaoga po o ni tofiga.

O le faamaopoopoaina ai o a matou taumafaiga ma a matou epikopo, na matou amataina ai i le aso Lua, i le lua o aso talu ona mae'a la matou konafesi faalesiteki. A o matou auauna atu i le matou siteki, sa matou faia ni mea sese, misia ni avanoa, ma sa masani ona mafaufau, "Atonu sa sili atu se isi auala ou te fai atu ai" po o le "Maimau pe ana matou fesili i ni fesili e sili atu."

Na matauina e le Peresitene o le Iunivesite a Polika Iaga o Kevin J Worthlin e faapea "o le toilalo o se vaega taua o lo tatou alualu i luma e faavavau—o la tatou sailiga mo le atoatoa. Ma ona o le Togiola ua mafai ai e i tatou—pe afai tatou te tali atu i toilalo i le ala sao—ona faamanuiaina i se ituaiga fou o le aoaoina lea e faatagaina ai o tatou toilalo e avea ma se vaega o le faagasologa o le faaatoatoaina."⁴

O le matou aafiaga lenei ao matou aoao e auauna atu i taitai ma tagata o le siteki ma isi na matou feiloai i ai. A o faaaauau a matou auaunaga, na amata ona tuu e le Alii ni tagata se toatele i o matou ala.


I se tasi taimi, a o ma savavali ma se tasi o o'u fesoasoani, o J. B. Haws, i le va o fale mautotogi, sa ma feiloai ai i se alii talavou i le paka o taavale. Sa ma tutu e faatalofa i ai ma iloa ai ua masiise o ia mai le matou siteki. Sa matou talanoa mo sina taimi ma iloa ai o ia o se faifeatalai ua maea se misiona na feagai ma ni fesili e uiga i lona faatuatua. O lo'u fesoasoani o se matai faiaoga e faigofie ona fesootai ma tagata. O le taliina o fesili faape nei sa tupufua ma masani ai J. B. Sa mafai ona ou iloa atu i foliga o lenei alii talavou se malamalama atonu na misi mo se taimi ae ua toe aliali mai ao la talanoa.

Sa manino lava le fiafia o J. B. ia te ia ma i ana fesili ma atugaluga. Sa talanoa tatala mai le alii talavou ona sa faaali atu le aga-alofa o J. B. Na "tumu le loto" o lo'u fesoasoani i le alofa, ma sa i ai sona manao ia malamalama i lenei alii talavou e aunoa ma le faamasinoina o ia. Na fesili atu J. B. pe mafai ona ma toe asiasi ia te ia pe a mautū ai i lona fale mautotogi fou. Sa lue mai le ulu o le alii talavou, sa faafesuiai ia numera o telefoni feaveai, ma sa faia ai se tautinoga e tulitatao atu ia te ia.

Ae ma te lei o ese, sa ma fesili atu pe i ai se isi mea e mafai ona ma faia e fesoasoani atu ai. Sa ia fai mai, "O le lua tutu mai e faatalofa o se tasi lea o mea aupito sili ona taua e mafai ona lua faia mo au i le asō." Mulimuli ane i lena aifiati, sa ou mafaufau ifo ia te au lava, "Ana faapea ma te lei o atu ma J.B. e auauna atu, semanu e le mafai ona ma feiloai i lenei alii talavou."

E foliga mai na silafia e le Alii o le a ma auauna atu i lena aifiati, o lea na Ia tuuina ai lenei alii talavou i lo ma'ua ala—ma le faatuatua o le a ma vaai ia te ia ma auauna atu ia te ia.

A tatou mananao e auauna atu i tagata uma a o tatou i ai i o tatou olaga i aso taitasi, o le a tuu e le Alii ni tagata i o tatou ala auā Na te faatuatuaaina i tatou, o le a tatou tetepa a'e mai a tatou telefoni feaveai, faalu sina taimi e ata'ata atu ai i se tagata e le masani ai, pe fai atu se fesili mai se tasi na tatou feiloai i ai i le maketi po o fea lava tatou te i ai i le aoga, galuega, po o le lotu.





A tatou mananao e
auauna atu i tagata
uma a o tatou i ai i o
tatou olaga i aso tai-
tasi, o le a tuu e le Alii
ni tagata i o tatou ala
aua Na te
faatua-
tuaina i
tatou.



O Taunuuga Ofoofogia o Auaunaga

O le toe tepa i tua i le faataitaiga a le Faaola i le 3 Nifae, na ou mauaina ai se mataupu faavae taua e uiga i le auaunaga. E pei ona outou manatua:

“Sa oo ina ua uma ona fetalai mai o ia faapea, sa o atu faatasi uma le motu o tagata, ma o latou tagata mamai ma o latou tagata puapuagatia, ma o latou pipili, ma o latou tauaso, ma o latou gugu, ma i latou uma o e na puapuagatia i soo se ala; ma sa ia faamaloloina i latou uma taitoatasina ua aumaia i latou ia te ia.

“Ma o i latou uma, i latou uma o e na faamaloloina ma i latou o e na malolosi, sa latou punonou i lalo i ona vae, ma tapuai atu ia te ia; ma o le toatele o i latou o le motu o tagata o e na mafai ona o atu sa sogi i ona vae, sa oo ina latou faataeleina ona vae i o latou loimata” (3 Nifae 17:9–10; faaopoopo le faamamafa).

Ia matau o na uso ma tuafafine o auau-naga o e na fesoasoani e aumaia i latou na latou iloa ma alolofa i ai ia faatalatalata atili atu ia Iesu Keriso, sa latou i ai foi i vae o le Faaola, ifo, tapuai, ma sogi ma faataeleina Ona vae i o latou loimata.

A o tatou auauna atu i tagata uma, o le a tatou vaavia Keriso o faamaloloina manu'a faalelagona, faaleagaga, ma faaletino. Ma a o tatou valaaulia isi e “o mai e matamata” ma “o mai e fesoasoani” i auala tupufua ma masani, o le a tatou iloa ai ua faamaloloina ai foi o tatou lava manua. ■

FAAMATALAGA

1. Dieter F. Uchtdorf, “Galuega Faafaifeatalai: Faasoaina atu o Mea o Loo i Totonu o Lou Loto,” *Liahona*, Me 2019, 16.
2. Dieter F. Uchtdorf, “Galuega Faafaifeatalai: Faasoaina atu o Mea o Loo i Totonu o Lou Loto,” 17.
3. Tagai foi i le ala lava e tasi na auauna atu ai Iesu Keriso i le fafine Naina ua oti lana tane i le Luka 7:11–16.
4. Kevin J. Worthen, “Successfully Failing: Pursuing Our Quest for Perfection” (faigalotu a le Iunivesite a Polika Iaga, 6 Ian. 2015), 3, speeches.byu.edu.



FAALATALATA ATU: Alofa e pei ona sa Faia e le Faaola

*E tele ni mea e mafai ona tatou aoaoina
mai le faataitaiga a le Faaola o le
fegalegaleai ma isi.*

Saunia e Becky ma Bennett Borden

Tle avea ai ma tagata faatauatane/ faatauafafine o Le Eklesia a Iesu Keriso o le Au Paia o Aso e Gata Ai, e tele lava ina tatou liliu atu i le faataitaiga a le Faaola mo se fesoasoani e malamalama ai i le auala sili ona lelei e faatautaia ai mafutaga ma tagata o le Eklesia faapea isi. I se tasi aso sa ma mafaufau ai i le ala na fetalai mai ai le Faaola ia i tatou ina ia “outou fealofani; faapei ona ou alofa atu ia te outou” (Ioane 13:34). Sa ma iloa le manaia ona sa lei fetalai mai o Ia “ona ua Ou alofa ia te outou” ae nai lo lena “faapei ona Ou alofa atu ia te outou.” O lenei mea na afua ai ona ma mafaufau i *auala* na alofa ai le Faaola i tagata. O ni auala na Ia faaalia ai le alofa?

Sa ma filifili e faalu se taimi e suesue ai le Feagaiga Fou, ma faafitoitonu le vaai mo ni tala e uiga i auala na fegalegaleai ai le Faaola ma isi tagata i le taimi o Lana galuega i le tino. I le avea ai o se tane ma se ava e feagai uma ma aafiaga o le tosina atu i itupa tutusa, ma aafiaga o le tosina atu i itupa tutusa, sa faapitoa ai lava ona ma mananao ia malamalama atili i le ala na taulimaina ai e Iesu i latou o e na foliga mai ua pa’u’ū i fafo atu o faauigaga a le lalolagi o uiga masani. O ni nai mamanu nei sa ma matauina.

Na Taulimaina e Iesu i le Agalelei ni Eseesega Faaleaganuu

Ua tatou ola i se vaitaimi o le tele o fevaevaeiga faaagafesootai ma faaupufai, e pei lava ona sa i ai le Faaola i Lona soifuaga. O nisi o faafitauli o Ona aso sa i ai lava mo se taimi umi ma na matuui mauaa i le talafaaasolopito ma talitonuga faaleaganuu.

Mo se faataitaiga, na fuafuaina lava e le Alii e malaga e ui atu i Samaria, o se nofoaga sa alofia e tagata Iutaia ona o ni masesei na tutupu i le fia selau tausaga ua tuanai. Ina ua fetau Iesu i se mafine ma fai atu ia te ia e asu mai se vai, na foliga mai sa ia tali atu o se “isi” tagata faaupufai ma faalelotu—e taulai atu ai i le eseesege i le va o Ia o se Iutaia ma ia [mafine] o se Samaria. (Tagai Ioane 4.) O Iesu, i le tali atu, na taulimaina lenei mafine o se afafine o le Atua. O Lana tali atu i le talanoa ma ia i le agaalofa ma le faamaoni o se faataitaiga sili lea mo i tatou taitoatasi. O se togafiti masani a le fili o le taumafai lea e tavavae ese i tatou i ni vaega eseese, ma ia faasagatau le tasi ma le isi i se taua. “A e vaai Ieova i le loto” (1 Samuel 16:7).

E faigofie lava ona faatatau le lesona i le tala lenei i o tatou tagata i le taimi nei. A o tatou agai atu i o tatou olaga i aso taitasi, e aofia ai sauniga ma gaoioiga a le Eklesia, tatou te feiloi atu i tagata mai le tele o tulaga eseese. O nisi atonu ua faaigoaina e le lalolagi o ni fili faaupufai pe faaleaganuu. Nai lo le taulai atu i mea e ono tavavae ese ai i tatou, e mafai ona tatou filifili e taulai atu i mea tatou te tutusa ai o ni fanau a ni matua faalelagi ma aoao e talanoa atu i isi ma le alofa, e pei ona sa faia e le Faaola.

Ina ua asiasi atu le Faaola i tagata i Amerika ina ua mavae Lona Toetu, sa Ia aoao atu o “le tiapolo . . . o le tamā o le finauga, ma

ua faaoso e ia loto o tagata ia fefinauai ma le ita, o le tasi i le isi” (3 Nifae 11:29). Sa faalogo tagata ia te Ia, ma i le isi augatupulaga na sosoo ai, na latou fatuina ai se nuu lea “sa leai se mauoa ma se matitiva, pologa ma se sao-loto, ae sa tuusaoloto i latou uma, ma tofusia i le meaalofa mai le lagi” (4 Nifae 1:3).

Sa Faalatalata Atu Iesu Nai Lo le Taumamao

Sa taumafai malosi Iesu e faalatalata atu i isi, i le faalelagona ma e oo lava i le faaletino i nisi taimi, nai lo le faaaogaina o alofaga e faataumamao ai o Ia lava mai ia i latou o e sa masani ona inosia ma faate'aeseina.

Mo se faataitaiga, sa i ai se taimi na feiloai ai Iesu ma se tagata na gase lona lima. Ona o le Sapati lea, sa i ai tapu faalelotu e faatapulaa ai ituaiga galuega e tatau ona faia i lena aso. Nai lo le aloese mai se tasi sa manaomia se fesoasoani seia oo ina maua se isi avanoa na sili atu ona taliaina e tagata lautele, sa filifili Iesu e “agalelei” i le taimi lava lena (Mataio 12:12). Sa ia valaaulia le tagata e faaloaloa lona lima. “Ona faaloaloa ai lea e ia, ona toe lelei ai lea, ua pei o le tasi” (Mataio 12:13).

E talitutusa tala o loo faamatalaina pea lava pea i totonu o tusitusiga paia. Sa faailoa atu e Iesu ma le agaalofa i se fafine o lē sa manatulia ua le mamā (tagai Luka 8), taliaina ma faamaloloina se tagata na faalogoina leo ma

SAILIILI ATILI

E i ai punaoa a le Ekalesia e mafai ona fesoasoani ia te oe ia malamalama lelei ai, mai se vaaiga a le talalelei, i autu maaleale e pei o le tosina atu i le itupa tutusa. Asiasi i le **ChurchofJesusChrist.org** ma filifili le ma filifili le “Living Life,” ona [filifili lea o le] “Life Help.”

selei o ia lava (tagai Mareko 5), ma faamalolo se tagata na faamasinoseinea e isi (tagai Ioane 9:1–7). O se tasi o mamanu ua tatou vaai i ai i tusitusiga paia o le, “ona aapa atu lea e Iesu o lona aao” (Mataio 8:3), sa masani lava ina ia uunaia ma alofa i isi ma tuuina atu le faamalologa ma le toofilemu.

Atonu o se tasi o valaaulia mai nei tala o le, e mafai ona tatou faalatalata atili atu ia i latou o e foliga e ese mai ia i tatou. Mo se faataitaiga, o tatou nonofo i autafa o se tasi o loo asiiasi atu i le lotu, e tusa lava pe le o tutusa o latou la’ei ma isi tagata uma? Pe tatou te faia se avanoa mo i latou e auai ai i se talanoaga i le faapologa? O tatou ataata ea ma faatalofa atu ma fai atu ni fesili agalelei i se taumafaiga ia iloa lelei atili ai i latou ma fesoasoani ia i latou ia lagonaina le faaaofaina?

Ma atonu o le mea e sili atu ona taua, e mafai faapefea ona tatou atiina ae se sootaga vavalalata faalelagona ma faaleagaga ma isi, ma faasoa atu le filemu ma le alofa e pei ona sa faia e le Faaola? Ua tatou iloa e faamanuiaina i tatou e le Atua pe a tatou faia se taumafaiga e fesootai—aemaise lava ma i latou o e foliga mai e ese mai ia i tatou.

Sa Valaaulia e Iesu ia Tagata Ina ia Latou Talisua Faatasi

I le taimi o la ma suesuega o le Feagaiga Fou, sa ma ootia i le tele o taimi na faasoa atu ai e le Faaola se taumafataga i isi. I le tele o tulaga, sa faitioina o Ia ona o tagata sa Ia filifilia e faaalu ai Lona taimi.

I se tasi o faataitaiga, na valaaufina ai e Iesu e avea ma se tasi o Ona soo se tagata e igoa ia Mataio, o se “telona,” po o se tasi na fai ma sui o le faigamalo na taitai i lena vaitaimi (tagai Luka 5:27; Taiala i Tusitusiga Paia, “Telona”). O telona sa masani lava ona itagia e tagata Iutaia. Ina ua talimalo la Mataio i se talisuaga tele mo Iesu ma Ona soo, sa faapea ona faitio le au tusiupu ma le au Faresaio—o i latou o e sa faapea ua mulimuli i poloaiga a le Atua. “Se a le mea tou te aai ai ma feinu ai faatasi ma le au telona ma e ua agasala?” na latou fesili ai. Na tali atu Iesu, “O e malolo e le aoga i ai le fomai, na o e mama’i” (Luka 5:30–31).

O se faataitaiga mamana lenei o le ala na filifilia e le Faaola e ‘aua nei taa’iina e foliga e faaali mai i fafo po o manatu o le lalolagi. Nai lo lena, sa Ia taulai atu i manaoga, taua, ma gafatia o tagata taitoatasi. Na ma malamalama i se faataunuuga manaia a o ma faitau e uiga i talisuaga faatasi a Iesu ma Mataio ma isi. O le a le mafai lava ona tatou faatosinaina se tagata pe afai tatou te



le maua le avanoa e faatasi ai ma i latou. Sei vagana ua tatou faaaluinā le taimi e faamasani ai ia i latou, ma alolofa ma talia i latou i le mea o loo latou i ai i la latou malaga, atonu o le a itiiti ni o tatou aafiaga i o latou olaga.

Atonu ua outou faalogo i le faaupuga "Alofa i lē ua agasala; ita i le agasala." Pe o lava ea se taimi tatou te faaaluinā i le afa muamua o lena valaaulia? Ua fofoga mai e Iesu ia "outou fealofani" (tagai i le Ioane 13:34) ma faamagalo atu ia "fitugafulu ni fitu" (tagai Mataio 18:22). Nai lo le faaaluinā o le taimi e taumafai ai e faailoa ma ita i le agasala a se isi tagata, e mafai ona tatou faaaaogaina lena malosi e tapu'e ai sootaga ma o tatou uso ma tuafafine.

Ma te fiafia e faaaoga le faaupuga "Alofa i lē ua agasala; valaaulia i latou i le 'aiga i le afifi!" Auā ua agasala tagata *uma* lava "ma ua le oo i le viiga mai le Atua" (Roma 3:23), o lenei mea e tatau ona tatou maua ai le tele o ni avanoa e auaua atu ai i isi e ala i ni taumafa e saunia ma le alofa, e laulauina i se nofoaga o loo i ai le Agaga o le Atua. Sei o tatou siomia a tatou laulau i talanoaga o le agalelei

faamaoni, faauooga faamaoni, ma taumafaiga faamoemoeina e vaai atu i le tasi i le isi i le ala o loo silasila mai ai Iesu ia i tatou.

Fausiaina o Siona

Ua tatou faamanatuina i lenei tausaga le lua selau tausaga o le Uluai Faaaliga, ina ua fofoga mai e Iesu Keriso o le a toefuataiina mai ai Lana talalelei. O le tausaga a sau, o le a tatou aoao ai mai i faataitaiga a le Au Paia anamua o e na fesoasoani e fausia le malo ma i lenei tisipenisione. Sa tatau i le Au Paia anamua ona saili se auala e galulue faatasi ai ma ia lotogatasi, e ui lava ina sa latou o mai mai atunuu eseese, talitonuga faalelotu na i ai muamua, ma tulaga faaletamaoiga.

Ua tatou feagai ma se avanoa tutusa i aso nei. E tatau ona tatou fuafua pe faapefea ona tatou lotogatasi i lo tatou faatuatua, e ui lava i eseesege faaleaganuu ma faaupufai ia e taumafai e vavaeesina i tatou. E faato'a tupu lava lenei mea pe a tatou avea le Faaola e fai ma o tatou taiala. E malamalamama lelei o Ia i o tatou vaivaiga ma e mafai ona [Ia] faia mea vaivai e avea ma mea malolosi (tagai Eteru 12:27). E malamalamama lelei o Ia i o tatou tiga ma e mafai ona fesoasoani ia tatou malōlō (tagai i le Alema 7:11–12). E malamalamama atoatoa o Ia i o tatou eseesege ma folafola mai pea e mafai ona tatou—e pei ona faamatalaina i le Mataupu Faavae ma Feagai-ga 49:25 —tupuolaola ma olioli i Siona. Faatasi. ■

E alala ia tusitala i Iuta, ISA.



Maua le Meaalofa

*O le suesueina o le afioga a le Atua, auauna
atu, salamo, ma le alu i le malumalu o le a
fesoasoani ia i tatou e lagona ai le alofa
o le Atua i lenei Kerisimasi.*

Saunia e Jakob R. Jones

Le tasi afiafi o Novema, na ou taunuutu atu i le fale
ma iloa ai ua sui e la'u fanau lo latou potumoe i se
fanuamatagofie o le Kerisimasi. O laau Kerisimasi, o
fatu feilafi, manoa o moli, ma kiona pepa na teuteuina ai
tulimanu, auivi o moega, puipui, ma le fa'alo. O se magā-
lafu na faia i le fale na i ai uma ma ogalaau, molī, ma totini
na faaatoatoaina le faaaliga. O lena vaaiga matagofie o le
Kerisimasi na faamafanafanaina ai lo matou fale ma loto.

O le isi o vaaiga o le Kerisimasi ou te fiafia i ai lea sa faa-
matalaina e le perofeta o Nifae. O le tamā o Nifae, o Liae,
na faasoaina se miti lea na ia vaai i ai i se laau matagofie,
o ona fua na faatumulia ai lona agaga i le olioli (tagai i le
1 Nifae 8:12). Na manao Nifae ina ia vaai foi o ia i le laau
lea na faamatalaina e lona tamā. O le tali i le tatalo, na faaali
mai ai ia Nifae se faaaliga. Mo a'u, o le tala a Nifae i lena
aafiga, o se tala matagofie o le Kerisimasi. Na ia tusia:

“Ma sa oo ina ua uma ona ou vaai i le laau, sa ou fai
atu i le Agaga: Ua ou vaai ua e faaali mai ia te a'u le laau
ua pele i mea uma.

“Ma sa fetalai mai o ia ia te a'u: O le a le mea ua e
manao i ai?

“Ma sa ou fai atu ia te ia: Ia ou iloa lona uiga . . .

“. . . Ma sa ou vaai i le aai o Nasareta; ma i totonu o le
aai o Nasareta sa ou vaaia ai se taupou. . . .

“. . . Ma sa fetalai mai o ia ia te a'u: Faauta, o le taupou
ua e vaai atu i ai o le tinā lea o le Alo o le Atua, e tusa ma
la le tino.

“. . . Ma sa ou vaai ma toe iloa atu le taupou, ua sapasa-
paia e ia se tamameamea i ona lima.

“Ma sa fetalai mai le agelu ia te a'u: Faauta i le Tamai
Mamoe a le Atua, ioe, o le Alo lava o le Tama Faavavau!”
(1 Nifae 11:9–11, 13, 18, 20–21).

Ou te manatu e taua lena mea ina ua talosaga Nifae ia
iloa le uiga o le laau, sa faaali atu ia te ia le uluui Kerisima-
si. Ona fesili atu lea o le Agaga pe ua malamalamā Nifae i
le uiga o le laau. Na tuuina atu e Nifae lenei tali musuia:


“Ioe, o le alofa lea o le Atua, ua faamaligi ifo lautele o
ia lava i loto o le fanauga a tagata; o lea, o le mea lea ua
silisili atu ona manaomia i mea uma.”

Sa toe faaopoopo mai le Agaga, “Ioe, ma le silisili ona
olioli i le agaga” (1 Nifae 11:22–23).

E ala mai i lenei aafiaga, na aoaoina ai e Nifae o le
mea e sili ona manaomia ma olioli ai i o tatou agaga o le
lagonaina lea o le alofa o le Atua e ala i Lona Alo, o Iesu
Keriso. O le meaalofa moni lena o le Kerisimasi. Peitai, o
le toatele o i tatou o loo tauivi e lagona le alofa o le Atua i
o tatou olaga—e oo lava i lenei vaitau o aso fiafia. O fau-
tuuga nei e fa o mea e mafai ona tatou faia e maua ai le
meaalofa o le alofa o le Atua i lenei vaitau o le Kerisimasi.

1. Suesue Afioga a le Atua

Amata pe toe faafou se suesuega masani o tusitusiga
paia ma upu a perofeta soifua. I le faaaliga vaaia a Liae, na
ia vaai ai i “le ai uamea” (1 Nifae 8:19) e tau atu i le laau.



O e na mauaina le alofa o le Atua na fepi'iti i le pito o le ai uamea, ma piimau pea i ai, ma fetaomi atu i luma seia oo ina latou aai i le fua o le laau (tagai i le 1 Nifae 8:30). Na aoaoina e Nifae o lenei ai uamea ua faatusa i le afioga a le Atua (tagai i le 1 Nifae 11:25).

E mafai ona tatou valaaulia le Alii i o tatou olaga e ala i le suesueina o Ana upu. O la tatou tautinoga e le tatau ona lofituina. Pe a fesili mai ni uo po o le a le umi e tatau ona latou suesue ai tusitusiga paia, e masani ona ou tali atu i ai, "Faitau seia e lagonaina le Agaga; ona e lagona lea e faaauau pea." E le o le aofaiga o minute, fuaiupu, po o mataupu tatou te faitauina e taua. O le mea e sili ona taua o le aafiaga tatou te sailia ia maua ma le Agaga a o tatou suesue. O le a faamanuia ina i tatou e le Alii mo taumafaiga laiti uma tatou te faia.

O suesuega o le *Sau, Mulimuli Mai ia te A'u* mo Tesema e aofia ai le Tusi a Moronae ma se mataupu faapitoa ua faaulutalaina o le "Kerisimasi." O le a se avanoa sili atu e faatofu ai i tatou lava i tusitusiga paia nai lo le suesue i tatalo o le faamanatuga ma upu a perofeta e pei o Moronae a o latou tuuina mai molimau mamana ma patino e uiga ia Iesu Keriso?

E mafai foi ona tatou suesue i upu a perofeta soifua e ala i le faitauina o le *Liahona* o konafesi aoao i Liahona po o le faalogologo foi i a latou lauga i le Potutusi o le Talalelei. E pei o le ai uamea i le miti a Liae, o a tatou suesuega faafouina o afioga a Keriso e mafai ona taitai atu ai i tatou ia iloa le alofa o le Atua i lenei Kerisimasi.

2. Auauna atu

Atonu o le Kerisimasi aupito sili ona faapelepele o lo'u talavou, o le tausaga na auai faatasi ai le matou aiga ma tamaitai ma alii o le matou aiga, ma tausoga e foai atu ni lavalava, meaai, meataalo, matatioata, ma masini e faaaoga i le fale i se aiga i le lotofiale na manaomia le fesoasoani. O le a le galo lava ia te au le avea ai ma se vaega toatele na aumaia le Kerisimasi i lo latou aiga. O lena lagona sa faaauau pea ina ua mavae le Kerisimasi ma foliga o le lotofaafetai o le tina ma lana fanau e toafa o loo tumau pea i lou mafaufau. O le auuauna atu i lena aiga, na faatagaina ai le alofa o le Atua e "[faamaligil] ifo lautele o ia lava" (1 Nifae 11:22) i lo'u loto.

O a tatou auuaunaga i isi e le manaomia ona maoae pe faigata. A o ou auuauna ai o se epikopo, sa ou iloaina ai e toatele tagata i totonu o o tatou uarota ma alalafaga o e, i soo se aso lava, e lagona le tuuatoatas, atuatuvale, po o le lofituina. O se valaau i le telefoni, feau tusitusia loloto, faamatalaga agalelei, kuka e fai i le fale, savaliga ma se tuaoi, po o se ofo e fesoasoani i fanau a se tasi, e mafai ona avea ma se vavega e auina mai le lagi ma se tali i se tatalo.

Afai o le a tatou ole atu i lo tatou Tama Faalelagi, "Pe i ai se tasi e mafai ona ou fesoasoani i ai i le asō?" atonu o le a oo mai se igoa po o ni foliga i o tatou mafaufau, ma o le a fesoasoani uunaiga mai le Agaga Paia tatou te malamalamai ai pe faapefea ona tatou faamanuiaina lena tagata. A tatou galulue i na

uunaiga, o le a tatou lagonaina le alofa o le Atua mo i latou ma i tatou foi.

O le taumafaiga taulamua a le Ekalesia o le "Faamalamalama le Lalolagi" ua fautuina mai ai ni faatinoga faigofie o auauanga e fesoasoani ai i isi ia lagonaina le alofa o le Atua. Afai e uunaia oe e le Agaga ina ia maua le meaalofa o le alofa o le Atua i lou olaga e ala i le auauana atu i lenei Kerisimasi, e mafai ona fesoasoani le Faamalamalama l e Lalolagi e te amata ai (asiasi i le Come untoChrist.org).

3. Salamo

O le valaaulia lona tolu o le maua lea o le meaalofa a le Faaola o le salamo. Na aaoao mai Elder Lynn G. Robbins o le Fitugafulu: "O le salamo o le meaalofa maua gofie a le Atua e faatagaina ma mafai ai ona tatou o mai mai lea toilalo i lea toilalo e aunoa ma le ma'u-mauina o le naunautaiga. O le salamo e le o Sana fuafuaga faaleoleo lea pe a te'i ua tatou toilalo. O le salamo o Lana fuafuaga lea, ma le silafaina o le a tatou toilalo lava."¹

E faigata lenei olaga. A o tatou taumafai e agai atu i la tatou sini o le ola e faavavau, e i ai o tatou faaletonu ma e manaomia ai le mana Togiola a le Faaola. O se tasi o mafuaga na filifili ma le loto i ai le Faaola ia oo i le faasalaga o a tatou agasala, o le, ina ia mafai ona Ia ofoina mai ia i tatou le meaalofa o le salamo. Ua uma ona Ia totogina le tau. O le mea o loo totoe e mo i tatou e filifili pe tatou te talia Lana valaaulia:

"O lea, soo se tasi e salamo ma sau ia te au e pei o se tamaitiiti, o ia lea o le a ou talia, ona ua faapea i latou o le malo o le Atua. Faauta, e mo i latou ia na ou tuuina ai i lalo lou ola, ma ou toe avea ai i luga; o lea ia outou salamo ai, ma o mai ia te au outou tuluiga o le lalolagi, ma faaolaina ai" (3 Nifae 9:22).

Ou te manatu o loo tatou tauaveina uma se avega o le agasala, telē pe itiiti, ua faapea

ona uunaia ai i tatou e le Agaga e tuuese. E mafai ona fesoasoani o tatou epikopo ma peresitene o siteki. E i ai i le Faaola se uiga agalelei ma le loto faamagalo, ma ua Ia faaee mai foi ni lagona faapena i Ana auauana. Latou te alolofa ia i tatou ma e mafai ona fesoasoani ia i tatou ia faamaloloina e ala i le Togiola a le Faaola. E mafai e i tatou taitoatasi ona talia le ofo a le Faaola e o mai ia te Ia ma ia faaatoatoaina i lenei Kerisimasi.

4. Asiasi i le Maota o le Alii

O nisi o taimi na matuai sili ona ou lagonaina ai le alofa o le Atua, o totolu lea o Ona malumalu paia. O iina, sa faamauina ai i maua ma lou toalua faapelepele mo le olaga nei ma le faavavau. Ou te alu iina e saili ai le taitaiga mo faaiuga ma maua le filemu i taimi o le atuatuval. I totolu o le malumalu, e foliga mai ai e sili atu ona mauagofie ai le lagi, ma o faaaliga e foliga mai e faigofie ma vave ona solo mai.

E tusa ai ma sauniga o le Perisitua Mekisateko, lea e aofia ai sauniga o le malumalu, na fetalai mai ai le Alii, "O ona sauniga, ua faaalia ai le mana o le faale-atua" (Mataupu Faavae ma Feagaiga 84:20).

A o tatou auai i sauniga o le malumalu, o le a tatou iloa le Atua, ma o le filemu ma le mana o se olaga faaleatua ua faaalia i o tatou olaga.

Na folafola mai e Peresitene Thomas S. Monson (1927–2018), "A tatou auai atu i le malumalu, e mafai ona oo mai ia te i tatou se maua-luga o le faaleagaga ma se lagona o le filemu lea e sili mamao atu nai lo se isi lava lagona e mafai ona oo mai i le loto o le tagata."²

Afai ua umi se taimi talu ona e lagonaina le filemu, aisea e le avea ai lenei vaitau o le Kerisimasi e faailoga ai le amataga o le auai soo atu i le malumalu pe a toe tatala? Afai e lei mauaina ou lava faaeega paia i le taimi nei, e mafai ona fesoasoani atu lou taitai i le uarota ma le parnesi ina ia e saunia. E mafai foi ona tatou lagonaina le alofa o le Atua a o tatou saili ma auina atu igoa o o tatou tuaa ina ia maua faamanuiaga o le malumalu.

O Le Meaalofa Moni

O le upu a le Atua, auauanga faamaoni, salamo, ma le auai i sauniga o le malumalu o avanoa uma ia e maua ai le meaalofa moni o le Kerisimasi. Na tusia e le Aposetolo o Ioane: "Aua ua faapea lava ona alofa mai o le Atua i le lalolagi, ua ia au mai ai lona Atalii e toatasī" (Ioane 3:16). O lenei Kerisimasi, ou te tatalo ia taialaina i tatou taitoatasi e le Agaga e filifili na mea o le a fesoasoani tatou te maua ai le meaalofa matagofie a le Atua o le alofa e ala mai i lona Alo, o Iesu Keriso. ■

FAAMATALAGA

1. Lynn G. Robbins, "Seia Fitugafulu ni Fitu" *Liahona*, Me 2018, 22.

2. Thomas S. Monson, "Faamanuiaga o le Malumalu," *Liahona*, Me 2015, 91–92.

Faamalamalamaina o le Lalolagi i Pale

Georgette Lalaus, Île de France, Farani

Ua ou iloa o le auauna atu e aumaia ai le olioli e le mafaamatalaina, ma o faatinoga laiti e mafai ona tuputupu a'e ai tagata taitoatasi i ni auala ofoofogia.



Faatasi ai ma ē leai ni aiga i magaala ma tagata sulufai o loo momoe i paka o Pale, Farani, o le manaomia o se fesoasoani o loo i ai i aso uma i luma o tatou mata, e oo lava i le vaitau o le Kerisimasi. Sa matou filifili ma ni uo se toalua e faatu se vaega i le lotoifale e ta'u o le Lotogatasi e Galulue Faatasi e fesoasoani atu i le mea matou te mafai ona faia.

Faatasi ai ma le lagolago a le toatele o tagata volenitia i le lotoifale faapea foi ma Au Paia o Aso e Gata Ai mai siteki e tolu i Pale, na matou faatulagaina ai ni gaoioiga o le Faamalamalamaina le Lalolagi e fesoasoani ai i o matou uso ma tuafafine o e le tagolima.

Mo le tolu tausaga sosoo, ua matou faatulaga ai se faatasiga faaiutausaga o le Faamalamalamaina le Lalolagi lea e o mai ai tagata tusiati, volenitia, ma malo mai lotu eseese ma faalapotopotoga i Pale, e faatino ma foai atu sapalai ia i latou e manaomia le fesoasoani. E tele masina e faaalu i tapenapenaga, ae na i ai i tagata volenitia ma tagata faafafia se aafiaga loloto o le olioli tele i le auai ai i lea faatasiga. E leai se tasi o i latou e manao e misia. Mo la matou faatasiga lona tolu o le Faamalamalamaina le Lalolagi, e 82 tagata auai na o mai e ui lava i se tetee a auala o femalagaiga!

A o loma le faamoemoe, sa matou saunia ma faaputuina ni ato faafafana tumu i oloa mo le tausiga o le tumama e tufatufa atu i tagata sulufai ma i latou e leai ni mea e nonofo ai i Pale. Sa matou aoina foi palanikeke, ie afu, aluga, mea taalo, seevae tosotoso, e oo lava i se uila vilivae, ia na tuuina atu i tagata sulufai.

O le tausaga na te'a nei sa matou faatautaia ai foi se faaaliga la'e i le taimi o le faamoemoe. O se tagata fai teuga e 22 tausaga le matua o lē sa auai na fai mai, o le lagolago na ia maua na tuuina atu ai ia te ia le malosi e talitonu ai i ona tomai. A o ma talanoa, sa faamanatu mai ia te ia e manaomia e tagata uma le lagona o le manaomia ma o i tatou uma lava e i ai lava vaega tatou te le tagolima ai.

Ua matou tulimata'i atu i le tau-saga a sau. Ua matou faamoemoeina e toatele atu tagata auai ma gaoioiga. O nisi foi ua ofoina mai faleteuuloa ma taavale pusa aisa e fesoasoani ia i matou a o matou galulue faatasi ai ma faalapotopotoga o le alalafaga ma faipaaga ma se kamupani tele e tapenaina meaai faavaomalo e tuuina atu ni meaai paleni mo i latou e le tagolima. Ua matou faatulagaina foi se auala e tuuina atu ai ni lesona e fai fua o le gagana Farani mo i latou o loo aoaoina le faaFarani o se gagana lona lua.

Ua ou iloa o le auauna atu i se mafuaaga mamalu e aumaia ai le olioli e le mafaamatalaina. O faatinoga laiti e mafai ona tuputupu a'e ai tagata taitoatasi i ni auala ofoofogia. O foliga 'ata'ata ma le agaga faafe-tai ua matou maua ua faaosofia ai i matou ia faia nisi mea. ■

O le Mana o le Tatalo i le Falepuipui

Portia Louder, Iuta, ISA

O le a ou manatua pea lenei Aso e sosoo ma le Kerisimasi.

Sa ou i ai i le falepuipui mo le fa ma le afa tausaga ona o le taufaasese i le faatauina o fale ma fanua. O le toatele o tamaitai iina sa filemu ma faaloalo. Ona siitia atu lea o ni tamaitai e toa 10 i le sela na faafe-saga'i ma a'u.

Latou te feala i le leva o le po e taliē ma faalogologo i musika leo tetele. Na foliga mai sa latou le popole pe na faapefea ona aafia isi i a latou amioga. Sa fai mai i latou o loo matou potu faatasi ina ia ou talanoa atu ia i latou, ae o talanoaga faapenei e masani lava ona le iu lelei i le falepuipui. Nai lo o lena, sa ou tatalo mo nei tamaitai ina ia suia a latou amio ma ina ia toe foi mai le filemu, ae sa atili ai ona leaga mea uma.

A o tatalo i se tasi po, sa ou iloaina ai ou te lei faia lava se taumafaiga e faamasani i ou tuaoi. Sa ou alu atu loa i le latou sela i le aso na sosoo ai ma talanoa ma i latou. Sa latou faaali mai ia te au ni ata o o latou aiga ma e pele ia i latou. Sa latou faatoese mai mo le leotetele tele. Mai lava i lena taimi, sa latou talotalo mai ma sa foliga fiafia pe a latou vaai mai ia te au.

I ni nai vaiaso a o lumanai le Kerisimasi, sa latou valaaulialina a'u e fai aiga faatasi ma i latou i le Po o

le vaeluaga o le Kerisimasi. Sa matou fuafua foi e fefaasoai le tasi ma le isi i a matou aafiaga faaleagaga sa i ai. I le Aso na sosoo ma le Kerisimasi, sa matou faapotopoto faatasi ma faatautau ni nai teuga pepa. Sa lei i ai se matou laau Kerisimasi, ae sa matou lagonaina uma se agaga toofilemu. Ina ua mae'a la matou taumafataga faatauvaa o le ia o le tuna ma pateta, sa fefaasoai o matou aafiaga. E ese-ese uma a matou talitonuga faalelotu ma o a matou tala taitasi sa tulaga ese, ae sa fesootai o matou loto ma sa i ai le Agaga iina.

Sa faamatala mai e April na maliu lona tīnā mai le ova faaaogaina o fua-laau faasaina a o 14 tausaga o April. Sa nofo April i magaala ma sa maua sana pepe lea sa ia tuuina atu mo le vaetamaina ina ua 15 ona tausaga. Sa tauivi o ia ma ona lava vaisū o fua-laau faasaina, amata ona faia fefaatauaiga o fualau faasaina, ma iu ai ina auina atu i le falepuipui.

"I se tasi aso sa ou mafaufau ai pe aisea ua ou ola ai," o le tala lea a April. "E leai lava se eseesega pe ana ou oti. E leai se isi na iloa sa ou i ai i le falepuipui. O le a leai foi se tasi e iloa ua ou leai." Ona ia tatalo lea ma fesili atu i le Atua pe Na te silafia lona tagata.

O le vaiaso na sosoo ai, sa tuu atu ai e se faufautua i le falepuipui ia te ia se tusi mai le teineitiiti lea na ia tuuina atu mo le vaetamaina.

"Masalo o loo silasila mai le Atua ia te oe," o le tala lea a le faufautua.

"O lea ua ou tusi atu i la'u tama teine, ma ua faatasi ona ia asiiasi mai ia te au," o le tala lea a April. "E le tele sou iloa e uiga i mea tau lotu, ae ou te iloa e popole le Atua ia te au aua sa Ia tali mai i la'u tatalo."

Ina ua uma ona faasoai mai e April lana tala, sa matou saofafai filemu uma ma maligiligi o matou loimata.

I lo'u taimi i le falepuipui, sa sasaatatu lo'u loto i le tatalo ma ole atu i lo tatou Tama oi le Lagi e leoleo ma puipui lo'u aiga. Ae ina ua ou tatalo mo o'u tuaoi i le falepuipui, sa amata ona ou iloa o latou gafatia paia ma lagonaina le alofa atoatoa ma le alofa mutimutivale o lo tatou Faaola.


Sa matagofie lena Po o le vaeluaga o le Kerisimasi i le falepuipui. ■



O Meaalofa o le Kerisimasi po o le Sefuluai?

Anna Williams, Alapama, ISA

Sa ou talitonu e moni le talalelei, ae e mafai ona ou totogia le sefuluai?



Sa ou saili mo se lotu seja oo ina faailoa mai a'u e tamaitai faifeautalai i Le Ekalesia a Iesu Keriso o le Au Paia o Aso e Gata Ai. Sa papatisoina au ma faamauina i le masina ma le afa mulimuli ane. O se tasi o mea na aoao mai e faifeautalai ia te au o le mataupu faavae o le sefuluai.

"O le a e maua faamanuiaga pe afai e te totogi le sefuluai," sa la fai mai ai ia te au.

O au sa o se tinā nofofua. Sa tau le lava ni au tupe e faatau ai ni meaai ma totogi a'u pili. Sa masani lava o se mataupu o le totogiina o le sefuluai po o le faatauina o meaai, totogiina o mea e manaomia, po o le faia o se peimeni o le taavale.

Mo le tele o tausaga, sa ou feagai ma ni laasaga o le taumafai e totogi le sefuluai. Mulimuli ane, sa ou faapea ifo, "Afai e te talitonu e moni le talalelei, ona tatau lea ona ou laa e fai se mea. O le taimi lava e te laa ai e fai se mea, e mafai e le Atua ona faamanuia oe."

E \$500 la'u aitalafu i le sefuluai, ae sa ou manaomia foi se \$503 e totogi ai ni pili. Ou te lei iloa pe o le a faapefea ona tupu, ae sa ou faapea ifo, "o le a na o lo'u taumafai lava." Sa ou totogiina la'u sefuluai. Sa leai se tasi na iloaina

sa ou manaomia se \$503, ae na auina mai i le meli ia te au e se tagata na lē faailoaina mai lona igoa ni ta'i \$100 pepa se lima.

Sa o se suiga tele lea mo a'u. Na suia ai au faaleagaga. Sa ou iloaina e alofa le Atua ia te au, e popole o Ia mo au, ma e finagalo o Ia ia ou manuia. Talu mai lena taimi, ua ou totogia la'u sefuluai. Ae e le'i faigofie i taimi uma.

I se tasi Kerisimasi i le tele o tau-saga ua mavae, na manatua e la'u tama teine matua lona faalogo mai o o'u fai atu ua ou le gafatia ona totogi le sefuluai *ma* faatau ni meaalofa o le Kerisimasi mo ia ma nai ona tei.

"Sa matou iloa o le a matou le maua ni meaalofa, ae sa le afaina lea," sa mulimuli ane fai mai ai la'u tama teine ia te au. "Sa matou filifili matou te mananao ia te oe e totogi lau sefuluai."

E pei lava ona masani ai, na saunia e le Alii, ma sa lei tatau ona aunoa i latou ma ni meaalofa o le Kerisimasi.

Mo se tina nofofua ina ia mafai ona tausi lana fanau ma totogi le sefuluai o se mea telē tele. Talu ona ou faia le faaiuga e totogi le sefuluai, ua faamanuiaina lava au. Ou te le mauoa, ae e faia lava e le Alii se auala mo au.

Ua faamanuiaina foi au i isi auala. O faataitaiga lelei a tagata o le Ekalesia ma aiga ua fesoasoani lea ia te a'u ma la'u fanau ia toaaga ai pea i le Ekalesia. Na ou ta'u atu ia i latou o vaega uma na o faamanuiaga ua folafola mai e le Alii—o le a tatala mai pupuni o le lagi mo i tatou. ■

O le a Misi se Tasi i le Tausaga a Sau

Rebecca Clarkson, Kalefonia, ISA

I le Po o le vaeluaga o le Kerisimasi, sa ou mafaufau i lo'u alofa tele i lo matou aiga. Ona ou lagonaina lea o se uunaiga manino.

O le Po o le vaeluaga o le Kerisimasi. Sa faato'ā matou mauaina lava o matou ofu moe fou, o se tu masani i lo matou aiga. Sa tāina e tamaiti musika o le Kerisimasi ma sa sisiva solo tagata uma. Sa leai se tasi na itaitagofie; sa fiafia tagata uma, ataata, ma sagisagi uma. I le iloaina o loo o'u tau'aveina se isi tamaititi, sa ou mafaufau ai i le tele o lo'u alofa i lo matou aiga, i lo'u fiafia tele i le toe maua ai o se isi tamaititi.

Ona ou lagonaina lea o se uunaiga manino. Sa musumusu mai le Agaga ia te au, o se tasi o lo matou aiga o le a le faatasi ma i matou i le tausaga e sosoo ai.

Mulimuli ane i lena po, a o ma tuuina ma lou toalua o Timi ia mealofo i lalo o le laau, sa ia fai mai

ia te au sa ia lagonaina se uunaiga i lena tauafiafi e faapea, o le a le faatasi ai se tasi o lo matou aiga ma i matou i le isi a matou Po o le vaeluaga o le Kerisimasi e sosoo ai. Sa ou ta'u atu ia Timi sa ou mauaina foi lea lava lagona e tasi.

Ae matou te lei malaga i se malaga i le uma ai o le Kerisimasi e asi aiga i fafo atu o le Setete, sa talanoa atu Timi i le ma fanau e uiga i le saogalemu a o matou malaga. Sa ma popole i le manatu o le toesea o se tagata o le aiga i la matou malaga, ae na ma lagonaina le faamautinoaga o le a lelei mea uma. Sa matou malaga, na matagofie le asiasi atu i tagata o le aiga, ma toe foi ma le saogalemu i le tale.

Sa lei umi ae oo i le taimi mo le siaki masani o lo'u maitaga. Na ta'u mai e le fomai se tala faanoanoa. O se fā'ata na faamaoniaina ai na maliu le pepe i le lua vaiaso a o lei o ese atu mo le matou malaga asiasi.

A o ma tietie atu ma Timi i le tale, ma le faanoanoa tele, na ma iloaina ai o le lua vaiaso talu ai o le Po lea o le vaeluaga o le Kerisimasi. Tatou te le iloa tonu le taimi e ulufale ai le agaga i le tino, ae na ma lagonaina ma Timi sa faatasi le ma pepe ma lo matou aiga, pe na o sina taimi, i lena Po o le vaeluaga o le Kerisimasi faatasi ai ma tagata uma sa sisiva solo ma fiafia. Sa matou lagonaina le olioli tele, ma sa ma lagonaina na avea le pepe ma se vaega o lena mea. Ina ua ia tuua i matou, matou te talitonu sa avea o ia ma tagata o lo matou aiga lea o le a le faatasi ma i matou i le isi Po o le vaeluaga o le Kerisimasi e sosoo ai. Ou te talitonu e i ai se aso o le a ma toe vaai ai i la ma pepe. Ou te faafetai mo le filemu ua aumaia ia te au. ■





Moronae 1–6

(30 NOVEMA–6 TESEMA)

Sa soifua Moronae i taimi faigata. Sa ia molimauina le faafunaga mulimuli o sa Nifae, na maliu lona tamā i le taua (tagai i le Mamona 8:3), ma o sa Nifae o e na lē faafitia Iesu Keriso sa fasiotia (tagai i le Moronae 1:2). O Moronae foi sa na lē “faafitia le Keriso” (Moronae 1:3). Na sola o ia mo le saogalemu ma sa lafilafi o ia mo le tele o tausaga.



O le a mea sa ia tusia?

Na faaopoopo e Moronae le mataupu e 8 ma le 9 i le Tusi a Mamona, na faaaofia ai lana otootoga o le Tusi a Eteru, ma faaopoopo i ai lana lava tusi (o le Tusi a Moronae) i papatusi a Mamona.

O tusitusiga a Moronae o loo i ai mea e tele e taua mo i tatou. Sa ia tusia e uiga i le galuega a le Ekalesia (tagai i le Moronae 1–6), na faaaofia ai aoaoga mai lona tamā, o Mamona (tagai i le Moronae 7–9), ma tusia ai lana molimau mulimuli (tagai i le Moronae 10).

O le a se mea e mafai ona tatou aoaoina mai le Tusi a Moronae?

“Ou te tusia ai ni isi mea faaopoopo itiiti” (Moronae 1:4)

I le taimi lea, na manatu ai Moronae ua uma ana tusitusiga i luga o papatusi, ae o le finagalo o le Alii na ia “tusia ai ni isi mea faaopoopo itiiti, atonu o le a aoga i o’u uso . . . i se aso o i luma” (Moronae 1:4).



Aisea na ia tusia ai?

I le iloaina ai o faamemoega paia o le Tusi a Mamona, na tatau ai ia Moronae ona filifili ma le faaeteete mea sa ia tusia. A uma ona faitau le Tusi a Moronae, mafaufau e fesili pe aisea na filifili ai Moronae e faamaumau mea sa ia tusia. O le a se mea sa ia lagona e taua? O faapefea ona faatosina e le molimau faaiu a Moronae ou lagona e uiga i le Tusi a Mamona?





Moronae 7-9
(7-13 TESEMA)

**"O le a le mea tou te
faamoemoe i ai?" (Moronae 7:41)**

“Tou te
faamoemoe
e ala i le togiola a
Keriso

ma le mana o lona toetu,
ia faatutu mai outou i le ola
faavavau”

(Moronae 7:41).



Moronae 10

(14-20 TESEMA)

E mafai faapefea ona ou sailia meaalofa faaleagaga?

O meaalofa faale-agaga e tuuina mai e le Atua e ala mai i le Agaga Paia mo lo tatou manuia (tagai i le Moronae 10:8). Ua faamanuiaina i tatou taitoatasi i meaalofa faaleagaga mai le Atua, ma e tele meaalofa e mafai ona tatou maua.

O nisi meaalofa faale-agaga ua faailoaina mai i tusitusiga paia (tagai i le Moronae 10:9–16; Mataupu Faavae ma Feagaiga 46:13–25); ae o le tele e le o i ai. E mafai faapefea ona e faailoa ma atiina ae meaalofa faaleagaga ua tuuina atu ia te oe e le Atua? E mafai faapefea ona e atiina ae isi meaalofa? O nai manatu nei e fesoasoani ai ia te oe:



Ole atu

Tatalo ma ole atu i le Atua po o a meaalofa faaleagaga ua Ia faamanuiaina ai oe ae po o le fea foi e tatau ona e galue agai i ai. O le a Ia fesoasoani ia te oe. O lou faamanuiaga faapeteriaka e ono faaalia ai foi au meaalofa faaleagaga. Afai e te lei mauaina lou faamanuiaga faapeteriaka, mafau-fau e talanoa i lou epikopo po o le peresitene o le paranesi e uiga i le mauaina [o lou faamanuiaga faapeteriaka].

Suesue

O meaalofa faaleagaga e manaomia ai le taumafaiga ia maua ai. A o taumafai ai mo se meaalofa patino, ia mafau-fau e aoao atili e uiga i ai mai tusitusiga paia, lou faamanuiaga faapeteriaka, po o lauga o konafesi aoao. E mafai foi ona e fesili i isi e uiga i o latou aafiaga.



Galue

O le aoao e uiga i meaalofa faaleagaga e aoga tele, ae e tatau ona faaaogaina lena malama-lama. Pe a e faatinoina le faatuatua ia Iesu Keriso, salamo, ma tausia au feagaiga, ua e agavaa e maua meaalofa faaleagaga. Ma le isi, ia saili ni tulaga e mafai ai ona faaaoga au meaalofa faaleagaga. Ia manatua o nei meaalofa e le gata ina e manuia ai, ae e mafai foi ona faamanuiaina ai isi (tagai i le Mataupu Faavae ma Feagaiga 46:26). E mafai faapefea ona e faaaogaina au meaalofa faaleagaga e fesoasoani atu ai i isi?





Kerisimasi (21-27 TESEMA)

O a ni mea ua aoao mai e perofeta o le Tusi a Mamona ia i tatou e uiga i le Kerisimasi?

A o e faitau i mau nei, o le a se mea ua aoao mai e perofeta taitasi ia i tatou e uiga i le soifua mai o le Faaola? Mafaufau e tusi faamaumau ou manatu pe faasoa atu i lou aiga.



Nifae, le atalii o Helamana (pe tusa o le 1 TA)

“Sa oo mai le siufofoga o le Alii ia te ia, ua fetalai mai: . . . o taeao ou te alu atu ai i le lalolagi” (tagai i le 3 Nifae 1:4–22).



Nifae, (pe tusa o le 600 TLM)

“Sa ou vaiaia ai se taupou . . . ua sapasapaia e ia se tamameamea i ona lima. Ma sa fetalai mai le agelu ia te a'u: Faauta i le Tamai Mamoe a le Atua, ioe, o le Alo lava o le Tama Faavavau!” (tagai i le 1 Nifae 11:13–33).



Apinati (pe tusa o le 148 TLM)

“[O] perofeta uma . . . talu mai le amataga o le lalolagi—. . . latou te lei fai mai ea o le a afio mai le Atua lava ia i lalo i totonus o le fanauga a tagata . . . ?” (tagai i le Mosaea 13:33–35).



Tupu o Peniamina (pe tusa o le 124 TLM)

“[O] le Alii . . . o le a afio mai . . . i totonus o le fanauga a tagata, . . . ma o le a ta'ua o ia o Iesu Keriso, o le Alo o le Atua, . . . ma o lona tinā o le a ta'ua o Maria” (tagai i le Mosaea 3:5–11).



Alema le Itiiti (pe tusa o le 83 TLM)

“O le a fanau mai o ia ia Maria, . . . o le Alo lava o le Atua” (tagai i le Alema 7:7–13).



Samuelu le sa Lamana (pe tusa o le 6 TLM)

“Toe lima ni tausaga, ma faauta, ona afio mai ai lea o le Alo o le Atua” (tagai i le Helamana 14:1–13).



E Faapefea Ona Ou Talanoa i La'u Fanau e uiga i le Talalelei i **Auala o Aso Uma?**



I le avea ai ma matua, o la tatou galuega le aoao o a tatou fanau e uiga i le talalelei. Peitai, o se talanoaga o le talalelei e le faapea e tatau ona faamamalu ma aloaia! O nisi nei o manatu mo le lalagaina o talanoaga o le talalelei i aso uma o le olaga.

PUNAOA FAAOPPOPO AOGA

- “Matua Peleina” (o le faavaa pito i tua o le Uo)
- “Mo'o, Alisi, ma le Taimi ma Tamaiti” (Juni 2019 *Liahona*)
- “Puipuia o Tamaiti” (Oke. 2019 *Liahona*)
- “Talanoa e uiga i Autu Faigata” (Mat. 2015 *Liahona*)

A o aai faatasi
po o le taimi e
momoe ai

Pe a feagai lau
tama ma se taimi
faigata

Taimi e o
7
Talanoaga
Faasama-
samanoa



O le a sou manatu
e uiga i na lauga o
le konafesi aoao
sa tatou matamata
i ai?

ATA NA TUSIA E JOSIE PORTILLO

O Auala e
7
e Amata ai
se Talanoaga

Pe na fesili atu
ni au uo e uiga i
mea tau lotu?



Soo se taimi—pe afai
e te talanoa atu ma
le manatu tatala, le
alofa i lou loto, ma se
naunautaiga e faalogo
ma malamalama

Soo se taimi lava e te matauina
ai se mea e faatatau i se savali
faaleagaga



I le taimi o
se galuega
fesoasoani po o
fesoasoani atu i isi

A o faamatatalaina tala
faaleaiga pe talanoa
e uiga i tuua



Pe o i ai se mea na
tatou faitauina talu ai
nei i le Sau, *Mulimuli*
Mai ia te A'u, o loo e
mafaufau pe a i ai?

Pe sa i ai se mea i le lotu i
le asō na e fia fesili ai?



O a ni mea na e
faitauina i tusitusiga
paia talu ai nei? O i
ai ni au fesili?

O faapefea mai mea i
lou valaauga (po o se isi
tofiga o le Eklesia)? O le a
se mea o le a fesoasoani
ia te oe?



O Manatu ma Motugaafa

- **Aoao lau tama e le afaina le i ai o ni fesili e uiga i le talalelei.** Aua foi, o se fesili na uunaia losefa Samita e tatalo mo se fesoasoani, lea na taiti atu ai i le Uluai Faaaliga! Fesoasoani ia latou iloa e mafai lava ona latou faafaleleina se molimau e aunoa ma tali uma lava.
- **Faaali atu pe a e lagonaina le Agaga,** pe i le taimi o le afiafi faaleaiga, lotu, po o se lagoto matagofie. O lenei mea e mafai ona fesoasoani ia i latou e amata ai ona iloa pe faapefeka ona talanoa mai le Agaga ia i tatou. Faamalamalama atu, o le Agaga e mafai ona fesootai mai ia i tatou, i le tele o auala eseese, e pei o lagona mafanafana po o le malamalama, mafauauga manino, o se lagona o le filemu, ma isi.
- **Faafaigofie le mauaina o savali o le talalelei.** Atonu e le sueina e lau tama talavou tusiga o mekasini a le Eklesia i luga o a latou telefoni, ae atonu latou te susueina se *Liahona* o loo i luga o le laulau. Atonu latou te le faalogo i lauga o konafesi aoao i o latou taimi avanoa, ae atonu o le a latou pueina ni nai upu mai se lauga o loo e faalogologo i ai a o e kukaina le meaai o le afiafi.
- **O le mea e sili ona taua, ia taumafai pea, e tusa lava pe le foliga mai e aoga!** Ua tumu tusitusiga paia i tala e uiga i tamaiti e lei faalogo i le taimi muamua, e pei o Alema le Itiiti. Ia faatuatua e i ai se aso o le a goto ifo ai upumoni faaleagaga i o latou loto. ■

Autalavou Matutua

I Le Vaega Lenei

- 44 **Faamasinoina i le Faamasinoga Amiontu (E oo Lava i Ala o Faasalalauga Faaagafesootai)**

Saunia e le au faatonu aoao o Tamaitai Talavou ma le auaigaluega a le *Liahona*

- 48 **O Le Mea Moni o loo i Tua atu o Na Ata-Atoatoa o Talaaga Ootoo**

Saunia e Bárbara Rodríguez

Na o Polokalama Faaeletonika

- O La Tatou Galuega o le Lē Tauai Maa**

Taofia le igoa

- Auala e Mafai ona i ai i Juga ae Le o totonu o Ala o Faasalalauga Faaagafesootai**

Saunia e Faith Ferguson

Saili tusiga nei ma isi:

- I le liahona.ChurchofJesusChrist.org
- I le [YA Weekly](#) (i lalo o le vaega mo Autalavou Matutua i le Potutusi o le Talalelei)

Faasoa Mai Lau Tala

E i ai sou aafiaga e faasoai mai? Pe e te manao e vaai i ni tusiga e uiga i ni mataupu faapitoa? Afai o lea, matou te fia faalogo atu ia te oe! E mafai ona e auina mai lau tusiga po o lou manatu faaalia i le liahona.ChurchofJesusChrist.org.

Faia o Ala o Faasalalauga Faaagafesootai o se Nofoaga Lelei

I le lima tausaga talu ai, sa ma filifili ai ma lo'u toalua e amata se alaata o le YouTube, lea sa amata ai ona ma faasoai moni atu le ala o loo matou ola ai o ni tagata o le Ekalesia a lesu Keriso. O lo ma manatu o le talanoa lea e uiga i o tatou talitonuga e ala i tulaga o loo ma ola ai.

Sa maoae se faamanuiaga o le mauaina o savali musuia mai nisi o e na mulimilitai ia i ma'ua e ta'u mai ai e uiga i le o atu i le lotu mo le taimi muamua pe o le papatisoina foi! O nei savali ua faatumulia ai i ma'ua i le olioli tele.

Ma te matua faafetai tele mo aafiaga faamauoaina lea ua ofoina mai e ala o fesootaiga faaagafesootai ia i ma'ua e faasalalauna atu ai savali o le talalelei toefuataiina i le faasoainai atu lea o o ma olaga. Ae e ui na mafai e ala o faasalalauga faaagafesootai ona faatupuina ni aafiaga maoae, fesoasoani ia i tatou e atiina a'e ni sootaga anoa, ma faatagaina i tatou e faasoai atu a tatou molimau o le talalelei, e mafai foi ona tatou maua ai aafiaga e faavaivai a i i tatou faaleagaga, taitai atu ai i tatou e faamasino isi i auala le amiontu, ma faagaloina ai po o ai moni i tatou.

O le vaega a le autalavou matutua o le masina lenei o le a talanoaina ai na autu ma isi mea. E faigofie lava ona faatusatusa i tatou lava po o o tatou olaga i mea tatou te vaaia i ala o faasalalauga faaagafesootai, ae e mafai ona tatou aoao e faaaoga ala o faasalalauga faaagafesootai e fatu ai se avanoa lelei lea tatou te tetee atu ai le faamasinoina o i tatou lava po o isi, maua le talitonuga i o tatou natura paia, ma le mea e pito i sili ona taua, o le faasoai atu i isi, e ala i a tatou faataitaiga, le fiafia lea e aumaia e le talalelei a lesu Keriso.

Bárbara Rodríguez



Faamasinoina i le Faamsinoga Amiontonu (E oo lava i luga o Ala o Faasalalauga Faaagafesootai)

Faatasi ai ma le fesoasoani a le Faaola, e mafai ai ona tatou aoao e faamasino atu i auala e finagalo o la tatou te faia ai.

Saunia e sui o le au faatonu aoao o Tamaitai
Talavou ma le aufaigaluega a le *Liahona*

"Aua le faamasino atu."

Ua tatou faalogo soo i lenei mea i le lalolagi i aso nei, faatasi ai ma savali e ta'u mai ai e le o sa tatou aiā le faamasino o isi. O le upu *faamasino* lava ia ua tele mea le lelei ua faapipi'iina i ai. Ae i le avea ai o ni tagata o le Ekalesia a le Faaola, ua tatou iloa o le faamasinoina o se mea lea ua la fautuaina i tatou e fai—pe afai tatou te faia i Lana lava ala.

Ina ua faamalolo e lesu se tagata i le Sapati, sa faamasinoina leaga o la ona sa faatuina e le tulafono a Mose ni tapulaa i mea e mafai ona e faia i le Sapati, ma sa lei manatu tagata na galue o la i totonus o na taiala. Ae na aoaiina i latou e le Faaola ona o le vave ona latou saili masei o isi. Ona la fautuaina lea o i latou e "aua le soona faamasino, a ia faamasino i le faamasinoga tonu" (Ioane 7:24; tagai foi Joseph Smith Translation, Matthew 7:1–2).

E faafia ona tatou faamasinoina isi, e pei o i latou na faamasinoina le Faaola, i auala le amiontonu? Atonu e sili atu nai lo le mea o loo tatou mafaufau i ai! Aua e ese le faigofie o le faamasinoina o isi, ae maise lava i tulaga o ala o faasalalauga faaagafesootai, atonu e manaomia ona


tatou aoao i le auala e faaaoga ai le fautuaga a le Faaola e faamasino i le faamsinoga tonu i le lalolagi i aso nei.

Iloatinoina o Faamsinoga **Amiontonu e faasaga i** **Faamsinoga Amioletonu**

O le faamasinoina o se vaega o lo tatou fitalia. E tele mea e tatau ona tatou faaaogaina ai le faamsinoga i le olaga: o mea e pei o le filifilia o se matātā, filifili po o ai e faaalu i ai se taimi ma le *auala* e faaalu ai o tatou taimi, filifiliia o ala o faasalalauga e faaaoga, ma isi mea faapena. Ae e mafai faapefea ona tatou faia nei faamasinoga—ma mulimuli ane o faamasinoga *uma*—ma le amiontonu?

Sa tuuina mai e Peresitene Dallin H. Oaks, o le Fesoasoani Muamua i le Au Peresitene Sili, ni taiala se ono mo le ala sao e faamasino ai. E mafai ona tatou iloa e amiontonu a tatou faamasinoga pe afai:

1. Latou te "aloese mai le folafola atu e faapea, [ua] mautinoa le faaeaga o se tagata po o . . . ua noatia tumau mo seoli."



2. E "taialaina i latou e le Agaga . . . , ae le o le ita, taui ma sui, loto leaga, po o le manuia o le tagata lava ia."
3. O i ai "i totonus o o tatou tulaga faatausimea."
4. O aofia ai "lava o le malamalama e uiga i mea moni."
5. E le o faatatau i tagata ae e faatatau i tulaga.
6. Latou te "faaaogaina tulaga faatonuina amiotonu."¹

Na tuuina mai foi e le perofeta o Moronae se taiala mo le faamasino amiotonu: "O mea uma ua lelei e mai le Atua; ma o le mea ua leaga e mai le tiapolo; ona o le tiapolo . . . ua valaau ma faatosina tagata i le agasala, ma ia latou faia pea le mea leaga" (Moronae 7:12).

Pe a tagai faasolosolo ia ala o faasalalauga faaagafesootai, lauliliuina o faauooga, po o le filifili pe faapefea ona faaalu o tatou taimi, a o lei faia se faamasinoga, e mafai ona tatou fesili ifo ia i tatou lava, Pe o lenei tusiga/tagata/gaoioiga:

- ou te maua ai ni lagona toofilemu ma lelei?
- o valaauliaina au e fai le lelei?
- o fesoasoani ia ou alofa ai i le Atua ma auauna atu ia te la?

A tatou iloa o mea lelei uma e mai le Atua, e mafai ona tatou faaaogaina o tatou faitalia e fai ai ni faamasinoga poto ma amiotonu e uiga i isi, e uiga ia i tatou lava, ma e uiga i mea tatou te faatumulia ai o tatou olaga.

O le Aluese mai Li'o o le Faamasinoga Amioletonu

O lenei la ua tatou mautinoa le uiga o le faamasinoga amiotonu, o le a se mea e mafai ona tatou faia pe a tatou iloa ua tatou mau i totonus o se taaviliga o faamasinoga le lelei? O ni nai manatu nei:

- Fai se anapogi o ala o faasalalauga faaagafesootai. O lenei mea e mafai ona e maua ai se avanoa e faatelegese ai, toe faavasega, ma toe fesootai atu i isi i ni auala moni. Pe a tele ina e vaai i tagata i fafo atu o ala o faasalalauga faaagafesootai, o le a e iloa ai o i latou o ni tagata moni e i ai ni tauiviga moni, ma e faaititia ai lou lilifa atu e faamasino i latou.
- Nai lo le tuuina i luga o ni tusiga e uiga ia te oe lava ia, tusi e uiga i se tasi e te alofa i ai o lē na musuia oe. Ta'u atu i isi le mafuaaga e te faamemelo ai i lenei tagata. O lenei faiga ua tuuina atu ai ia te oe se avanoa e te taulai atu ai i isi ma ia faamanuia nai lo o le faavii.
- Filifili e tuu atu se tali faamaoni ma le loto i ai se tasi i aso taitasi i luga o ala o faasalalauga faaagafesootai, a le o se faamanuiga o se aso fanau, o se faamalo, pe na o se savali agalelei foi.

- O le a i ai lava i taimi uma i luga o ala o faasalalauga faaagafesootai ia tagata o ē e tele naua mea latou te faasoaina, ua na o a latou tafaoga mananaia e faaso mai, ua foliga mai o ni aiga ua atoatoa, pe e masani foi ona fefinaua'i. Ae tatou te lei faamasino atu, e mafai ona tatou fesili ifo ia i tatou lava, "O le a se mea ua silafia e le Alii e uiga i lenei tagata, ma o le a se mea e mafai ona ou aoaoina e uiga ia i latou?" Tatalo mo se fesoasoani e vaai atu ai ia i latou e pei ona la faia. Ma afai o a latou tusiga e tuuina atu ai ia te oe i taimi uma ni lagona le lelei, e mafai lava ona e lē toe mulimuli ia i latou.

O le vaai atu i tagata uma i o latou tulaga moni—fanau a ni matua faalelagi e suia ai o tatou lagona papa'u e uiga ia i latou i se vaaiga e faavavau. E i ai le mana i le iloaina o le faasinomaga moni ma le faamoemoega o tagata uma. E pei ona faamanatu mai ia i tatou e Sister Michelle Craig, Fesoasoani Muamua i le Au Peresitene Aoao o Tamaitai Talavou:

"O loo i ai sou natura paia ma se faamoemoega e tulaga ese ia te oe lava. . . .

"E faigofie ona faatusatusa i tatou lava i isi. O le a i ai lava se tasi e foliga mai ua i ai uma mea uma pe ua sili atu foi ona taua nai lo i tatou. Ae e masani ona galo ia i tatou o o latou faamoemoega e ese mai o tatou faamoemoega. Pe a tatou taumafai e ola moni i tagata tonu e i ai i tatou—pe a tatou malamalama ma talisapaia meaalofa ma taleni a le Atua ia



e tulaga ese ia i tatou taitoatasi—ona mafai lea ona tatou lagonaina moni le olioli.”²

I le iuga, o le sola ese mai le li’o o le faamasino atu i luga o ala o faasalalauga faaagafesootai e manaomia ai le faatinoga i la tatou vaega. E manaomia ai le vaavaai i fafo atu o i tatou lava ia pa’i atu ai i le olaga o se isi tagata. E manaomia ai le siitiaina o isi ma le faasoaina atu o le Malamalama o Keriso. O le faia o lea mea, e le gata ina tatou auauna atu ai i isi, ae e mafai foi ona tatou maua ai ni lagona lelei ia i tatou lava.

Faatoilaloina o le Faamasinoina o le Tagata Lava la ma Faatusatusaga Oona

O se tasi o meafaigaluega malosi a Satani o le taumafai lea e taofia i tatou mai le mauaina o se malamalamaaga moni i lo tatou faasinomaga moni. A galo ia i tatou lo tatou faasinomaga moni, o manatu faamasino ma le faitio ia te oe lava e mafai ona suia ai lagona o le agaalofa ma le alofa mo oe lava ia. Tatou te motuese ma isi, i tatou lava, ma e oo lava i le Agaga Paia.

O le mea moni, o le faatusatusa e le o taimi uma e faatatau ai ia i latou o loo tatou faatusaina i ai i tatou lava; e masani lava ona faatatau ia i tatou ma o tatou lava le mautonu. O le faatusatusa e mafai ona avea o se faamasinoga amioletonu o i tatou lava.

Ma e ui o le faatusatusa atonu o le gaoi o le olioli,³ o le

iloaina o lo tatou taua, o o tatou malosiaga ma taleni, ma le faamoemoega a le Tama Faalelagi mo i tatou ma ē mafai ona avea ai i tatou, o se *ki* lea i le olioli.

Na faaaluina e le Faaola Lona soifua i le faia o mea lelei (tagai Galuega 10:38). Sa soifua o la i Lona soifuaga mo isi, e aunoa ma se faaletonu e tasi. Ae peitai sa aoaiina ma faamasinoina lava o la. Ae ona sa la silafia o ai moni o la ma Lona faamoemoega, na mafai ai ona la taulimaina faamasinoga ma le faatamalii, e aunoa ma le faalavelaveina o le mea na tatau ona la faia.

A o tatou mulimuli i Lana faataitaiga, e mafai foi ona tatou faia faapea! Ua faafraigofie e le lalolagi ona faama’u-mau o tatou tagata i le faatusatusa ma le faamasino ma galo ai o ai i tatou, ae e mafai ona tatou aoao mai ia Sister Joy D. Jones, o le Peresitene Aoao o le Peraimeri, o lē na aoao mai: “Afai o le alofa tatou te lagonaina mo le Faaola ma mea na la faia mo i tatou ua sili atu nai lo le malosi tatou te tuuina atu i vaivaiga, le mautonu o le tagata lava ia, po o mausa leaga, o le a fesoasoani mai o la ia i tatou e faatoilalo mea na mafua ai mafatiaga i o tatou olaga. Na te laveaia i tatou mai ia i tatou lava.”⁴

E pei ona tatou iloa, “ua tele lava le taua o agaga i le silafaga a le Atua” (Mataupu Faavae ma Feagaiga 18:10). Ia sui laia o le upu agaga i lou lava igoa. Ia mafaufau i lena mea mo sina taimi. E silafia e le Tama Faalelagi lou igoa, Na te silafia lou taua, ma na maliu Lona Atalii e Toatasina na Fanaua mo oe ona e taua *tele* oe ia te la.

Ma pe a lagonaina le mamafa o le lalolagi ma oo mai ai lagona faatusatusa, faalatalata atu ia i Laua ma o le a e lagonaina le liusuavaia ese atu o le le mautonu ia te oe lava ma lou faamasinoina o oe lava, ae lagona ai le talitonuina moni lea e sau mai lou iloaina o lou taua lē mafaatauina.

Vaavaai Atu i le Faaola

E mafai ona tatou vaavaai atu i taimi uma i le Faaola mo le taitaiga i mea uma tatou te faia. O se vaega o mea Na te ofoina mai ia i tatou e ala i Lana Togiola o le mana gafatia lea e suia ma iloa ai le ala e faia ai mea uma ua la finagalo tatou te faia. Ma a tatou filifili e mulimuli ma faalatalata atu ia te la, e fesoasoani o la ia i tatou e aoao e lafoai ese faamasinoga le amiotonu ma vaai atu i isi—ma i tatou lava—e ala i Ona fofoga. ■

FAAMATALAGA

1. Dallin H. Oaks, “‘Judge Not’ and Judging,” *Ensign*, Aok. 1999, 9-12.
2. Michelle Craig, “How Do You Feel Joy in the Lord?” Nov. 22, 2019, blog.ChurchofJesusChrist.org.
3. “O le faatusatusa o le gaoi lea o le olioli” atonu na tusia e Theodore Roosevelt.
4. Joy D. Jones, “O Le Taua le Mafuatiaina,” *Liahona*, Nov. 2017, 15.



O Le Mea Moni o loo i tua atu o Na Ata-Atoatoa o Talaaga Otooto

Saunia e Bárbara Rodríguez

A tatou faatusatusaina i tatou lava i luga o ala o faasalalauga faaagafesootai, ua tatou misia le ata telē atu.

I se taimi e lei mamao atu, sa faaali mai ai se manatu o se tasi o loo mulimulta'ia a'u i luga o le Instagram ma fai mai, "E faapefea ona matuai susulu mai ou foliga ma ni tamaiti se toalua, ae e tau le mafai ona ou taulimaina se [tamaitiiti] e toatasi?" Sa vave ona ou 'ata ma manao e tali atu ia te ia ma se ata o o'u foliga i lena taimi.

Sa ou tali atu, "Sa ou manatu lava o loo fai si o'u faatamala i o'u foliga vaia pe a faatusatusa i isi tinā. O le aafiaga lena o ala o faasalalauga faaagafesootai—e tele ina tatou faatusatusaina i tatou lava i se isi tagata, ae o loo faatusatusa e lena tagata o ia lava i se isi. Ae o le mea moni ou te le o matuai susulu i le taimi nei, ma ou te le ula foi tuu i luga se ata o o'u foliga vaia. E masani lava na o aso Faraile ma Aso Sa ou te ofu lelei ma foliga 'tauagafau' ai."

Ua o ni nai tausaga nei talu ona ou faasoat atu e uiga i o matou olaga i luga o ala o faasalalauga faaagafesootai. O le tele lava, ou te taumafai e faailoa atu pe faape'i le "olaga moni" mo tagata o le Eklesia a

Iesu Keriso. Ma o le faia o lea mea, sa i ai ni aafiaga ua uunaia ai au e mafaufau i uiga lelei ma tulaga lamatia o ala o faasalalauga faaagafesootai.

E le Faaalia Mai e Ala o Faasalalauga Faaagafesootai Mea Uma

E le o le taimi muamua lea ua fesili mai ai se tagata ia te au i se fesili faapea. O le mea a ia, e faaali mai e ala o faasalalauga faaagafesootai na o se vaega itiiti lava o olaga o tagata. I lo'u tulaga, e tusa lava pe ou te taumafai e faamaoni, e le mafai lava ona ou faailoa atu mea uma. Ma e le tatau ona tatou faatusatusaina i tatou lava pe faavaeina lo tatou tāua i se atapue mata-gofie se tasi. O le faia o faatusatusaga, aemaise lava i luga o ala o faasalalauga faaagafesootai, e mafai ona fafaigata ai mo i tatou ona iloa o tatou malosiaga na tuuina mai e le Atua.

I le avea ai ma Au Paia o Aso e Gata Ai, tatou te faia le mea sili tatou te mafai ina ia avea ai faapei o lesu Keriso. Ae o le mea moni e leai se tasi o i tatou e atoatoa. Ma i luga o ala o faasalalauga faaagafesootai, e tatau ona tatou taumafai ia aua nei faia ni faamasinoga sese e le gata ia i tatou lava ae faapena foi i isi. E tatau ona tatou manatua, e tusa lava pe tatou te mafaufau ua atoatoa le olaga o se tasi, tatou te le o vaia luitau patino atonu o loo latou feagai. Tatou te le iloa lelei mea o loo tutupu i olaga o tagata i tua atu o mea latou te filifili e faasoat atu i luga o polokalama initonetia ua faamāmāina ma le faaeteete.

O Le Tulaga Moni o se Ata o le Aiga

E masani lava ona tele ni mea e tutupu i tua atu o vaaiga o ata pue uma o aiga ia e te vaai ai i luga o ala o faasalalauga faaagafesootai. Atonu e tilotilo nisi o tagata i na ata ma fesili ifo ia i latou lava, "Aisea e le matuai manaia ai ata o lo'u aiga?" Ae tatou te le iloa po o a ni mea e fai ia maua ai na ata "atoatoa."

Mo se faataitaiga, sa matou taumafai i se tasi aso e pue se ata o le aiga i le tuua ai o le lotu. E mafai ona faigata lenei mea i le i ai o ni fanau laiti se toalua, ae ou te fiafia lava e pueina na taimi ona ou te toe tilotilo ai i tua i le matutua ua i ai la'u fanau.

A o ma taumafai ina ia faanonofo lelei tamaiti mo le ata, sa ou faaaluina se taimi ou te talanoa atu ai i lou atalii e lua tausaga, o Alavini, o lē sa tagi ona sa manao ou te tago e sii ia. Na ou punou i lalo, ma solo ese ona loimata, ona aioi atu lea ia te ia e tu i luga ina ia mafai ona ou faali atu o matou ofu (lea sa ou faia ia pea uma i lena taeao). O lau tama teine e tolu tausaga o Avril, sa fai atu foi i lo'u toalua e sii o ia ona sa le manao foi e tu. Sa lei mananao moni i laua e pue ni ata.

Sa le manuia le faagasologa o le puegā ata—o lea sa tuu ai loa. Ae ina ua ou taunu i le fale, sa ou maua se mea na sili atu. O lo'u tuagane (o lē sa pueina ata) sa pueina le taimi na tupu uma ai le vevesi. I le ata, sa ma faato'ato'aina ai ma lo'u toalua le ma fanau. Sa lei faaalia lelei ai o matou ofu, ae sa o se taimi—o le agalelei—ma moni. Sa matuai o'u fiafia i ai.

Ina ua ou faasoaina atu le ata i luga o ala o faasalalauga faaagafesootai, sa ou faaupuina "O le tulaga moni o se ata o le aiga." Ou te lei mafaufauna e toatele ni tagata o le a fesootai i ai, ae na ou iloa ai e le tau manaoia ona atoatoa le foliga mai o ni mea. E leai se afaina o le alu i le mea ua i ai ma ia moni. Ae na aoao mai ai foi ia te au se lesona telē atu—e faapea, a tatou talitonu ua atoatoa se tasi, tatou te lei vaai i auiliiliga uma.

Aua Nei Tuua Ala o Faasalalauga Faaagafesootai ma Ufiufia Lou Faasinomaga Moni

O upega fesootai o ala o faasalalauga o se meafaiga-luega mamana lea e mafai ona tatou faaaogaina mo le tele o mea lelei. Ae e tatau ona tatou faaeteete ia aua

nei o tatou lotovaivai pe faatusatusa i tatou lava i mea tatou te vaai i luga o ala o faasalalauga faaagafesootai. E pei ona saunoa mai ai Elder Gary E. Stevenson o le Korama a Apostolo e Toasefulula, "Talosia, e mafai ona tatou aoao ia sili atu le moni, saili nisi uiga malie, ma faaititia le lotovaivai pe a fetalai ma ni ata o loo faaali mai ni tulaga faafoliga ma e masani ona taitai atu ai i faatusatusaga faavaivailoto."¹

Ou te iloa a tatou manatua lo tatou natura paia o ni fanau a le Atua, o le a tatou le tuua se avanoa mo ni faatusatusaga tiga po o ni faamasinoga patino. Ma afai tatou te tuu le faalogologo i na faatusatusaga ia e taumafai e faaleaga o tatou gafatia, o le a mafai ona tatou ola i ni olaga faamanuiaina e aunoa ma le popole e uiga i na tusiga uma o loo i ai ia e foliga mai o ni ata-atoatoa. ■



O Bárbara Rodríguez e 25 ona tausaga ma sa fanau i Anzoátegui, Venezuela, lea sa ia feiloai ai i lana tane. O loo nonofo i le taimi nei i Lima, Peru. Ua tuuto atu Bárbara i le fatuina o anomea faageetia i luga o a laua upega fesootai.

FAAMATALAGA

1. Gary E. Stevenson, "Gasetoto Faaleagaga," *Liahona*, Nov. 2017, 46.



**E ANOANOA'I
ITULAU,
ANOANOA'I
TALA,**



ANOANOA'I ISI M

O Ianuari 2021 e faailoga ai le amataga o se mekasini fou a le autalavou-Mo le Malosi o le Autalavou-na mamanuina e tuufaaatasia ai ma faafesootai ai le tupulaga i le lalolagi atoa.



**E MAFAI ONA E
TULIMATAI ATU I:**

- Sāvali musuia mai taitai o le Ekalesia.
- Tala e tele e tusia e le autalavou.

AUTALAVOU



EA MO OE!

- Lagolago mo mea o loo e aoaoina i le seminare ma le *Sau, Mulimuli mai ia Te A'u*.
- Ni pepa o savali fou e tautau i luga pe faasoa atu i le initonetia.
- Tali i au fesili o le talalelei.

Faaauau pea ona musuiaina ma faagaeetiaina a o e aoao i le talalelei a lesu Keriso ma faitau i le ala o loo ola ai ma le lototele isi.

I LE VAEGA LENEI



52

- 52 O Se Faamanuiaga o le Tu Masani o le Kerisimasi
Saunia e Isapela Toa

- 54 O le A Se Mea o i Lau Lisi?
Saunia e Annelise Gardiner
ma Sam Lofgran

- 56 Fesili ma Tali: Taofi pea au uo? Maa susulu?

- 58 O la o le Malamalama
Saunia e Laura Fuchs

- 60 Lesona e 3 o le Olaga mai ia Moronae
Saunia e David Dickson ma Chakell Wardleigh Herbert

- 64 O Le Upu Mulimuli:
Atoatoa ia Keriso
Saunia e Elder Gerrit W. Gong

- 65 Tagata mai le Tusi a Mamona: Mamona ma Moronae

O Se Faamanuiaga o le TU MASANI O LE KERISIMASI

*Sa leai se mea faapitoa e uiga i le faaaluina o le Kerisimasi i se fale fou,
ae o se faamanuiaga faaleperisitua se tasi na suia ai mea uma.*

Saunia e Isabel Toa

Sa 14 ou tausaga i le taimi na ou oo ai i la'u Kerisimasi muamua e leai se kiona. Na faatoa masii atu lou aiga mai atumauga o luta agai i Texas, ISA. Ia te au, o Texas sa pei ua laugatasi tele ma vevela. Sa faigata ona lagona le agaga o le Kerisimasi ona sa leai ni au uo i la'u aoga fou aemaise lava sa leai se kiona i le eleele. Sa ou lagona sa pei sa lei taliaina au i soo se mea, o lea sa tele ai ina ou lagonaina le tuuatoatas ma le faanoanoa.

E ui i lou le fiafia, na o le toe tasi le vайасо oo i le Kerisimasi, ma sa ou faalagolago i a matou tu masani o le Kerisimasi ia siitia ai lo'u agaga. O gaoioiga malie sa faia faatasi e lo matou aiga i tausaga ua mavae sa ou lagona ai le fiafia tele. O tu masani o se vaega tele lea o le ala matou te faamanatuina ai le Kerisimasi, o lea sa ou manatu ai e leai se mea ou te popole ai. Sa ta'ua i latou o ni tu masani mo se mafuaaga, o lea sa ou iloa ai e tatau ona tausisia pea.

FAATUMAUINA O LE OLA O LE AGAGA O LE KERISIMASI

Sa fetolofi telegese mai aso e tau atu i le Kerisimasi. Matou te lei faia i lea taimi se mea e fai faatasi o se aiga e faamanatu ai, o lea sa ou lagonaina ai si faanoanoa. Ina ua oo i le aso e sosoo ma le Kerisimasi, sa ou faatalitali i le aso atoa mo se mea e tupu—soo se mea lava o le a faaali mai

ai ia te au o le a mafai lava ona tausia a matou tu masani faapelepele a le aiga i lo matou fale fou. Ou te mautinoa na mafai ona ou amataina e au lava nei tu masani taua, ae sa ou le manao ai. I se isi itu, sa ou vaavaai mo se failogia e faaali mai ai ia te au o loo ola pea le agaga o le Kerisimasi.

Na faasolosolo le ao ina po ma sa faateleina ai lo'u le fiafia. Sa loimatā o'u mata a o faapotopoto faatasi lou aiga e faia a matou lotu afiafi. Sa lagona le malulu ma le gaogao o le matou fale atoa, e ui lava sa matou nonofo uma ai i totonus. Na faafusei lava, ona talepe e lo'u tamā le filemu i se fesili se tasi.

"E i ai se tasi e fia maua se faamanuiaga faaleperisitua?"

Na tau pe lo'u fatu. Sa ou popole tele pe o le a matou tuuina i luga a matou molio le Kerisimasi pe leai, pe taoina ni kuki o aso fiafia, o lea na galio ai ia te au se tasi o tu masani faapitoa sa matou faia i Po uma o le vaeluaga o le Kerisimasi—sa matou mauaina uma se faamanuiaga faaleperisitua. O le mauaina o se faamanuiaga mai lo'u tamā i taimi ua tuanai na aumaia ai le filemu ia te au, ae e le o tagata uma o lo'u aiga sa fiafia i le mauaina o se faamanuiaga. O nisi taimi e fai mai ai o'u tei ma lo'u tina latou te le o lagonaina le manaoia ai o se faamanuiaga. Ou te lei manao ia maualuga o'u faamoemoega pe afai o

le a teena e isi tagata uma le mauaina o se faamanuiaga.

Ae o le taimi lenei sa ese. Sa tu i luga lo'u tina ma saofai i le nofoa na aumai e lo'u tamā mo i matou.

"Ou te manao i so'u faamanuiaga," na ia fai atu lemu ai.

Sa faateia i matou uma, ae sa lei faatuai lo'u tamā. Sa tuu ona lima i luga o le ulu o lo'u tina ma amata ona tautala. Sa ou lagonaina le iloa lelei e lo'u tamā o lagona ma tauiviga patino o lo'u tina. Sa ia tau-tala atu i upu o le faamafanafanaga ma le filemu ia te ia i lenei taimi o suiga.

Sa faafusei lava ona ou lagonaina se lagona mū i totonus o lo'u fatafata—e pei lava na tutu e se tasi se afitusi i totonus o a'u. Na ou iloa sa ou lagonaina le Agaga Paia, e ui lava o le mu i lou fatafata sa le o le ala lea sa masani ona ou lagonaina ai muamua le Agaga. Sa pei lava na fetalai tuusao mai le Tama Faalelagi ia te au, e ui sa le o lo'u faamanuiaga faaleperisitua lea!

Ina ua fai mai filemu lo'u tamā "amene" ma pupula o'u mata loimatā, sa ou iloa ai na fetagisi lou aiga atoa. Na matou lagonaina uma lava le fetalai mai o le Agaga ia i matou i se auala agalelei ma le alofa e faapea, o le a lelei mea uma. Sa feopoai lo'u tina ma lo'u tamā, ma sa ou lagonaina e pei o le ao o timuga lea sa faamalumalu mai i luga ae o lo'u ulu mo



se taimi umi na iu lava ina tuu avanoa atu i le la susulu.

Sa matou mauaina uma faamanuiaga, e aofia ai ma au. I lo'u faamanuiaga, na faamautinoa mai ai e le Alii ia te au o loo la silafia pea au ma finagalo ia ou fiafia. Na aumaia ai ia te au lagona o le filemu ma le mafanafana lea sa ou le lagonaina talu ona ou masii atu i Texas.

E MONI LE MANA O LE PERISITUA

Atonu matou te lei tausisia uma ia tu masani i lena tausaga, ae sa matou manatuina pea lagona o le molimauiina o le mana o le Atua e ala i le faamanuiaga faaleperisitua a lo'u tamā. O le a ou manatua pea le auala na suia ai ou lagona o le faanoanoa i le filemu ma le olioli. Sa ou aoaoina ai foi se lesona taua e uiga i le mana o le perisitua. Pe afai e foliga mai ua sese le itu ua agai i ai mea uma ua siomia ai oe, o se faamanuiaga faaleperisitua e mafai ona faamanatu atu ai ia te oe le i ai o le tausiga ma le alofa o le Alii i lou olaga. ■

E alala le tusitala i luta, ISA.

O LE A SE MEA O I LAU LISI?

Saunia e Annelise Gardiner ma Sam Lofgran

Mekasini a le Ekalesia

O le a se mea e te manao moni i ai mo le

Kerisimasi i lenei tausaga? O lea tatou talanoa i ni mea e sili atu na i lo nao meaalofa—o le a le mea e te manaomia moni?

O se mea e manaomia o se mea lea e tatau ona ia te oe ina ia e ola ai. I le vaitaimi o le Kerisimasi, e mafai ona faigofie ona taulai atu i na o o tatou manaoga faaletino, ae faapefea o tatou manaoga faaleagaga?

Taofi le lisiina o mea e te moomia, ae amata ona aumai mea e te manaomia.



MEAALOFA E MANAOMIA

Ua tatou iloa o o tatou agaga e i ai ni manaoga faifaipea, o meaalofa e pei o le suesue i tusi-tusiga paia ma le tatalo e fesoasoani e faataunu ai, ae e i ai foi isi manaoga o o tatou agaga, e faalagolago lea i o tatou tulaga. Ua matou aoina mai ni nai tala mai talavou i le lalolagi atoa o e na mauaina isi “meaalofa” na manaomia e o latou agaga. A o e faitau, mafaufau po o a ni meaalofa e ono manaomia e lou lava agaga.

O Le Meaalofa o le Seminare

Sa iloa e Juan R., e 16 tausaga, mai Chile o le seminare o se mea lea sa ia manaomia. “I le seminare ou te aoao ai i le upumoni, ma e tuuina mai e le Agaga ia te au le poto. Soo se taimi ou te lagona ai le Agaga, ou te iloa o loo ou i ai i le mea e finagalo le Atua ou te i ai i lena taimi. O ou lagona na pe a ou i ai i le seminare, o lea ou te iloa ai e taua lo'u i ai iina. Ou te iloa i taimi uma o le alu i le seminare o le aumaia ai ia te au ni tali i fesili ma ni masalosaloga e ia te au.”

O Le Meaalofa o Uo

Na iloa e Rhoeta M., e 15 tausaga, mai Idaho, ISA, sa ia manaomia ni uo lelei a o ia sailili i le Ekalesia. “Ina ua amata ona ou auai i sauniga faamanatuga, vasega, ma Tamaitai Talavou, sa vave lava ona faafeiloai au e le tele o foliga faaauo ma se faapotopotoga agalelei. Sa ou aofia ai i gaoioiga uma, ma o uo fou sa ou maua sa uunaia au e mulimuli i le fuafuaga a le Atua. Sa

latou fesoasoani ia te au e faatutu ma ausia au sini faaleagaga.” Ina ua uma ona aoao ai e faifeautalai ni mea se tele ma fesootai atu i ana uo i le lotu, sa faia loa e Rhoeta le faaiuga ina ia papatisoina. “Ou te matua faafetai ua ou mauaina ni tagata e ese le lelei,” o lana tala lea, “ma ua faamanuiaina au i le i ai i se suiga sili ona matagofie i totonu o le Ekalesia!”





O Le Meaalofa o le Auauna Atu

Na iloa e Julie S., 16 tausaga, mai Texas, ISA, lona manaomia o se valaauga. "Talu ai nei lava na valaauna ai au o se taitai pese a le matou uarota, ma o lona uiga e tatau lava ona ou tau-nuu i le taimi tonu o le lotu! O se tauiviga lenei i taimi uma mo lou aiga, ma o lenei valaauga e le gata ina aumaia ai ia te au le olioli tele ona ou te fafia i musika, ae ua tuuitiitua ai foi le vevesi vale o lou aiga i Aso Sa ae ia faatulaga lelei."

O Le Meaalofa o le Talalelei

Na iloa e Sam D., 19 tausaga, mai Turkey o le mea na ia misia i lona olaga o le Ekalesia. "Sa papatisoina au i le 16 o ou tausaga, ma ina ua mavae lena, sa amata ona ou ola moni i lou olaga. Sa sili atu ona manino mea uma. Sa i ai se faamoemoega ou te ola ai."

O A NI MEAALOFA E TE MANAOPIA?

Na mafai e nei talavou ona maua mea na latou manaomia e faatuputupu a'e ai a latou molimau, fafia atili ai, ma faalatalata atili atu ai i le Atua. Ina ua uma ona faiatua o latou aafiaga, o a ni mea ua e matauina o nisi o manaoga o lou agaga? Fai se lisi e fesoasoani ia te oe e mata'itu ai.

TUUINA ATU MA LE TALIAINA

O lea la ua e faailoaina manaoga o lou agaga, e mafai faapefea ona e faataunuina?

Amata i le faatutuina o sini ina ia ausia ai mea e te manaomia. O le faatutuina o sini o se auala sili lea e ausia ai ni mea fou, ma o le polokalama a Tamaiti ma le Autalavou e mafai ona fesoasoani ia te oe e amata ai.

E mafai ona avea lou aiga ma se isi nofoaga sili e maua ai le fesoasoani i le faataunuina o ou manaoga—o lou aiga patino ma lou aiga o le uarota po o le paranesi. E oo lava i aso o Moronae, o se mafuaaga autu mo le faia o sauniga a le Ekalesia ina ia "talatalanoa o le tasi i le isi e uiga i le uelefea o o latou agaga" (Moronae 6:5).

Ma e moni lava, e finagalo le Tama Faalelagi e fesoasoani ia te oe e faataunuou ou manaoga faaleagaga ma faateleina lou faatuatua ia te la. Afai e te tatalo ia te la, e mafai ona la fesoasoani ia te oe

e faailoa mea e te manaomia ma po o a foi sini e mafai ona e faatutuina.

I lenei Kerisimasi, aua le faatali mo se isi tagata e taumateina le mea o loo i luga o lau lisi o manaoga-faaleagaga—ia faatutu ni sini ma tuu atu na meaalofa e manaomia ia te oe lava! Ae, aua foi le faatali e fesili atu mo se fesoasoani ia ausia ai au sini. Ma, talu ai o le vaitau lenei o le tuuina atu, ia vaavaai mo ni auala e mafai ona e fesoasoani ai i isi e faataunuui ai foi o latou manaoga faaleagaga.

Aua nei galole au Rhoeta ma le au Sam i le Lalolagi. Atonu e le iloa lava e tagata o loo siomia outou le mea o loo latou misia—o mea latou te manaomia ina ia fafia ai ma maua ai o latou faamoemoega—sei vagana ua outou faasoa atu le savali o le talalelei ia i latou. O le meaalofa sili lena e mafai ona maua e se tagata mo le Kerisimasi! ■

FAUTUAGA

Manaomia se uo?

Vaavaai mo isi tagata o e o loo manaomia ni uo ma avea ma a latou uo. Aapa atu i isi talavou i lau uarota po o vasega i le aoga.

Manaomia se tiutetau-ave? Aapa atu i lou epikopo ma talosaga atu mo se valaauga. E mafai foi ona e saili mo auala e auauna atu ai i lou alalafaga.

Manaomia le fafagaina faaleagaga? Auai i le seminare. Faitau au tusitusiga paia. Faalogologo i se lauga o le konafesi.

O nisi o a'u uo e le o ni faatosinaga lelei. E mafai pea ona avea i matou o ni uo?



"Faatu se tagavai mo le lalolagi uma! Talia le ese o lou tulaga! O le tamaitusi ua ta'ua o le Mo le Malosi o le Autalavou e tatau ona avea ma au tagavai. O le tagavai lea ua faamoemoe le Alii ia uumauina e Lana autalavou."

Peresitene Russell M. Nelson,
"Hope of Israel" (faigalotu a le autalavou i le lalolagi atoa, 3 Iuni, 2018), 16, HopeofIsrael.
ChurchofJesusChrist.org.



Faasoa Atu ni Mea Lelei

Afai o i latou o a'u uo, o lo'u tiute o le fesoasoani ia i latou ia lelei atili, ia faasoa atu le talalelei ma faamanuiaga uma ua ou maua e alai le ola ai. Afai latou te le faaalia le fiafia i na mea lelei, atonu o le a amata ona gasolosolo ese tai tasi atu i latou. E ui lava e faigata, o nisi taimi o le mea sili lea ona lelei e tatau ona fai.

Matheus T., 16 tausaga, Minas Gerais, Pasila

Tautala Atu e Aunoa ma le Fefe

Ua iloa e a'u uo ou te auai i le Ekalesia. Sa matou talanoa e uiga i mea sa'o e fai ma mea e le sa'o. O le taimi nei, pe a ma faatasi ma la'u uo, na te faaalia ni amioga lelei, ma ou te fiafia i ai. O lenei mea ua aoaoina ai a'u e tatau ona ou tautala atu e aunoa ma le fefe.

Diego R., 16 tausaga, Aai o Mekisiko, Mekisiko



Ia Avea ma se Faatosinaga Sili Atu

E i ai a'u uo e le o ni faatosinaga lelei, ae e le faapea ai la ou te le tautala atu ia i latou. Ou te tauimaina i latou ma le faaaloalo ma le agalelei. Ou te le faamasino atu pe faitioina i latou. Ou te iloa e mafai e ue ona faatosinaina auala tatou te mafaufau ai ma amio ai, ma e mafai foi ona iloa ai le ituaiga tagata o le a avea ai i latou. Soo se taimi ou te mafai ai, ou te faasoaina atu le talalelei ia i latou ma valaaulia i latou i gaoioiga a le Ekalesia.

Saireth V., 18 tausaga, Morelos, Mekisiko

E ono teuteuina tali mo le uumi po o le manino. O tali ua lolomiina e faamoemoe mo se fesoasoani ma ni manatu, ae e le o ni faalauiloa aloaia o aoaoga faavae o le Ekalesia.



Ia Faamuamua le Atua

Aua nei lotovaivai pe afai e le talia e au uo au faataitaiga lelei. O loo i ai se laina maaale i le va o le manatu faapito ma le tausiga o le tagata lava ia. E le tatau ona e tuua i lalo ou tulaga faatouina pe tuu ese ou talitonuga mo isi; ua tatou ola e faamalie le Tama Faalelagi, ae le o se isi lava tagata. Tatalo ma sailili i tuisutisiga paia mo le taitaiga, faalogo i uunaiga a le Agaga Paia, ma le mea sili ona taua, aua le avea mea o le lalolagi ma mafuaaga o lou se ese mai le ala sa'o ma le vaapiapi.

Riley E., 15 tausaga, Manila, Filipaina

Tutu i Nofoaga Paia

Sa ou aoaoina mai i o'u Taitai Faalelotu e tatau ona tatou tutu i nofoaga paia e tusa lava pe na o oe. Faaauau pea ona e ola i faatulagana ua uma ona e setiina i lou olaga ma lou loto. Taumafai e valaaulia i se lesona poo le sauniga faamanatuga. E mafai ona e tauavea le malamalamo o le talalelei i soo se mea e te alu iai! Ma ina mea uma, faaali atu le alofa o le Faaola mo i latou uma

Allanis O., 18 tausaga, Setubal, Potukale



Pe le o se mea ese ea mo le uso o lareto le ole atu i le Alii e faasusulu ni maa?

O le mea muamua lava, sa tatalo le uso o lareto ma le faatuatua, ma le talitonu o le a ia "maua mai ai e tusa ma [lona] manao" (Eteru 3:2). O lona uiga na ia talitonuina "e leai lava se mea e tasi e le mafaia e le Atua" (Luka 1:37). Ma sa faamamaluina e le Alii lana talosaga faamaoni.

Lona lua, atonu na mulimuli le uso o lareto i se faataitaiga na muamua atu: le vaa o Noa. Sa ta'u atu e le Alii i le uso o lareto o ana vaa e le mafai ona i ai ni afi po o ni faamalama (tagai Eteru 2:23–24), ae ua faapea mai le Tusi Paia o le vaa o Noa sa i ai se "faamalama" (Kenese 6:16). Ae peitai, o le upu na faaliliuina o le "faamalama" atonu e le o se faamalama moni lava. Ua fai mai ni isi o tagata popoto iloga [rabbis] ma isi sikola o le "faamalama" o se maa taua sa susulu i totonu o le vaa (tagai i le Kenese 6:16, vaefaaatalaga a). E masalo na iloa e le uso o lareto le tala i le vaa o Noa. (O faamaumauga a sa lareto na aofia ai se tala e aofia ai le Foafoaga seja oo mai i le olo o Papelu [tagai Eteru 1:3-4].) Atonu la o le talosaga a le uso o lareto e le o se mea sa le masani ona tupu.

O Le A Sou Manatu?

E mafai faapefea ona ou maua le lototeli e mulimuli ai i uunaiga faaleagaga?

Auina mai lau tali ma, afai e manaomia, o se ata manino lelei a o le'i oo i le aso 15 o Ianuari, 2021, i le liahona.ChurchofJesus Christ.org (kiliki le "Submit an Article or Feedback").

O Ia o le MALAMAL

I le faitau afe o maila mai le aiga, sa ou aoaoina ai se lesona mai togitogi laiti o le malamalama e faitau miliona o maila le mamao.



Saunia e Laura Fuchs

Atonu e foliga mai o se mea e ese lava, ae sa ou fiafia i taimi uma o le Kerisimasi i lau misiona, e faitau selau pe faitau fia afe foi maila le mamao mai faafitauli masani o le aiga ma faalavefau o mea faapisinisi. O le Kerisimasi e faatatau ia Keriso, ma o le a se isi auala sili atu e patipatia ai nai lo le fesoasoani atu i isi ia o mai ia te la?

I se tasi afiafa ia Tesema, sa ma toe foi atu ai ma la'u soa i lo ma fale mautotogi ina ua mavae se aso o le galuega faafaifeautai i La Paz, o se nofoaga matagofie i le faatausiusuga o le aai o Laoag, Filipaina. Sa ou nofo i le nofoa autafa o se uila pa'u tolu ma faapupuu ai i talane la'u soa e ono futu le umi, ma sa ou fiafia lava i le olaga. Na taia i ma'ua i le ea malū, ma faamanatu mai ia te au (toeitiiti lava) e uiga i Kerisimasi kiona i le aiga—ae

sa le pei lava le malulu e pei ona sa ou masani ai ia Tesema.

A o matou tietie atu i le nuu maotua, sa taulai atu ou mata i le lagi. I luga, e mamao ese lava mai moli ma le malomaloa o le aai, e faitau afe fetu na aliali mai. Ae na faasolo faaititia fetu na ali a o matou taulalata atu i le ogatotonu o le taulaga, seia oo lava ina nao fetu susulu malolosi na mafai ona vaaia.

Sa ou mafaufau i le malamalama mai fetu ma lesu Keriso. Na ou mafaufau i le fetu sa faasilasilaina Lona fanau mai ma Keriso lava la, o le “fetu ao pupula” (Faaaliga 22:16). O la o le fetu mumū tele, o le faataitaiga susulu mo i tatou uma lava. Ae peitai, e pei o na fetu sa ou vaaia a o tilotilo atu i fafo mai le uila pa'u tolu, e oo lava foi ia te la e mafai ona punitia e le eleelea o le malamalama. O le tele o mea faalavefau, o le tele o molī

AMA



faafoliga, o le faaititia foi lea o le vaaia o le malamalama faanatura. I tua i se itumalo o Filipaina, e mafai lava ona vaaia ni fetu mai le ogatotonu o le aai, ae i taulaga tetele e pei o Manila, e le mafai ona e vaaia se fetu se tasi i le po. O le malamalama mai faasalalauga, pisinisi, ma fale ua poloka uma ai le malamalama o fetu mamao.

O le mea lava e tasi e tupu pe a tatou siomia i tatou lava i mea faalavefau ma moli faafoliga. O le a sili atu ona faigata ai ona iloa le malamalama o Keriso.

E faapitoa lava le moni o lenei mea i le vaitaimi o le Kerisimasi. E faigofie lava ona soona fuafua gaoioiga i aso malolo ma tatou pisi ai lava e pei o le pisi o Manila i le taimi o itula pisi. O loo i ai meaalofa e sailia, o pati e fuafua, kata e tusi, ma le anoanoai o

faafiafiaga ma mea e tutupu e auai ai. A tatou lagona ua leai se taimi tatou te tepa ae ai i luga, atonu o le a tatou le iloa ua punitia le malamalama o Keriso i o tatou olaga.

A o tatou faamalamalamaina o tatou fale ma laau, e le mafai ona galio ia i tatou ona faatagaina le Malamalama o Keriso i totonu o o tatou loto. Atonu tatou te mananao e taofi faafiafiaga mo sina taimi ina ia manatua ai mea o loo tatou faamanatuina. O le Kerisimasi e faatatau ia Keriso. O la o le malamalama, ma afai tatou te tuuitiitia mea faalavefau ma tetepa ae i luga, e mafai ona tatou iloa o la, e tumau pea ma e susulu pea lava i le lalolagi atoa ina ia vaai i ai. ■

E alala le tusitala i luta, ISA.

LESONA E 3 O LE OLAGA MAI IA MORONAE

Saunia e David Dickson ma
Chakell Wardleigh Herbert

Mekasini a le Ekalesia

Mai le amataga i le faaiuga, o le Tusi a Mamona o se malaga le malōlō o upumoni mamana e faavavau, folafolaga maoae ma lesona, ma faataitaiga musuia o le faatuatua ia lesu Keriso. Ae o le vaega e sili ona lelei ai, e moni uma lava!

Ae a tatou latalata atu i le faaiuga ma taunuutatu mataupu a Moronae, e mautinoa lava le i ai o nisi o upumoni e sili ona mamana ma lesona sui olaga mo i tatou! Sa faamaeaina e Moronae le Tusi a Mamona i lana molimau ofoofogia ma lana valaaulia patino ia o mai ia Keriso ma saili ia iloa le moni mo i tatou lava. Ae i totonu o na faamatalaga mamana, o ni lesona faaopoopo nei e tolu e suia ai olaga e mafai ona tatou aoao ai mai i ana mataupu faaiu i lenei tusi matagofie.





Vaai i Tua Atu o le Laina Tini

E i ai se lagona faamalieina lea e oo mai i le faaiuga o se galuega faatino faigata ae tauia: o le faamauina o le vaega mulimuli o se paso i lona tulaga po o le auina atu i totonu o se poloketi sili ona lelei i le aoga.

Na manatu Moronae ua mae'a lona sao i le Tusi a Mamona ina ua uma ona ia tusia le toilalo o le malo o sa lareto e pei ona maua i le tusi a Eteru. Na ia amata i le: "O lenei o au o Moronae, ina ua uma ona ou faia o le faaiuga o le otootoga o le tala o le nuu o lareto, sa ou manatu o le a ou le toe tusia ni isi mea faaopoopo, peitai ou te lei ot i lava" (Moronae 1:1).

O le mea moni e faapea na ola lava o ia, atonu na sili ona oo mai o se mea e faate'ia ai nai lo le mea atonu na e masalosalo i ai. Ae maise lava, sa ia feosofai solo toatas, ma fili na fetaomi mai i itu uma.

Sa i ai ni ona taimi faaopoopo. Ma i le na o le 10 mataupu, sa faaaogaina ai e Moronae ma le tatau. O ni nai upumoni sa ia faaaofiaina ai o le auala lea e faauuina ai aoao ma ositaulaga; faatonuga mo le faamanatuga (e aofia ai tatalo); aoaoga i le auala e faatautaia ai sauniga a le Ekalesia; o se lauga mamana a lona tama i le

faatuatua, faamoemoe, ma le alofa mama; ma le folafolaga paia o loo maua i le Moronae 10:3–5 lea o loo aoao mai ai ia i tatou taitoatas i le auala e maua ai faaaliga patino e uiga i le moni o le Tusi a Mamona. Oka!

I na mataupu e 10 na te lei fuafuaina e tusia, na faaopoopo ai e Moronae upumoni taua mo le aufaitau i le lumanai o le Tusi a Mamona.

E mafai ona tatou aoao uma mai i lana faataitaiga. O le isi taimi e te mauaina ai se taimi faaopoopo itiiti i ou lima nai lo le taimi na fuafuaina, po o le, a e lagona e pei sa e galue malosi ma mautinoa lava ua tatau ona uma, pe taua ea le tatalo ma le mafaufau loloto ia iloa pe i ai se isi mea teisi e mafai ona e saofaga ai pea?

Ae maise lava, na faamanuiaina le lalolagi atoa ona sa faia e Moronae.



Manatua le Pusa Maa

Afai na e filifili e totō lau laau taumafa mata e sili ona e fiafia i ai i tuafale, o le a tatau ona e faaaogaina se onosai faateleina nai lo o le [onosai] itiiti. E tusa lava pe o le taimi sao o le tausaga ma na i ai ni tulaga lelei e ola ai, masalo o le a tele lava ni nai tausaga ona faatoa oo lea i le taimi e tauina ai le fuamua mai au taumafaiga.

Ae o lena mea e iu lava ina mafai ona fai, a ea? Ae maise lava, e oo mai mea lelei ia i latou o e faatalitali. Ma e tusa lava pe e te totoina se isi ituaiga laau lea o le a le oo i lona matua atoatoa mo le tele o tausaga (e pei o se laau olive), e mafai lava ona e maua le faamalieina i le iloa ai o le a manuia ai lau fanau ma a latou fanau.

Peitai, e le mafaatusalia a tatou taumafaiga i mea na faia e Moronae. O galuega i le olaga o lona tamā, lea na avea ma galuega a Moronae ina ua malii lona tamā, o

le a le fuamua mai i se taimi lata mai. E le fuamua mai i le 10 tausaga. E le i se afe tausaga foi. Na tusia e Mamona, "Ua tusia nei mea i le toe vaega o le aiga o lakopo . . . ae ia natia mau i latou mo le Alii ina ia oo mai i latou *i lana lava taimi e tatau ai*" (Mamona 5:12; ua faaopoopo le faamamafa).

Sa lei iloa tonu e Moronae le taimi o le oo mai ai lenei galuega, ae atonu na ia iloa lelei o le a umi lava. Sa ia vaai i se faaaliga vaafia o o tatou aso ma vavaloo e uiga i ni tulaga faapitoa o le a i ai (tagai Mamona 8:35).

O le tele lenei ua tatou mautinoaina lelei: Sa le i faia e Moronae lenei mea mo le lelei o soo se tasi o lona aiga po o uo po o ni paaga foi. I nisi o upu sillii ona faamomoi-loto ua tusiaina, na faapea mai ai Moronae: "Ua nao au lava. Ua fasiotia lou tamā i le taua, ma tagata uma o lo'u aiga, ma ua leai ni au uo po o se mea ou

te alu i ai; ma o le a le umi e tuu ai au e le Alii ou te ola ai ou te le iloa" (Mamona 8:5).

Ua maliliu *uma* lona aiga. Ana uo *uma*. Lona nuu *atoa!* Ma ina ua uma lana faamaumauga, sa ia fauina se pusa maa e teu malu ai faamaumauga paia lea o le a le mafai ona suluia i le malamalama o le ao mo le faitau fiaselau o tausaga.

O le ola amiontonu e fatuina ai ni suiga lelei i le lalolagi. O nisi taimi o na galugalu e tele ni augatupulaga e manaomia ai ina ia taunuua ai i ona taunuuga atoatoa. Ae ua aoaoina i tatou e Moronae e mafai ona tatou faatuatua pea i le taimi a le Atua. Pau le mea e manaomia o le faia o la tatou vaega.



3 Tausia se Vaaiga e Faavavau

O le mea moni lava: e oo mai tofotofoga, e le fea le olaga, ma o nisi taimi, e tiga ai mea uma lava. E faapitoa le faigata o le olaga pe a tatou mafaufau ua iu lava ina tatou manumalo i se tofotofoga, ae toe to mai se isi uaga o luitau ma taia ai i tatou ma toe pauu ai i lalo.

Pe o tatou feagai ma le popolevale po o le faanoanoa, maliu o sē e pele, po o se isi luitau, o nisi taimi o le taofimau ai i le faatuatua ma le faamoemoe e foliga mai e matua lofituina lava. I nei taimi faigata e faigofie ona mafaufau, "E mafai faapefea ona i ai ni isi mea e sili atu ona leaga?"

Ia, mo Moronae, sa o se faamatalaga moni lava lena. Atonu na i ai ni isi mea e sili atu ona leaga mo ia i le agai ai i le iuga o lona olaga. I taimi faigata, pe a lagonaina le pei e leai se mafuaaga e agai ai pea i luma pe taofimau ai pea i le faamoemoe, e mafai ona tatou vaa'i lana faataitaiga o le faatuatua e le maluelue i le feagai ai ma le tetele o le faatafunaga.

O nisi o le a latou tau'a le olaga o Moronae e matuai leaga faia lava. E ui lava sa faamaoni o ia, ae na aveesea *tagata uma* na ia alofaina. O ia o le tagata mulimuli na ola o lona nuu atoa. Sa tatou ona ia faamae'aina le faamaumauga a lona tamā ona na fasiotia Mamona ae na te lei maua se avanoa e faamae' a ai. Ma sa sailia Moronae e sa Lamana ma sa solasola solo mo lona ola i le taimi na ia tusia ai lana tusi atoa o tusitusiga paia.

Mata e mafai ona e vaa'i faalemafaufau i le matua taufaafefe ma le leai o se faamoemoe o lena tulaga? Afai na oo se isi tagata i tofotofoga na oo ia Moronae, e masalo na faaososoina i latou e lafoai lo latou faatuatua, ia faafitia Keriso, ma

ia tuuaia le Tama Faalelagi ona o o latou tulaga matautia. Ae e sa lei faapena Moronae.

Nai lo lena, na pipiimau pea Moronae sei oo lava i le iuga (tagai Moronae 1:3). Sa ia tausia se vaaiga e faavavau e fesoasoani ai ia te ia e feagai ma ona luitau. Sa ia iloa le mea moni ma iloa e tuna lava po o le a le mea e tupu ia te ia, pau lava le mea ia i ai lona faatuatua i le Faaola ma talitonu i le Tama Faalelagi, o faamanuiaga uma sa folafola mai ia te ia o le a faataunuina i se aso, ma o le a faaoalaina o ia e ala i le mana o lesu Keriso ma faamanuiaga o Lana Togiola (tagai i le Moronae 10).

Ia, o se molimau matuai mamana *lena*.

Pe a foliga mai e leai ni isi mea e sili atu ona leaga, e mafai ona tatou maua le mafanafana i le tausisia o se vaaiga e faavavau ma atiina ae se faatuatua e pei o

Moronae. Afai tatou te faia lena mea, ua folafola mai ia i tatou "e mafai ona outou faia o mea uma e tatau ai ia [Keriso]" (Moronae 10:23). E mafai ona tatou iloa o loo faatasi le Tama Faalelagi ma i tatou. E mafai ona tatou talitonu o lana fuafuaga o le fiafia o le a sauna ai se auala mo i tatou e faatoilalo ai faalavelave uma taitasi o le a tatou feagai i le olaga faitino. Ma e mafai ona tatou siomia i tatou lava i le malamalamā, olioli, ma faamanuiaga o le talalelei toefuataiina a lesu Keriso.

Faatasi ai ma se vaaiga e faavavau, o loo i ai peia ia i tatou se mafuaaga e faamoemoe ai. Ma e mafai ona tatou faatuatua o le a i ai se aso o le a mafai ai ona tatou faapea uma ai, "E mafai faapefea ona i ai ni isi mea e sili atu ona lelei?" ■



Atoatoa ia Keriso

Saunia e Elder Gerrit W. Gong

O Le Korama a Apostolo e Toasefululu

Ole malamalama ma le ola faaleagaga e oo mai pe a toso atu e le tausia o tapuaiga masani i tatou e faalatalata atili atu ai i lo tatou Tama Faalelagi ma lo tatou Faaola, o lesu Keriso. Faatasi ai ma le usiusitai i aso uma, tatou te maua tali, faatuatua, ma le malosi e faafetaia'ia ai luitau ma avanoa i aso uma i le onosai o le talalelei, vaaiga mamao, ma le olioli.

A o tatou sailia auala fou ma paia atu e alolofa ai i le Atua ma fesoasoani ia i tatou ma isi ia saunia e fetaiai ma la, tatou te manatua o le faaatoatoaina e ia Keriso lea, ae le ia i tatou lava po o le faafiaatoatoa o le lalolagi.

O le valaaulia a le Atua e tumu i le alofa ma avanoa aua o lesu Keriso o "le ala, ma le upu moni, ma le ola" (Ioane 14: 6). Mo i latou o e lagona le mamafatu, ua la valaaulia e, "O mai ia te a'u," ma ia i latou o e o mai ia te la, ua la folafola mai, "O a'u foi e malolo ai outou" (Mataio 11:28). "O mai ia Keriso, ma faaatoatoaina ia te ia, . . . alolofa i le Atua ma o outou manatu atoa, mafaufau, ma le malosi atoa, ona lava lea o lona alofa tunoa mo outou, ma o lona alofa tunoa e mafai ai ona outou atoatoa ia Keriso" (Moronae 10:32).

I lenei faamautinoaga "o lona alofa tunoa e mafai ai ona outou atoatoa ia Keriso" o le faamafanafanaga foi, filemu, ma le tautinoga lea e mafai ona tatou faaauau pea i luma ma le faatuatua ma le lototele i le Alii e tusa pe le tutupu ni mea e pei ona tatou faamoemoe i ai, mananao i ai, pe atonu e talafeagai, e ala i le leai o ni a tatou lava mea sese, pe a mavae foi ona tatou faia o le mea silisili.

I taimi ma auala eseese, tatou te lagona uma lava le lē atoatoa, lē mautinoa, ma atonu o le lē agavaa. Ae i a tatou taumafaiga ina ia alofa i le Atua ma auauna atu i o tatou tuaoi, e mafai ona tatou lagona le alofa o le Atua ma le musumusuga e manaomia mo o latou olaga ma o tatou olaga.

Faatasi ai ma le agaalofa, ua uunaia ma folafola mai lo tatou Faaola e mafai ona tatou "fetaomi atu i luma ma le tumau ia Keriso, ma se susulu atoatoa o le faamoemoe, ma le alofa i le Atua ma tagata uma" (2 Nifae 31:20). O le aoaoga faavae o Keriso, le Togiola a lo tatou Faaola, ma lo tatou mulimuli ma o tatou loto atoa i Lana ala o feagaiga, e mafai ona fesoasoani tatou te iloa ai Ana upumoni ma faasaoloto ai i tatou (tagai Ioane 8:32).

Ou te molimau atu o Lana ala o feagaiga e tau atu i le meaalofa silisili ua folafola mai e lo tatou Tama Faalelagi alofa: "O le a outou maua le ola e faavavau" (2 Nifae 31:20). ■

Mai se lauga o le konafesi aoao ia Oketopa 2018.

Mamona & Moronae



O Mamona **sa**
otootoina ma
tuufaatasia le tele o
le Tusi a Mamona (tagai
Upu a Mamona 1:3–5).



Na avea ma **taitai**
mo autau a sa
Nifae i le na o le 15
o ona tausaga (tagai
Mamona 2:1).



O le **Tama o Moronae**
ma se soo o Keriso
(tagai 3 Nifae 5:13).



Na tau faatasi
Moronae ma Mamona
i le **autau a sa**
Nifae (tagai
Mamona 6:11–12)



Na faamaeaina le
tuufaatasiga o papatusi
ma **tanumia i le**
mauga o Kumora
(tagai Mamona 8:3–5, 14).



Na **asiasi**
ia Iosefa
Samita o se
tagata toetu (tagai
Iosefa Samita—
Talafaasolopito
1:33).

Mekasini fou e tolu a le
Ekalesia i le tausaga a
sau! Su'e i le itulau e 6
e aoao ai e uiga i suiga
matagofie ma
le taua.



AUTALAVOU MATUTUA
**FAIA O ALA O
FAASALALAAUGA
FAAAGAFESOOTAI O
SE MEA LELEI**


42

AUTALAVOU
**LESONA O LE OLAGA
MAI IA MORONAE**

60

MATUA
**MANATU FAIGOFIE
E 7 O GAOIOIGA
O LE KERISIMASI**

U15



Uo



O le Kerisimasi
e faatatau
uma lava ia
IESU



Saunia e
Peresitene
Henry B. Eyring
Fesoasoani Lua i le
Au Peresitene Sili

O Meaalofa ole Alofa mo Iesu

Na auina mai e le Tama ia i tatou Lona Alo, o Iesu Keriso. Ma na tuuina mai e Iesu Lona soifua mo tatou ina ia tatou toe mafuta faatasi ai ma Ia. O le meaalofa silisili lea o meaalofa uma. Na foai fua mai e Iesu lenei meaalofa ia i tatou.

Atonu e te manao e avatu se meaalofa ia Iesu. O a ni meaalofa e mafai ona e avatu ia te Ia?

Ma o loo tele pea nisi mea e mafai ona e tuuina atu ia te Ia. O loo siomia oe e tagata e alofa i ai o Ia o e e mafai ona e fesoasoani atu i ai.

Ou te tatalo o le a tatou foai fua atu, e pei ona sa faia e Iesu. ●

*Sii mai le "Gifts of God," faigalotu a le Iunivesite o Polika Iaga,
Tesi. 1980.*




Pepakiona o Auaunaga

E mafai ona tatou tuuina atu se meaalofa ia Iesu e ala i le auauana atu i isi.

Fai se fasipepa kiona o auauana e faamanatu atu ai ia te oe po o ai e mafai ona e auauana atu i ai.

1. Oti ese le li'o.
2. Gagau le lio i le afa i luga o se tasi o laina. Ona toe gagau afa lea, ma toe gagau.
3. Oti i luga o laina motumotu i luga o le auivi o le tagata. Aua nei otiina pito o vae ma lima.
4. Tatala le pepa ma tusi i luga o tagata taitasi le igoa o se tasi e mafai ona e auauana atu i ai.



O Le Laau Atoatoa



Saunia e Sydney Squires

Mekasini a le Ekalesia
(E faavae i se tala moni)

“Sa fanau maulalo Iesu, ua afio nei i le mamahu”
(Viiga, nu. 110).

“**M**ama, vaai foi i lea!” Sa tusi atu Iosua i le laau Kerisimasi. Sa umi ma mimiti, ma ni nila lanumeamata atoatoa.

Sa tu Mama ma tilotilo atu i le faailoga o le tau.
Na lūlū lona ulu. “Leai, ailoga.”

Sa mapuea Iosua ma savali pea. Sa tumu le maketi i poloka o meaai ma laau Kerisimasi. Sa tumu i aiga o loo faatauina laau ma mea e manaomia e fai ai ni meaai suamalie, e pei o *bûche de Noel*. Sa aumai e Mama ia Iosua e faatau ni meaai, ae sa le mafai ona aveesea ona mata mai laau Kerisimasi. O nisi o laau sa uumi ma mimiti. O isi sa pupuu ma lapotopoto. Sa vaai foi Iosua i se tasi laau na tutusa lelei ma lona umi!

Na fai mai Mama e le tele ni a latou tupe i lenei tausaga. Atonu o le a le mafai ona latou faatauina se laau. O le mea lena na faanoanoa teisi ai Iosua. Soo se taimi lava e o ai i le maketi ma Mama, e autilo solo lava o ia mo le laau Kerisimasi atoatoa. Atonu, atonu lava, o le a la maua se laau e ave i le fale.

Sa u'u e Iosua le lima o Mama a o la savavali atu i le isi laina o laau. Na tau mole Iosua. O le la tonu a—le laau atoatoa!

Sa tamoe o ia i luma ma tuu le lima i luga o le laau. E le lanumeamata tele. Sa misi ni faaputuga o nila. Sa le umī tele. O le mea moni, sa pi'o tele, e pei o se toeaina o loo faalagolago i se tootoo.

"Mama, e atoatoa!" Na fai mai ai Iosua. "E mafai ona ta aveina i le fale? Faamolemole?"

Sa tilotilo Mama i le faailoga o le tau. "Ia, e le tau-gata tele. Ma ou te manatu e mafai ona ofi i totonu o le taavale."

Sa tau le mafai ona faatali Iosua. Sa ta'alo'alo pea o ia i lima o lona peleue a o faatalitali mo Mama e totogi le laau. Ona fesoasoani lea o se alii lelei ia i la'ua e tuu le laau i totonu o le taavale. Ina ua la tau-nuu i le fale, sa fesoasoani lona uso laaia, o Matiu, ma Papa e aveese le laau mai le taavale. Sa latou aveina le laau i totonu ma tuu i le tulimanu o le latou potu pito i luma.

"Muamua, e tatau ona tatou faia moli," o le tala lea a Matiu.

Sa faigata ona faatautau moli ona sa matuai pi'o lava le laau. Sa tuu e Matiu moli i le pito i luga. Sa tuu e Iosua nisi i le pito i lalo. Na sosoo ai ma le latou tautauina o teuga. Ona faai ai lea i le fesoasoani o Papa ia Iosua e tuu le fetu i luga o le tumutumu.

Sa palaka e Papa moli ma tuu atu ona lima e opo ia Mama. Sa ataata atu Iosua i le laau. O moli o le laau na mafanafana ma maua ai lagona lelei i le potu atoa. Sa nofo o ia i lalo o le laau ma tilotilo a'e i teuga lanu susulu ma le feilafi. Sa lei foliga pi'o ma faanoanoa i le taimi nei. Sa matagofie. Na atoatoa.

"O se laau atoatoa pei o Iesu," o le tala lea a Iosua.

"O le a le uiga o lau tala?" O le fesili lea a Mama.

"O le tatou laau e pei lava o Iesu," o le tala lea a Iosua. "Na soifua mai Iesu i se faatanoa vao palapalā. Sa palapalā ma faanoanoa le tatou laau i le maketi. Ae o lenei ua matagofie ma maoae le laau, e pei lava ona sa avea Iesu ma tupu lalelei."


"O le tatou laau Iesu atoatoa," o le tala lea a Papa. Ou te fiafia i lena."

Sa ataata Iosua. O le a avea lenei Kerisimasi ma se Kerisimasi faapitoa. ●

O lenei tala sa tupu i Farani. Su'e i le itulau U6 e aoao atili ai e uiga i lena atunuu.



Talofa mai Farani!




Salut! O i ma'ua
o Margo ma
Paolo!

O loo ma malaga
faataamilo i le
lalolagi e aoao e
uiga i fanau a le
Atua. Faatasi mai
ma i ma'ua a o ma
asiasi i Farani!



E toeitiiti atoa le 40,000 tagata o le Ekalesia i Farani!
O le malumalu i Pale, Farani, sa faamae'aina ia Me 2017.



O le Tusi a Mamona
lenei i le gagana Farani.

O Farani e lauiloa
mo ana falaoa ma
sisi. E toatele tagata
e faatauina mai ni
baguettes felesi
mai *boulangeries*
(falefalaoa) i aso uma.



I Farani i saute, e saunia tagata mo le Kerisimasi e ala i le faia o se "crèche," po o se vaaiga i le fanau mai o le Faaola.

E tumu le vaaiga i tagata o loo faatalitali mo le fanau mai o Iesu Keriso. I le Po o le vaeluaga o le Kerisimasi, latou te tuu ai le faatagata o le pepe o Iesu i le crèche!



Feiloai i nisi o a ma uo mai Farani!

Ou te fiafia i mea uma e faatatau i le Peraimeri—o pese, o faiaoga, o gaoioiga, ma mea ou te aoaoina e uiga ia Iesu Keriso. E faapi-toa lou fiafia i ai pe a matou faamanua atu aso fanau o tamaiti. Ou te taulai atu i le Peraimeri i vaiaso taitasi.

Julien B., 10 tausaga, Haute-Garonne, Farani




O le tala e sili ona ou fiafia i ai o le Tusi a Mamona o le tala e uiga ia Nifae i lona faamagalo atu ma le alofa i ona uso. Faafetai i le faataitaiga a Nifae, o lenei vaega o tusitusiga paia e fesoasoani tele ia te au, e faigofie ai ona ou talosaga i ou uso mo le faamagaloga pe a matou fefinau'a'i ma faamagalo atu foi.

Evelyne N., 6 tausaga, Île-de-France, Farani



Faafetai mo le matamata solo i Farani faatasi ma i ma'ua!



O le Louvre, i Pale, o le falemataaga o faatufugaga aupito sili lea ona tele i le lalolagi! E silia ma le 380,000 vaega o faatufugaga o loo i ai.



O tamaiti Farani e fiafia e taalo i se taaloga e ta'u'a o le "escargot." E te puna i totonusi o se siepi taviovio ina ia oo atu ai i le faaiuga!



**E te sau mai Farani? Tusi mai ia i ma'ua!
Ma te fiafia lava e faalogo atu ia te outou**



O Se Mea e Ofo Ai i le Kerisimasi

Saunia e Jane McBride

(E faavae i se tala moni)

"Ia maua se Kerisimasi faaleaiga fiafia! . . .

Wrap your hearts in love this year" (Children's Songbook, 51).

Sa matuai faanoanoa le loto o Ana a o ia savali atu i totonu o le potu ma vaaia ai le laau Kerisimasi. Sa pa le vai vevela o le latou fale, ma na vaia ai le fola atoa. Sa taumafai pea Tama e faamama le gasu. O nai meaalofa laiti na i lalo o le laau sa matuai pala lava.

 Sa toso mai e Ana ma ona tuagane laiti ni solo



ma latou taumafai ai e solo mago meaalofa. Ae sa le'i aoga tele. Sa matuai pala-vivi lava.

Na feagai le aiga o Ana ma se taimi faigata. Sa leai se galuega a lona tamā i le taimi lea. O le a lē umi ae maua se pepe fou a lona tina, ma sa ma'i soo o ia. Ma o lenei o le a lei ni a latou meaalofa mo le Kerisimasi.

I lena po ao sauni Ana e moe, sa ia lagona atu le talanoaga a Tama ma Tina i le umukuka.

 “O le a le tatou mea o le a fai?” O le fesili lea a Tina. Na

foliga mai sa tagi o ia. "E le o lava se tatou tupe mo le totogi o le fale, ae o lenei foi e leai ni meaalofa mo tamaiti." Sa oo ia Ana se lagona gaogao ma le popole i lona manava.

"O le a ta mafaufauina lava se mea," o le tala lea a Tama.

Sa savali atu Ana i totonus o le umukuka. Na aapa atu Tina ma fusi mai ia te ia. Ma ona lima sa faataamilo i le manava o Tina, sa lagona e Ana le minoi o le pepe. Na ataata o ia. "O loo faatali le fanau mai o le tatou pepe fou. E masani lava ona e fai mai o se pepe o se vavega."

Sa ataata atu Tina. "E sa'o. E tele mea e ao ona tatou loto faafetai ai."

"O loo ia i tatou le tasi ma le isi," o le tala lea a Tama. Na ia sogi atu i le ulu o Ana. "O le a lē afaina."

A o alu atu i lona potu, sa faalogoina e Ana ona tua-gane o fetagisi. Sa saofai o ia i le moega o Tavita.

"Ua faanoanoa tagata uma," o le tala filemu lea a Tavita.

"Ma o le a leai ni a tatou meaalofa," o le tala lea a Rapi, a o masusū.

"O le a lē afaina," na toe fai atu ai Ana. "O le a lua vaai i ai."

A o lei oso i lona moega, sa tootuli Ana ma ole atu i le Tama Faalelagi po o le a se mea e mafai ona ia faia mo lona aiga. Sa leai ni ana tupe e faatau ai ni meaalofa, ae sa i ai pea se lagona lelei ma le mafanafana i lona loto.

O le taeao na sosoo ai, sa taoototo pea o ia i lona moega ma mafaufau mo ni nai minute a o lei sauni mo le aoga. Ona oo mai lea o se manatu ia te ia! I lena aoauli sa faatopetope atu o ia i le fale ma fai ana feau ma ana meaaoga. Ona ia maua lea o ni pepa ma se manoia ma ni nai peni maka ma faailoga faapipii sa ia mauaina mo lona aso fanau. Sa ia aveina uma lava i lona potu ma tapuni le faitotoa.

Na toetoe a ata Ana i le mafaufau atu i le tau fai ofo o le a i ai lona aiga. Sa ia gaugauina muamua le pepa ma nonoa faatasi i se manoia e fai ai ni tamaitusi se fa. Na ia filifilia se fetu e faapipii i le tamaitusi a Tina, ae o se paneta mo Tama. Sa ia tuu se taifau mo le tamaitusi a Tavita ma se loketi mo Rapi.



Ona amata tusi lea e Ana ni ata. Mo Tina sa ia tusia sona ata o loo saluina le fola. Sa ia tusia sona ata o loo la kukaina ma Tama le taumafataga o le afiafi, o le isi ata o loo la taaalo lakapi ma Tavita, ma le tasi o loo ia faitauina atu se tusi ia Rapi. Sa tele ni aso na ia faaluina e faatumu ai tamaitusi taitasi i ata.

Mulimuli ane na oo i le aso e sosoo ma le Kerisimasi, ma sa tuu ma le faaeteete e Ana ana tamaitusi i lalo o le laau.

O le taeao na sosoo ai, sa ia tuuina atu i tagata taitoatasi o lona aiga se tamaitusi. "Ou te fafia i ata nei," o le tala lea a Tavita. "Ou te fafia e taalo i le lakapi."

"E le na o ni ata," na fai atu ai Ana ma ni foliga fafia.

"O ni pepa o auauanga! O ata o loo faaalia ai mea uma o le a ou faia mo outou."

"O le meaalofa aupito manaia lenei e mafai ona e tuuina mai ia i matou," o le tala lea a Tina a o tilotilo i lana tamaitusi. Sa faafetai Ana ona sa fesoasoani le Tama Faalelagi ia te ia e mafaufau i le faia o pepa o auauanga o le Kerisimasi. O le a oo mai se pepe fou, ma faatasi ai ma le fesoasoani a le Tama Faalelagi, o le a matuai lelei lava mea uma. ●

E alala le tusitala i Colorado, ISA.



O Se Meaalofa o le Faauoooga

Saunia e Lucy Stevenson

Mekasini a le Ekalesia
(E faavae i se tala moni)

*O lenei tala sa tupu i Egelani ina ua faatoa mae'a le
Taua Lona II a le Lalolagi.*

Sa popole Hermann Mössner a o savali atu o ia i stotonu o le falefa. O ia ma ana uo mai le tolauapiga sa ofuina pea o latou toniga, na faailogaina i mataitusi "P.O.T." Na iloa uma e tagata o na mataitusi na faauugaina "pagota o taua." Pe o a ni manatu o tagata o le paranesi? Mata o le a latou vaai ia te ia o so latou fili?

Sa latalata le falefa i Leeds, Egelani. Ae o Hermann e le sau mai Egelani. Na sau o ia mai Siamani. Ina ua uma ona faamalosia o ia e tau i le Taua Lona II a le Lalolagi, sa pueina Hermann e fitafita Peretania ma auina atu i se tolauapiga falepuipui faa-Peretania. O lona taimi muamua lea mai se vaitaimi umi ua toe alu ai le lotu.


Sa manavanava loloa Hermann ao ia nofo ifo i lalo i se tasi o nofoa umi. Sa mafai ona ia iloa atu le peresitene o le paranesi, o George Camm, o loo saofai mai i le pito i luma. O Peresitene Camm o se uo a Hermann. O le vaiaia o ia o ataata mai na maua ai faalogona lelei o Hermann.

I nai masina ua mavae, na oo atu ai Peresitene Camm e asiiasi ia Hermann i le tolauapiga ina ua ia faalogo na o ia lava le tagata o le Ekalesia iina. Sa fai si popole o Hermann i le taimi muamua. Pe o le a ita ea Peresitene Camm ia te ia? Aua foi, sa vatau o la atunu i le taua.

Ae ina ua feiloai Hermann ma Peresitene Camm, sa la faaalia ni foliga ataata ma lululima. Ona la tatalo faatasi ai lea. Sa laua usuina ni pese ma talanoa e uiga i le talalelei. Sa la aai faatasi foi i le faamanatuga.

"Ou te alofa ia te oe, lo'u uso," o le tala lea a Hermann ina o le a alu ese Peresitene Camm. Sa ia vaaia





loimata i fofoga o Peresitene Camm a o ia talotalo faatofā mai.

Ina ua mavae lena, sa asiisi atu Peresitene Camm ia Hermann i Aso Toonai taitasi. I aso na totoe o le vaisaso, sa faia ai e Hermann le mea sili na ia mafaae e ola ai i le talalelei. Sa ia faasoa atu lana molimau i isi pagota a o latou galulue i le fanua. Sa ia taliina a latou fesili a o latou vaneina ni laau i le mae'a ai o se aso umi o galuega. O nisi taimi sa ia tatalo faatasi ma i latou.

"Sole, Hermann," sa fai mai ai se tasi o pagota i se tasi po. "E mafai ona ou auai faatasi ma oulua ma Mr. Camm i le Aso Toonai?"

Sa ea a'e Hermann mai le poloka laau sa ia vaneina. Sa ataata o ia. "Ioe!"

"E mafai foi ona ou auai?" o le fesili lea a se isi pagota.

Sa fiafia tele Hermann ma Peresitene Camm e aoao atu le tele o pagota. E lei umi ae mananao nisi o i latou e papatiso!

Ma o lenei, a o tilotilo solo Hermann i le falesa i aiga o loo faatalitali mo le amataina o le lotu, sa ia lagona le filemu. O nisi tagata na popole i le i ai o Hermann i le taimi muamua. Ae e lei umi ae o latou fatuatuaina o ia. O isi pagota sa mananao e aoao e uiga i le talalelei na mauaina se faatagaga e tuua ai le tolauapiga ae o atu ma Hermann i le lotu i Aso Sa. Mulimuli ane, sa valaauna ai foi Hermann e avea ma peresitene o le Aoga Sa a le paranesi.

Ua mavae atu aso, ma ua latalata mai le Kerisimasi. Sa manao Hermann e faia se mea e faafetai ai i tagata o le ekalesia o e sa matua agalelei atu ia te ia. Ona oso a'e lea o sona manatu! Sa toeitiiti oo i le taimi o le pati o le Kerisimasi a le paranesi. Sa ao mai e Hermann ni poloka

fafie se tele ma amata ona vaneina. Sa taitasi ona ia liliuina ia poloka i taavale laiti, elefane, vaalele, nofoaafi, ma solofanua.

Na iu ina oo mai le aso o le pati. Sa aai tagata uma ma usu faatasi pese o le Kerisimasi. Sa usuina e Hermann ma ana uo mai le tolauapiga ni pese o le Kerisimasi i le faa-Siamani.

Ona toso ane lea i fafo e Hermann se ato lapoa. I totonusa i ai ni meataalo laupapa e 40! Na tuu e Hermann i tamaiti taitasi o le Peraimeri se meataalo. Sa o se Kerisimasi o le a le mafai ona galo ia i latou. ●



Ina ua mavae le tolu tausaga i le tolauapiga, na toe foi atu Hermann i lona aiga i Siamani. I ni tausaga mulimuli ane, sa asiisi atu ai Hermann i le falesa lava lea e tasi sa ia auai ai o se pagota o le taua. Sa ta'u atu e nisi o tagata matutua iina o loo i ai pea a latou meataalo laupapa sa ia vaneina mo i latou a o latou laiti!





Faaaliga o Faatufugaga o le Tusi a Mamona!



1.




2.



3.



4.





6.



7.

ATA TUSI O TAWATI MA FAAVAA NA SAUNIA E GARY LACOSTE



1. Felipe L., 8 tausaga,
São Paulo, Pasila
2. Chloe D., 8 tausaga,
Kuiniselani, Ausetalia
3. Fernanda A., 10 tausaga,
Chihuahua, Mekisiko
4. Slade A., 9 tausaga,
Idaho, ISA
5. Lizzie P., 8 tausaga,
Penislevania, ISA
6. Charlotte B., 7 tausaga,
Tennessee, ISA
7. Emma S., 8 tausaga,
Anzoategui, Venezuela
8. Jacob A., 10 tausaga,
Alberta, Kanata
9. Lauren S., 9 tausaga,
Uasigitone, ISA
10. Anahí F., 8 tausaga,
Canelones, Uruguay
11. Martin S., 5 tausaga,
Jujuy, Atenitina
12. Will B., 8 tausaga,
Iuta, ISA
13. Johannes H., 10 tausaga,
Florida, ISA
14. Andie S., 7 tausaga,
Nevada, ISA
15. Inás S., 9 tausaga,
Viseu, Potukale
16. Kayla S., 9 tausaga,
Kalefonia, ISA





Saunia e
Elder W. Mark
Bassett
O le Fitugafulu

Tatalo mo Max



Ina ua ono ou tausaga, na mananao se ulugalii matutua o la matou uarota e saili se aiga lelei mo le la taifau, o Max. Sa laua iloa o le a alolofa lo matou aiga ia Max. O lea na matou vaetamaina ai o ia!

I ni nai vaiaso mulimuli ane, na o mai ai nisi o a matou uo ma matou nonofo mo ni nai aso. Sa tumu lo matou fale i tamaiti taaalo sa tamomoe solo.

Ae sa masani Max i se fale manaia ma le filemu. O le i ai i se fale sa faatumulia i ni tamaiti pisapisao na matua fefe ai o ia. I se tasi aso a o matou taaalo ma talie, sa faafuasei ona matou iloa ua leai Max!


Na matou autilo solo mo Max. Na toetoe a ou tagi a o matou tietie solo ma lo'u tina i le pitonuu atoa. Sa oo lava ina matou siakiina i e na onaina muamua Max. Ae sa lei maua lava o ia.

Ina ua matou taunu i le fale, sa fai mai se tasi, "Tatou tatalo mo Max!" Sa ma tootutuli i se lio ma fai se tatalo faatauvaa. Sa matou ole atu i le Tama Faalelagi mo ni manatu i le mea e su'e i ai Max.

O le taimi lava na matou fai atu ai "amene" na faalogoina se ou mai i le kapoti! O Max!

E silafia e le Tama Faalelagi i tatou taitoatasi ma e alofa ia i tatou. Atonu e le o taimi uma e vave oo mai ai tali i a tatou tatalo. Ma atonu o le a le tali mai le Tama Faalelagi i taimi uma i a tatou tatalo i le ala tonu tatou te mananao ai. Ae o le ala lena tatou te tuputupu ae ai i le faatuatua ma le onosai.

Afai e i ai ni ou faafitauli pe na o le fia talanoa lava, o le a faafogoga mai le Tama Faalelagi ia te oe i taimi uma! ●





Faamalamalama le Lalolagi

Na aumaia e Iesu le malamalama ma le alofa i le lalolagi atoa. O nisi nei o gaoioiga e fesoasoani ia e lagona ai ma faasoa atu Lona malamalama. Valivali ia eria ua faanumeraina pe a uma ona e faia gaoioiga taitasi.



Faitau le Luka 1:26-31 ma usu le "Pese Faamoe Pepe a Maria" (*Tusipese a Tamaiti*, 28).

Fai se kata o le Kerisimasi mo se tasi ma usu le "I se Faatanoa Vao" (*Viiga*, nu. 117).



Faitau le Luka 2:4-7 ma usu le "Ina ua Alu Iosefa i Peteleema" (*Tusipese a Tamaiti*, 22).



Fai se galuega agalelei mo se tasi ma usu le "Na Ia Auina Mai Lona Alo" (*Tusipese a Tamaiti*, 20).



Faitau le Luka 2:8-18 ma usu le "Sa Pepese Mai Agelu" (*Viiga*, nu. 119).



Faitau le Mataio 2:1-11 ma usu le "Na Oso Mai Mea e Ofo Ai" (*Viiga*, nu. 120).



Talanoa e uiga i ou lagona i le fanau mai o Iesu Keriso ma usu le "Po Filemu" (*Viiga*, nu. 116).



Faatinoga o le Fanau Mai ole Faaola a le Tuaoi

Saunia e Lorraine Starks
(E faavae i se tala moni)

"Ona ua fanau mai mo i tatou se tama"
(2 Nifae 19:6).

Sa tu tete Rosa i ona tamaivae a o ia fālō atu i fafo o le faamalama. Toe o ni nai minute ona taunu mai lea o a latou uo!

O tausaga uma lava i le vaitaimi o le Kerisimasi, e fai ai e Rosa ma lona aiga tala faatino o le Fanau Mai o le Faaola. Latou te valaaulia i taimi uma tagata ina ia o mai ma auai faatasi ma i latou. O le taimi lenei sa latou valaaulia ai o latou tuaoi ma faifeautalai! Sa fiafia Rosa ona sa i ai se pepe a lona tuaoi e avea ma le pepe o Iesu.

Sa toeitiiti lava saunia mea uma. Sa aveese e Tina ia meaai māmā mai le ogaumu. Sa tapena ese e tua-gane laiti o Rosa a latou meataalo uma. Sa tapena mai e Eleni ia teuga. Ma sa faapipii foi e Rosa i luga o le puipui se fetu tele lanu samasama mo le teuteuga.

"Rosa," o le valaa mai lea a Tina i le umukuka. "E mafai ona e fesoasoani ia Eleni i le tapenaina o toniga?"



"Ua lelei, Tina!" Sa liliu atu Rosa e fesoasoani i lona uso, o lē sa sau ma se luuga o palanikeke i ona lima.

"Ua i ai a tatou palanikeke, solo, ma lavalava e sui ai mai le kapoti," o le tala lea a Eleni. "E mafai foi ona tatou faaaogaina lenei ato e avea o se faatanoa vao faafoliga." Sa ia tuu atu ia Rosa se ato lapoa lava. Sa tuu e Rosa se palanikeke vaivai i totonu mo le pepe.

"Ua atoatoa," na fai mai ai Rosa.

Na toso e le tuagane laitiiti o Rosa se palanikeke efu-efu i luga o lona ulu ma fai ai se foliga malie. "E mafai ona fai au ma se asini?"

Sa ata Rosa. "E leai, lou vale! Sa e manao e avea oe ma se Makoi, manatua?"

"Oi ioe!" o le tala lea a Jack. Sa ia uu mai le pale meataalo ma tuu i luga o lona ulu.

Ae tu'itu'i mai loa le faitotoa.

"Ua o mai!" Na fai mai ai Rosa. "O le a ou alu i ai."

E lei leva ae tumu le fare i tagata fiafia. Sa fesoasoani Rosa i tagata uma e faamaulu o latou toniga. O tamaitai faifeautalai o leoleo mamoe. O ona tuagane ma lona uso sa fai ma Makoi. O le pepe aulelei sa fai ma le pepe o Iesu, ma o ona matua o Maria ma Iosefa.

Sa tui e Rosa se pulou vaivai, paepae. O ia o se mamoe.

Mulimuli ane, sa mae'a tapena uma tagata ma sauni e o. Sa susue e Elder ma Sister Yancey, o se ulugalii faamisiona mai le latou uarota, le Feagaiga Fou i le tala o le Fanau Mai o le Faaola. Sa latou faitauina leotele ia fuai-upu. Sa faatino e tagata uma a latou vaega.

I le faaiuga o le tala, sa usuina e tagata uma le "Po Filemu." Sa lagonaina e Rosa le mafanafana ma le fiafia. Na ia iloa sa ia lagonaina le Agaga Paia. Sa pei na lata-lata Iesu i lona loto.

Ina ua uma le pese, sa ki e Tina le vitio "Samuelu ma le Fetu." Sa fai e Eleni se tatalo. Ona latou aumaia lea o meaai mamā. Sa fiafia tagata uma i le faatasiasi ai.

"O le a la se vaega sa e fiafia i ai?" O le fesili atu lea a Sister Yancey.

"Sa ou fiafia i le usuina o le pese," o le tala lea a Eleni. "Ma taaalo ma le pepe o Iesu." Sa faaluelue e Eleni le pepe i luga o ona vae. Na la taaalo talu mai lava ona uma le pese.

"Sa ou fiafia i le aumaia o meaalofa ia Iesu," o le tala lea a Siaki. Sa ia paleina lava le pale faafoliga.

"Ae a oe, Rosa?"

Na faaloloa faalautetele lima o Rosa. "Sa ou fiafia i mea uma!" sa ia fai atu ai ma le leo tele. "Ae o le mea sili lava, sa ou fiafia i le i ai o tagata uma iinei e faamanatu Iesu. Aua o le mea lena e faatatau i ai le Kerisimasi." ●
E alaala le tusitala i Texas, ISA.

O ai e mafai ona e valaaulia e faamanatu faatasi ma oe le fanau mai o Iesu i lenei tausaga?

O Samuelu ma le Fetu




I le tele o tausaga anamua ua mavae, ma i le isi itu mamao atu o le sami, sa tuuina atu ai e se tagata o le Atua e igoa ia Samuelu se valoaga.



Sa ia faamatala atu i tagata le tele o mea e uiga i le fanau mai o lo tatou Faaola. Sa ia tautala atu ia i latou e uiga ia Iesu Keriso, ma le ala o le a Ia afio mai ai i le lalolagi.



Sa lei faalogo tagata. Na tumu o latou loto i le masalosalo. O lea na latou ave ai Samuelu i le faitotoa o le aai ma togia ia i fafo.



Ae sa lei fiu ai Samuelu. E tatau lava ona ia faailoa atu ia i latou. Na o'e o ia i luga o aupā o le aai ma valaau ifo ia i latou.



"I le toe lima tausaga ona afio mai lea o le Alii, i se po malamalamā, ina ia laveai ai tagata mai a latou agasala uma, ma tuu atu Lona malamalamā i le lalolagi."



"Ma e ui lava e toe lima tausaga, ma o loo mamao pea, ae o le a goto atu le la, ma amata ona po, ae e malamalama pea e pei o le ao."



Sa matuai feita tagata ma tatū o latou vae. Na latou fai mai o le a leai se Keriso e sau. Sa tau'ai atu a latou maa. Sa tafana atu a latou ufanafana. Na misi uma lava.



Sa faatalitali le au faatuatua, ua tau lē manava, i le faamoemoe o le a latou vaaia—le fetu, le malamalama, o folafolaga, e sili atu lona taua nai lo o le auro.



Ona oo mai lea o le lima tausaga, i Peteleema, ua taoto Keriso i se faataanoa vao. Sa latou vaai i le malamalama ma iloa o le a afio mai o Ia, lo latou Faaola, le Alii o tagata uma.



Ma e pei ona tupu i taimi uma lava, pe a matua lototoa pero-feta, e faataunuina e le Alii Ana folafolaga, e pei ona faia e Samuelu o anamua. ●

E mafai ona e matamata i le vitio lenei i le bit.ly/3cz7F2j. Pe faitau le tala i le Helamana 13-15; 3 Nifae 1:13-15, 21.




Na Faasaoina e Moronae Tusitusiga Paia mo i Tatou



Sa tuufaatasia e le perofeta o Mamona se tusi e uiga ia Iesu.

Sa ia tusia i luga o papatusi auro. A o lei maliu o ia, sa fai
atu Mamona i lona atalii o Moronae e tausi lelei le tusi.

Na faia e Moronae le mea na fai
atu ai lona tamā. Sa ia tausia ma
le saogalemu ia papatusi. O nisi
taimi sa tatau ai ona lafi o ia mai
tagata amioleaga. Sa masani
ona ia lagonaina le tuuatoatasi.
Ae sa ia iloaina e taua tele le tusi.



Sa asiasi atu Iesu ia Moronae!
Sa ia faaali atu ia Moronae le
auala o le a fesoasoani ai le tusi
i le toatele o tagata e pei o oe ma
au. Na faaopoopo atu e Moronae
lana molimau i papatusi. Sa ia tusi
mai ia i tatou e pei o la sa tatou
i ai iina faatasi ma ia.





Na faatonu e le Atua ia Moronae
e tanu papatusi ina ia malupui-
puia ai. I le tele o tausaga muli-
muli ane, sa faaliliuina ai e Iosefa
Samita. O lenei la ua lolomiina
o le Tusi a Mamona.




O le Tusi a Mamona na tusia mo a'u! E mafai ona
fesoasoani ia te au i soo se faafitauli.
O se meaalofa mai le Atua. ●

Faitau i le mea lenei i le Mamona 8 ma le Faatomuaga o le Tusi a Mamona.

O le Tusi a Mamona E mo A'u!



O le a se mea na e aoaoina mai le Tusi a Mamona i lenei tausaga?



O LE EKALESIA A
IESU KERISO
O LE AU PAIA O ASO
E GATA AI

Matua Pele e,

O le mekasini o le masina lenei e faatatau uma lava i meaalofa. O se tasi o meaalofa sa matou galulue ai mo lou aiga o se mekasini atoa o le *Uo* i lau gagana!

O ni nai vaega nei e mafai ona e tulimatai atu i ai i le *Uo* i le 2021:

- O se luitau faalemasina mo tamaiti i le salafa o le lalolagi e fai faatasī e mulimuli ai ia Iesu
- Tala o paionia mai le tele o atunuū
- Kata o talafaasolopito o le Ekalesia
- Faapea ma le tele o tala mai tamaiti i le salafa o le lalolagi!

Ona o le *Liahona* fou o le a le toe aofia ai le mekasini o le *Uo* e mafai ona maua sau lomiga e totogiina o le mekasini i le store.ChurchofJesusChrist.org! po o se faletusi a le Ekalesia i le lotofale. O lea lava le umi o totoe o lau lomiga totogiina o le mekasini o le *Liahona* o iai o lea otometi lava ona faaopoopo atu i lau *Liahona* fou.

Ma le alofa,
O Le *Uo*

ANOTUSI

- U2** Mai le Au Peresitene Sili:
O Meaalofa o le Alofa mo Iesu
- U4** O Le Laau Atoatoa
- U6** Talofa mai Farani!
- U8** O Se Mea e Ofo Ai i le Kerisimasi
- U10** Faataitaiga Lototeli: O se Meaalofa o le Faauooga
- U12** Faaaliga Faatufugaga o le Tusi a Mamona!
- U14** Uo i le Uo: Tatalo mo Max
- U15** Meamalie: Faamalamalama le Lalolagi
- U16** Faatinoga o le Fanau Mai o le Faaola a le Tuaoi
- U18** O Samuelu ma le Fetu
- U20** Tala o Tusitusiga Paia: Na Faasaoina e Moronae Tusitusiga Paia mo i Tatou
- U23** Itulau e Valivali: O le Tusi a Mamona e mo A'u!



**Su'e le Liahona o loo nanā i
totonu!**